

COMMENTARII
DE REBUS
IN
SCIENTIA NATVRALI
ET
MEDICINA
GESTIS.



VOLVMINIS III. PARS III.

LIPSIAE

APVD IOH. FRIDERICVM GLEDITSCH.

venduntur etiam

AMSTELODAMI apud PETRVM MORTIER.

M D C C L I V.





I.

Osteographie ou description des os de l'adulte, du Foetus &c. précédée d'une introduction a l'etude des parties solides du corps humain. Par M. TARIN Medecin. à Paris, chez Briasson. 1753. 4. 1 Alph. 6 pl. tab. aen. 9. ad præfationem, tab. aen. 40. ad opus pertinentibus.

Hoc est:

Osteographia siue descriptio ossium adulti hominis et foetus &c. cui accedit introductio ad illustrandas solidas corporis humani partes.



Nouam iam nobis hic datam lubenter arripimus occasionem, sedulam, quam in perpoliendis anatomicis scientiis adhibet, industriam Cl. TARIN exponendi. Non enim suis tantum, sed exteris etiam inseruiendi studium, nec tironibus dicatam tantum, sed magistris etiam in arte utilem euasuram operam in se suscepisse videtur, dum ex perfectioribus perspicacissimorum dissectorum disquisitionibus repetit elaboratissima specimina, de suis, quæ diuer-

sa inuenit, addit, atque conuenientibus illustrat iconibus. Ea autem Cl. Auctoris mens est, ut sensim *introductionem in corporis animalis oeconomiam* uniuersam tradat, prius de hoc opere itaque quam dicamus, quam sibi praescriptam habuerit normam, de explicatione eius in praefatione et commentariis praemissis addita, nobis referendum est.

Vario modo solet anatome pertractari, alii quidem in illa indaganda eam versari videntur ob rationem, ut partium situm, nexum reliquasque conditiones, ut ita dicamus, historice tantum calleant, et in hac persistentes perscrutatione, suo aliorumque summo cum damno, officio sibi incumbenti satisfacisse stolide autument, alii vero prudentiori consilio dictam iam disquisitionem nullo modo negligendam, eam vero in generis humani utilitatem sic amplificandam esse perspiciunt, ut et naturalis, quem vocant, et praeternaturalis corporis animalis status inde clarior euadat. Ad quam sane classem laudabili instituto sua accedit Cl. Auctor sententia, prioris generis disquisitionem *anatomen simplicem* appellans, quae solidarum et fluidarum partium indolem naturalem perpendit, posterioris vero *anatomen comparatam* nominans, quae praeternaturalem statum cum naturali comparat, aberrationes, mutationes morbosas, relationes deinde cum aliis animalibus dispicit. Huc etiam observationes reliquas et in viuis animalibus quoque institutas, referendas esse iudicat, nec non omnia, quae ex functionum actione et vita enascuntur phaenomena. Quo euidentius autem suae scientiae firmitas stabiliatur, per exempla eam corroborat, desumpto eo ex cranii ossium structura, quae in adultis variis denticulatis insertionibus sibi iunguntur, quorum defectus est in infantibus, in quibus tamen ex diuersis plerumque partibus componuntur, et phaenomenon difficile diiudicatu sistunt. Vt breuiter explicationis datae rationem reddamus, putat, eas mu-
tatio-

tationes a causis internis et externis deducendas esse; ad internas quidem actionem cerebri et cerebelli, eius in externas partes pressionem, coniunctam cum motu arteriarum, quae tamen actio pro aucto harum partium incremento variat, ad externas vero reactionem tum ossium, tum adhaerentium musculorum refert, quae duae causae, cum in oppositas plagas partes trahere tentent, aliqua puncta premunt, ossificationem inducunt, et serraturas efficiunt. Frontis etiam et parietalibus ossibus intercedenti cauo, quod fontanella dicitur, serius accidit concretio, quod tubercula, in anterioribus ventriculis constituta, sensim demum extensa, maiorem actionem exserunt. Sin quaedam huic incremento se opponant impedimenta, varietates enascuntur, id, quod praeter alia hydrocephali exemplum docet, et non absque probabilitate de gigantum dictis ossibus, quorum quasdam icones adiungit Cl. Auctor, praesumitur. Ex permultis, huius rei declarandae causa expositis, exemplis notandum est, illud, a WINSLOW communicatum Nostro, quod parietale os medium futura horizontali distinctum exhibet, et delineatum hic prostat. Putat deinde inter alia, sinus laterales durae matris dextri lateris plerumque ampliores esse sinistris, cum respondente his fossa iugulari, quod in illud latus saepius decumbere soleant infantes, quibus ossa adhuc explicantur. Ex his porro multas colligi posse adnotationes, glandularum euincit praesentia, alias in variis locis non detegenda et mutationes restitutionesque ossium vix credendae, quarum quaedam itidem notandae hic adducuntur. Analogia vero, nisi experientia suffulta, minus tuta argumenta offert, certiora suppeditat cum brutorum dissectione collata anatome seu comparatiua. Sic enim detegimus crania, v. c. animalium, quibus cum homine multa intercedit analogia, etiam ad huius conformationem propius accedere.

Quae cum possint iam utriusque anatomes necessitatem comprobare, sic animus est, in hoc opere describendo versari Cl. Auctori, ut de solidis et fluidis corporis humani partibus sigillatim tractet, earumque scitu necessarias condiciones percurrat. In septem autem partes omnis haec, ampla satis, distribuetur descriptio, ita, ut prima naturalem solidorum statum, quoad omnia exteriora figurae, situs, nexusque momenta, explicet. Qui finis eo melius, ut obtineatur, in naturali magnitudine partium icones proponentur. In *secunda* parte internam solidorum structuram perpendet, varietates vero earum *tertia* complectetur, quo facto, morborum effectus in mutandis iisdem, *quarta* in parte disquiret Cl. Auctor, in *quinta* vero monstrosarum fabricarum indolem considerabit et in *sexta* comparisonem diuersarum partium corporis humani cum aliorum animalium instituet partibus. *Septima* tandem conclusiones ex variis in homine vel animalibus viuis collectis experienciis addet. Cunctis hisce in locis, quantum necesse erit, tot icones partium propositas videbimus, quot ad earum naturam intelligendam requiruntur: eaeque ex optimis et maxime sollicitis dissectorum diuersorum descriptionibus, desumentur. In ossium itaque adulti hominis descriptione figuras, a Cl. WINSLOW beneuole communicatas, in foetus ossibus et musculis, delineationes ALBINI, passim vero ex suis etiam obseruationibus, per duodecim annos in cadaueribus institutis, varias exhibebit: Solidas tandem partes quascunque in cohaesione naturali cum reliquis, naturalem etiam seruans magnitudinem, ultimo additurus loco, cuius rei exemplum proxime in extremitatibus superioribus se daturum esse promittit, simulque humaniter omnes excitat anatomicos, velint in communem utilitatem suis laboribus eum adiuuare. His peractis, quicquid de humorum indole constat, relatum legemus, ut tandem

dem omni introductioni in oeconomiam animale
finem imponat Noster.

Primus nunc sequitur *commentarius*, qui *genera*-p. 1.
lem partium solidarum corporis nostri ideam earumque
proportionem declarat, et sex momentis in specie ab-
soluitur; solidarum nempe partium definitionem,
deinde quid mentis iudicio in diuerso aetatis statu de
iis cognosci queat, porro earum species, denique
elementa et tandem eorum euolutionem successiuam
et proportionem tradit Cl. Auctor. Solida vocat eas
corporis partes, quae constantem situm retinent, ad
sensum et motum omnia ferme redeunt, id quod
per varia exempla demonstratur. Sed haec in genere
tantum concluduntur, accuratiora igitur ex indagine
et perferuatione naturae intelligenda sunt. Hac au-
tem constat, compositionis modum in solidis tantum
differre, variisque usibus accommodari et hinc ea-
dem vel vasa esse, vel alia instrumenta, ita sibi subor-
dinata, ut alterum sine altero firmiter subsistere ne-
queat. Ea propter Cl. Auctor denuo mirandum vi-
scerum commercium inter se et porro omnium par-
tium duriorum et mollium mechanismum, vario sco-
po adaptatum, fusius perpendit. Elementorum in p. 13
solidis, ab anatomico distinguendorum, duo genera
constituit Noster, fibras atque concretionem particu-
larem in ossibus, cartilaginibus, glandulis, quae sin-
gulae naturam partis absoluunt. Ex harum coniun-
ctione totum quidem existit, et proportio inter eas
seruatur, quae tamen ex singulis partibus iterum pe-
culiaris est, et quam determinare admodum est diffi-
cile, viam hanc inueniendi demonstrauit natura, ars
vero illam perpoliuit. Adducuntur itaque momen-
ta breuiter, quae a tenerrimi hominis principio ad
maturum eius ad partem statum obseruata sunt, et
per RVYSCHII, BIDLOI et *Commercii Noriber-*
gensis litterarii icones, hic repetitas, corroborantur.
Nunquam tamen natura adeo perfecte omnia sibi re- p. 16.

- spondentia fecit, ut in similibus subiectis vel in uno eodemque similes partes proportionem sint conuenientes, quae differentia dependet a methodo, quam seruat natura, in euolutione partium, certo cuidam usui destinatarum. Crescit nimirum foetus perpetuo in utero, post natiuitatem sensim minus usque ad pubertatis annos dum deuenit, quo tempore iterum auctius incrementum fit, quod ad vitae terminum corpus conseruat. Artificiose veterum statuae multum aestimantur, quod exactas ab eorum inuentoribus adnotatae fuerunt mensurae, quo eo accuratior illa sit, hodie totum corpus humanum in decem facies distribuitur, quarum diuisiones, delineatio A P O L L I N I S in tabula quarta, quinta, et sexta sistit, prout a celebri sculptore A D A M O communicata fuit Nostro. Hac data occasione simul ille de figuris partium, a dissectoribus exhibendis, agit, obseruandas ab illis regulas quasdam proponens, quippe cum earum utilitates tantae sint, ut possint rite factae quacunque
- p. 22. descriptione melius partium ideas excitare, disquirentem in cadauere instruere, vel partium visarum notas in mente renouare. Verum, quod in hoc etiam opere exsequendo plures difficultates se se offerunt, praecipuas earum pertractat Cl. Auctor, inter tot Albinianas praecipue commendans figuras, cum in permultis artifices suae magis, ut satisfaciant arti, quam naturam ut imitentur, studiose quaerant.
- p. 1. *Alter commentarius, methodum docet, quam sequi oportet in studio anatomico partibus solidis corporis humani dicato.* In cognitione partium solidarum respiciendum est ad exteriores notas et internam structuram, quarum conditionum proponendarum ratio non aequali modo seruari solet ab anatomes doctoribus. Alii enim nimis breuiter et concise, alii paullo laxius rerum disquirendarum ambitum considerant, euitandi itaque erroris causa nil, nisi quod distincte patet, verum iudicandum, a simplicioribus
ad

ad composita progrediendum et nil, quod ad considerationem plenam pertinet, praetermittendum est. Tribus autem modis disquisitionis suscipi poterit, ut de usu et agendi ratione partium sermo sit, vel de earum descriptione, vel de modo praeparandi. Secundum hanc normam Cl. Auctor propositurus partium corporis nostri historiam priorem disquisitionem *Logicam*, alteram *Graphiam*, tertiam *Tomiam* vocare ipsi libuit v. c. somatologia, somatographia, somatotomia, quae de solidis partibus agunt, et sic etiam in reliquis. Quoniam vero inter solidas partes ossa fere principatum tenent, ab iis incipiendum esse suadet, his reliquas separatim et deinde coniunctim etiam adnectendas esse. In situ porro rite definiendo ad *fi. P. 4.* tum *generalem*, *communem* et *proprium* seu *specialem* attendendum est, cuius rei causa hoc exemplo utitur: Si dicimus, cor esse partem solidam corporis nostri, viscus et musculum cauum oblique positum, indicamus *situm generalem*, addendo autem, illud repositum esse in medio anteriorique pectoris loco, denotamus *situm communem*, quod hoc momentum commune est aliis, in pectore contentis, partibus, tandem, quod illud ad dextrum magis, quam sinistrum latus respiciat etc. *proprium* et *specialem* declaramus *situm*. Hinc regiones constitutae sunt variae corporis humani, in quibus declarandis melius versari posse dissectores Noster arbitratur, si tria plana constituuntur, quorum illud, quod totum erectum medium corpus bipartitur, vocat *planum diuisionis*, aliud a capite ad pedes demissum, *verticale*, tertium ab anteriori ad posteriorem capitis partem procedens, *horizontale* appellat. Secundum quam reliquae inclinationes viscerum ad perpendicularem, obliquam, transuersam, et sic porro, lineam intelligi poterunt, quae momenta, hic, ad animum referenda, in tabula octaua delineantur. Subsequuntur deinde nomina differentium regionum corporis, in tabula no-

na designata. In descriptionibus partium solidarum opus fuit varias particulas suis insignire vocabulis, quarum permulta hic adducuntur; in distinguendis etiam specialioribus tam assiduam relationem eorum refert Cl. Auctor, ut numerum ossium, cartilaginum, ligamentorum &c. studiose et fuse exponat. Est tamen multorum ex iudicio in his nominibus magna obscuritas, ob peregrinorum idiomatum usum, quod vero obstaculum sane est exiguum, si non ignari plane, quae in erudito abesse non sine detrimento possunt, peregrinarum linguarum fuerint tirones. Exponit tamen Cl. Auctor varia, huc spectantia momenta, quae ad intelligenda ea pertinent et methodum, secundum quam partes solidae corporis humani describi debeant, declarat, ad quam scilicet omnia ea requiruntur, de quibus superius iam diximus. Ne vero exemplum desit, ossis sphenoidi descriptionem ad finem commentarii adiicit. Nouem praeter ea tabulae aeneae ad hosce duos commentarios spectant, quae ante propositas rationes illustrant et ex descriptionibus forte obscuriora adhuc visa ex parte clariora reddunt.

Arbitramur autem ex hisce, quae de fine quem sibi praefixum habuit Cl. Auctor, nunc retulimus, satis certos esse lectores, quae in subiuncta ossium historia sunt quaerenda. Solas quidem tabularum explicationes continet, quae vero copiosa admodum subministrant momenta, quae, ex diuersis tum aetatibus, tum mutationibus, et cohaerentibus partibus collecta, completam cuiuscunque partis historiam sistunt. Diuisit totum corpus in quinque partes Noster, ut in prima ossium siccorum statum et differentiam eorum in utroque sexu, post ea genesin, cartilagine deinde, porro recentia ossa cum ligamentorum et musculorum adhaesione, tandemque articulationes disquirat.

Prima pars seu osteographia integram ossium com- p. 2.
pagem seu sceleton. ab anteriori, posteriori et latera-
li parte visum, Albiniano more, sistit. Quae ad ca-
put integrum deinde concurrunt ossa, inter se cohae-
rentia vel simul dissecta exhibentur, quibus resoluta a
nexu suo separatim cuncta succedunt, et in naturali
magnitudine vel imminuta delineantur. Haec sectio-
nem secundam absoluunt et capitis ossa, quae crani-
um et maxillas efficiunt, repraesentant. Ab his pro-
gressus est ad ossa trunci et extremitates. Quo vero
differentia feminini sceleti pateat, illud ad naturam
exprimitur, cuius differentiae explicatio addita prae-
cipuas in tenuitate ossium, eorundem incuruatione
varia, pectoris et pelvis mutatione conspicuas, notas
affert, de ossium vero structura se alibi acturum esse
monet Cl. Auctor. Finem huic parti imponunt re-
petitae icones ex ALBINO, quod illae, ut notum est,
fundamentum descriptionis musculorum constituunt.

Secunda pars osteogeniam dilucidat, hinc foetus p. 80.
diuersae aetatis primo, reliqua ossa separatim secundo
loco pertractat, ut ossea puncta et epiphyfes in con-
spectum veniant. De genesi ossium interim adhuc
sic statuit, ut ex gelatu, quem ab initio referunt, sen-
sim duriora et cartilaginea fiant, tandemque in osseam
duritiem conuertantur.

Tertia pars de cartilaginibus tractat seu chondro- p. 110.
graphia et eas partes, quae per omnem vitam ple-
rumque cartilagineae supersunt, explicat, ut laryngis,
auriculae, aliasque.

Quarta deinde, quae ligamenta et musculorum p. 116.
adhaesiones in recentibus ossibus indicare debebat,
cum ligamenta a WEITBRECHTO sufficienter descri-
pta prostant, in specialioribus tabulis *claustra muscu-
losa ossa versus* (*les emplacements des muscles sur les os*)
tantum proponit. Illi nimirum muscoli, qui imme-
diate ossium superficiei adcrescunt, per lineares figu-
ras proponuntur.

Quintam

p. 126. *Quintam* tandem *partem* de articulationibus hic intactam relinquit Cl. Auctor, quod easdem cum glandulis, ligamentis, tendinibusque alibi fusius pertractare se velle constituerit. Delineationes figurarum, quamvis non eo, quo ab ALBINO, ex quo haud paucus earum numerus desumptus est, factum est, nitore se commendent, tyronibus tamen et iis, quibus, ut pretiosa sibi magni ALBINI opera comparare queant, datum non est, partium verum situm, habitumque perspicuum reddere poterunt.

II.

Myographie ou description des muscles du corps humain. Par M. TARIN, Medecin. à Paris, chez Briasson. 1753. 4. pl. 21½. tab. aen. 29. ex quibus nouem priores duplicatae sunt.

Hoc est:

Myographia seu descriptio musculorum corporis humani.

Vtilissima carniū corporis humani peruestigatio, diu saepeque instituta, earum numerum non tantum multum auxit, sed nexum etiam actionemque studiosius illustrauit, ut singulare eas recensendi studium doctrinam anatomes peculiarem constituat. Noluit tamen, quae ad generalem descriptionem, structuram diuisionemque pertinent, copiosius hic exponere Cl. Auctor, cum de his argumentis alibi iam ab eo dictum sit, sed meram haec myographia musculorum recensioem, tabulis additis innixam, continet. Imitatus autem est methodum, ab Ill. ALBINO seruatam, quo an melius quidquam de musculis dictum sit aequae ac figuris illustratum, utique dubitamus, proponendo nimirum primo omnium musculo-

sculorum compagem, deinde vero demonstrando singulos eosdem separatim: hac tamen intercedente differentia, ut Albinianas tabulas ad tertiam magnitudinis partem imminutas, exhiberet. Tabulae itaque nouem priores, tum quae lineis tantum circumscribuntur, tum quae umbra, ut vocant artifices, interdistinguantur, eadem sunt ac ALBINI, et explicatio earundem, sicut et reliquarum omnium latino atque gallico idiomate additur. Reliquae autem tabulae partes, a se inuicem resolutas, earundemque musculos, iuxta se collocatos, sistunt, inter quarum figuras quaedam ab Albinianis recedunt, quod omnium in minori, qua usus est Noster, forma delineatio clara dari non poterat, qui ea propter maioris paulo exempli repetitionem requirebant. Nouas etiam quasdam figuras adiecit Cl. Auctor, ex quibus notamus musculorum faciei, oculi, dorsique icones, nec non partium naturalium viri, illas enim feminae a SANTORINO huc traductas esse obseruamus. Hae omnes primam partem constituunt, secunda unius cuiuscunque partis musculos separatim exhibet, in quibus presso pede ALBINVM sequutus est Cl. TARIN. Sed musculorum, in figuris conspiciendorum, explicationem eam dedit, ut cohaerente sermone notatis simul in iconibus deprehendendis litteris plenam eorum historiam tradiderit, et sic omnem musculosum hominem cognitum reddiderit. Eodem itaque studio, si reliquae pertractatae anatomes doctrinae a Nostro fuerint, quod ille in animo habet, sensim totius scientiae progressus uno intuitu comprehendere iucundum aequae ac utile est futurum.



III.

Plantae selectae quarum imagines ad exemplaria naturalia Londini in hortis curiosorum nutrita manu artificiosa pinxit GEORG. DIONYS. EHRET Germanus, collegit nominibus notisque illustravit CHRISTOPH. IACOB. TREW, M. D. Norib. in aes incidit et viuis coloribus repraesentavit IO. IAC. HAID, Augustanus. Decuria IV. 1754. fol. reg. text. pl. I. tab. aen. 10.

Cum praecedentes splendidi huius operis decurias et indicauerimus et laudauerimus*, quartam quoque hanc decuriam, quae et elegantia et raritate conspicuas plantas sistit, rei herbariae cultoribus commendamus et praeter nomina non nullas observationes circa plantas hic expositas addimus. Exhibetur vero Tab. XXXI. *Cereus gracilis, scandens, ramosus, plerumque sexangularis, flore ingenti atque fragranti, calyce aureo, corolla argentea fructu e carneo lutescente,* et Tab. XXXII. partes fructificationis, flos scilicet apertus, marcescens per medium dissectus cum staminibus et stylo, fructus maturus integer et dissectus, semina earumque progerminandi ratio nitide adumbrantur. Est vero idem cereus, cuius ampliores descriptionem partiumque delineationem alibi iam exhibuit Cl. TREWIVS **. Tab. XXXIII. *Magnolia maximo flore foliis subtus ferrugineis.* RAND. Hort. Chelf. p. 132. Tab. XXXIV. *Hura* LINN. Hort. Cliff. p. 486.

* vid. Comment. nostr. Vol. I. Part. II. p. 330. ubi Decuria I et II. et Vol. II. Part. I. p. 49. ubi Decuria III. indicantur.

** In Actis Acad. Caes. N. C. Vol. IX. in append. pag. 175. Icones coloribus illustratas beneuole quoque nobiscum communicauit.

p. 486. tab. 34. Tab. XXXV. et *Huræ* et *Magnoliæ* partes fructificationis. Et illius quidem fructus *Barruce* nomine a *CLVSIO* aliisque descriptæ fuerunt, generis vero descriptionem hic exhibitam et iconibus illustratam, subiungimus. Prouenit flos masculinus et femininus in eadem stirpe, et *stamineus quidem siue masculinus* iulum conicum squamatum, squamas intricatas concavas subrotundas, unifloras ostendit, corolla destituitur, sub singulis squamis vero prodit corpusculum ouatum in extremo bifidum coloratum, duobus vel tribus antherarum ordinibus ornatum, antherae ipsae minutissimæ sunt. *Flos pisillatus seu femininus* perianthium breue, monophyllum, canaliculatum, truncatum, integerrimum, corollam vero nullam ostendit; ouarium subrotundum sulcatum, stylus magnus infundibuliformis coloratus, corollam mentiens, tubus oblongus cylindræus, stigmata plura foliacea in limbum orbiculatum collecta. Pericarpium est nux globosa depressa angulosa, ex multis capsulis, communi inuolucro colligatis, composita; singulæ capsulæ bivalues sunt valuis lunulatis ligneis, inferius elastice dissilientibus; semen nucleum sistit solitarium fere orbicularem, compressum, magnum, coloratum. In *magnoliæ* iconè et spatha florem inuoluens, et conus cum staminibus additis, et conus maturus cum feminibus, per filum ex inuolucris seminis propendentibus, delineantur, plura non addimus, cum perianthii et styli natura his ipsis iconibus nondum satis declarentur. Tab. XXXVI. *Acacia non spinosa flore albo foliorum pinnis latiusculis, glabris, siliquis longis, planis* *Hovst.* Cat. MSt. Hort. Chelf. Tab. XXXVII. *Rucca foliis lanceolatis, acuminatis, integerrimis, margine filamentosis.* *GRONOV* Flor. Virgin. Part. II. p. 152. Tab. XXXVIII. Fig. I. *Ledum floribus bullatis, confertim in summis caulibus nascentibus, foliis ex oblongo lanceolatis integerrimis glabris.* Fig. 2. *Ledum floribus bullatis fasciculatim*

ex alis foliorum oppositis nascentibus, foliis lanceolatis integerrimis glabris. Hae binae species ad nouum *kalmiae* genus pertinent, quod LINNAEVS praecipue ob nectaria cornuta e petalò extus prominentia corollam ambientia definiuit* et prior quidem species *kalmia foliis ouatis corymbis terminalibus*, altera vero *kalmia foliis sublanceolatis corymbis lateralibus* appellantur. Tab. XXXIX. *Lilio gladiolus bifolius et biflorus foliis quadrangulis.* Ad *gladiolum* accedit haec planta in eo tantum diuersa quod corolla liliacea instructa sit, hinc ampliori describitur definitione, quam tamen non addimus, corolla enim, cum irregularis sit, licet a *gladiolo* quodammodo diuersa, nouum genus non exigere videtur. Tab. XL. *Meriana flore rubello* ad *gladiolum* quoque accedit, omnibus partibus fructificationis, in limbo floris regulari differentia quidem insignis posita est, cum tamen tubus leuiter flexus irregularitatem quandam floris indicare videatur, ab iis, qui genera multiplicare recusant, ad *gladiolum* forte referri poterit.

* vid. eius dissertatio qua noua plantarum genera sistuntur. Upsaliae. 1751. 4. gen. 1079. p. 18. et Species plantarum Tom. I. Holmiae 1753. 8. mai. pag. 39.



IV.

D. IOH. HENR. POTT zweyte Fortsetzung
derer chymischen Untersuchungen, welche
von der Lithogeognosie, oder Erkänntniß
und Bearbeitung derer Steine und Erden in
Anwendung derselben zu Bereitung feuerfe-
ster Gefäße und Tiegel specieller handeln,
nebst Tabellen über alle drey Theile. Berlin,
bey Christian Friedrich Voss, 1754. 4. pl. 19.
praefat. pl. 2. 1 Kupfertafel.

Hoc est:

D. IOH. HENR. POTT Continuatio secunda
disquisitionum chemicarum ad lithogeogno-
siam spectantium etc.

Cum primam lithogeognosiae continuationem, a
Cl. Auctore 1751 editam, et ita totius suscepti
laboris breuem delineationem exhibuerimus*, secun-
dae etiam huius continuationis breuissimis mentio-
nem iniicere haud dubitamus. In praefatione nimi-
rum obiectiones non nullae, a variis scriptoribus Cl.
Auctori motae, diluuntur. Signa externa corpo-
rum mineralium, in commodum historiae naturalis
obseruanda et ordinanda, se nunquam plane reiecisse,
monet: urget tamen examen docimasticum omnino
necessarium esse, partim, ut usus corporum magis
pateat, partim, ut fallaciae, ex superficiei externae
examine oriundae, euitentur. Ad vehementem ignis
gradum, lapides et terras mutantem, nec intrinse-
cam mixtionem ostendentem, et lapides, in igne do-
cimastico persistentes, igne solari concentrato soluen-
dos, quod attinet, diuersam quidem Cl. Auctor fieri
posse

* vid. Comment. nostr. Vol. I. Part. III. p. 404.

posse mutationem concedit; inde tamen unum eundemque lapidem uno ignis gradu in calcem, altero in vitrum mutari posse, negat. Hinc etiam assertum, silices et terras, eo pertinentes, nec acido solui, nec in calcem mutari posse, contra obiectiones defendit, et in experiundo fallacias irreperere declarat v. c. si terrae silicinae alcali addito funduntur, vel terrae mixtae eliguntur.

p. 1. Germanica post ea elaboratio tentaminis, de praeparatione vasorum, quae vehementissimum ignis gradum ferunt et corpora, in fusione constituta, factis coercent, cuius versio gallica alibi exhibita fuit *, hic proponitur. Egregia haec disquisitio, in qua perficienda Cl. Auctor annos decem impendit, citato loco a nobis indicata iam est, quare rationem tabularum, opusculo nostro annexarum, breuibus declarabimus verbis.

Labores Cl. Auctoris in lapidibus et terris, chemice disquirendis, suscepti, et nuper mortuo duci Aurelianensi aliisque chemiae indagatoribus, in Gallia degentibus, ita attentione digna visa fuerunt, ut et lithogeognosiam in gallicam linguam transferrent, praecipue vero tabulas, quibus mixtiones terrarum et lapidum, nec non mutationes docimasticae declarantur, excerptas sisterent **. Has itaque tabulas Noster ex gallica in germanicam linguam transtulit, non nulla correxit et quasdam novas, ex prima et altera continuatione lithogeognosiae decerptas, addidit.

p. 34. Quae in lithogeognosia ipsa, ut primo opusculo, propo-

* Hist. de l'acad. des sciences de Berlin ad an. 1750. à Berlin 1752. 4to. vid. Comment. nostr. Vol. II. Part. III. p. 431.

** Lithogeognosie ou examen chymique des pierres et des terres en general etc. par Msr. I. H. P O T T, à Paris 1753. 12. et continuation de la lithogeognosie pyrotechnique etc. par Msr. I. H. P O T T, à Paris, 1753. 12.

proponuntur, ad quatuor tractationes redeunt: Prima terras et lapides alcalinae et calcareae indolis, in experimentis cum creta institutis, exemplo sistit. His omnibus commune est, ut cum acidis effervescent, hinc cum salibus reliquis, vitris, terris vitrescentibus et argillaceis ita componuntur, ut in prima serie corpus nativum vel arte factum, cum creta compositum, in altera proportio cretae et corporis appositum, in tertia effectus, num scilicet fluat, an non fluat, in quarta, pellucidum fiat productum, an semiopacum, an opacum, in quinta color, in sexta consistentia dura aut friabilis, in septima pagina, in octava linea libri, in quo haec fusius describuntur, addatur, et ita index accuratissimus rerum propositarum exponatur. Secunda tractatio de gypseis terris et lapidibus, exemplo alabastri calcinati, agit, his omnibus commune est, ut in acidis non solvantur, et hae iterum cum variis corporibus nativis et arte productis componantur. Simili ratione tertia tractatio terras argillaceas disquirat, quae sine addito corpore quodam funduntur, igne indurescunt et in acidis non solvantur. Quarta tractatio de terris vitrescentibus agit et in arena alba et silice exempla eligit. Hae terrae in acidis non solvantur, in igne friabiles fiunt, attamen nec in calcem, nec in gypsum mutantur, chalybi attritae scintillas emittunt, per se tamen in vitrum fundi nequeunt.

Simili ratione in tabulas disponuntur experimenta, ex prima lithogeognosiae continuatione excerpta, de steatite veterum siue creta hispanica; haec naturae producta in acidis non solvantur, igne vero indurantur. His succedit talcum, in primis moscoviticum, lapis topasius saxonicus, ante instituta experimenta calcinatus.

Tabulae, ex secunda continuatione excerptae, quae praeparationem vasorum fusoriorum illustrent, in prima serie corpora commixta, in secunda proportionem, in tertia productum, post indurationem

igne praestitam, in quarta paginam, in quinta lineam huius libelli sistunt. Experimentis vero exposita corpora sunt: Argilla alba lota, quae optima est, cum sabulo, argilla usta, vitro vulgari, calcibus plumbi, ferri limatura, terris alcalinis, ossibus calcinatis, gypso, talco, alumine plumoso, et aliis componitur, et quo modo massa ad vasa praeparanda prodeat, indicatur. In fine tabula uniuersalis additur, in qua simplicium terrarum et lapidum mutationes, in praecipuis, siccis aequae ac humidis, mensstruis, igne applicato productae, ita declarantur, quo cum ignotis et incertis comparari queant.

Icone addita furnus describitur, in quo experimenta, haecenus declarata, commode institui possunt. Cinerarium cylindricum, cuius portae tubus applicari potest, per quem aer frigidus intrat, superimpositum habet focum oualem, segmento superiore et inferiori ablato, superiori imponitur operculum, conuexum, in tubum continuatum, cui alius tubus applicari potest, longius in caminum extendendus. Omnia ex lamina ferri formantur, quae intus massa, ex aequalibus partibus argillae albae recentis et exustae, mediante sanguine bouino impastatae, constante incrustantur. In hoc furno intra bihorium durissimi lapides fundi possunt.



V.

Dissertation qui a remporté le Prix proposé par l'Academie Royale des sciences et belles lettres de Prusse sur le principe de l'action des muscles, avec les pieces qui ont concouru. A Berlin chez Haude et Spener &c. 1754. 4. pl. 29, tab. aen. 4.

Hoc est:

Dissertatio, quae praemium solutioni quaestionis de principio actionis musculorum ab Academia regia scientiarum et elegantiorum literarum Borussica propositum reportavit, una cum aliis scriptionibus ad certamen admissis.

Academia regia, quae Berolini floret, praemium illi proposuerat, qui optime enodaturus esset has quaestiones: 1) an in nervis, qui musculos cum cerebro connectunt, fluidum insit, quo muscoli in actione constituti inflectuntur? 2) quatenam sit natura, et quae sint proprietates huius fluidi? 3) quo modo hoc fluidum efficere possit, ut musculus in puncto fere temporis agat vel agere cesset? Ex scriptionibus, de hoc argumento academiae exhibitis, quatuor ad certamen ea admisit, hoc in volumine editas, atque inter has, quod nuper* iam indicavimus, praemio affecit dissertationem a Cl. CLAUDIO NICOLAO LE CAT elaboratam.

Haec ergo dissertatio, Gallico sermone scripta, primum in hoc volumine locum tenet. Divisa est tribus sectionibus. In primo articulo Auctor id potissimum agit, ut ostendat, quanquam motus musculorum praecipue a connexionem eorum cum cerebro per nervos pendeat, tamen in ea neque unicam, ne-

Cc 3

que

* vid. Comment. nostr. Vol. II. p. 545.

que proximam rationem motus musculorum esse ponendam. Quia enim corda, quibusdam animantibus excissa, diu salire, et animalia quaedam, vel capite abscisso, vel cerebro exempto, aliquot horas sensum motumque retinere visa sunt: proximam motus musculorum rationem, seu cum effectu una existentem, non esse in cerebri cum musculis per nervos concatenatione, pro certo habet. Dein ad functionem musculorum non nervos tantum, sed et arterias sanguinem aduchentes, tanquam causas generales requiri, iam olim STENONIS et VIEVSSENIUS experimentis docuerunt, quibus Auctor habendam omnino esse fidem, quam non nulli illis denegarunt, propria experientia didicit. Canes enim duo, quibus Cl. Auctor aortam supra iliacarum exorsum ligauerat, pedes posticos aegre trahebant, neque eis aliter, ac nos artubus gelu constrictis, uti poterant, et quamvis igni admouerentur, ut bene calefierent, tamen motus horum pedum inde facilior non reddebatur, quin potius in altero cane, octava parte horae elapsa, in altero post tertiam horae partem, artus illi penitus paralytici, imo sensu destituti videbantur; instituta autem post mortem horum animalium sectio docebat, ligatura constrictas fuisse aortam, venamque caavam, cum parva mesocoli portione, in illo quidem cane sine ullo notabili nervo, in hoc autem cum ramo plexus mesenterici posterioris, qui cum musculis crurum nullum nexum habet. Licet vero ex his appareat, sanguinis per arterias affluxum necessarium esse ad motum musculorum: tamen Auctor simul monet, neque hanc rationem motus esse proximam, vel cum quouis singulari motu una existentem; propter ea quod canes illi aliquamdiu, postquam arteriae erant ligatae, pedum posticorum non nullum usum habuerunt, et ranae anguillaeque, corde adeo priuatae, diu adhuc se se mouere possunt.

In secundo articulo Cl. Auctor annititur, ut demonstret, nervos, fluidi cuiusdam ope; musculorum actionibus inferuire. Rationem sic concludit: ut nervi apti sint, ad motum musculorum efficiendum, id aut solidae neruorum substantiae tribuendum est, aut fluido per ipsos decurrenti; atqui non solidae ipsorum substantiae (quo loco contra eos, qui nervos pro chordis intensis et vibrantibus habent, notis armis pugnat); ergo fluido nerueo. Quod idem ulterius declarat, et confirmat per experimenta BELLINI et FERREINII, a se repetita. Ligato neruo phrenico, p. 14. vidit diaphragma paralyti correptum, idque rursus in motum concitavit, quando neruum vel inter digitos, siue a ligatura versus diaphragma, siue ab hoc versus illam, strinxit, vel acu pupugit. Quod, sicuti per hypothesein chordarum elasticarum explicari nequit, ita manifesto arguit fluidum, in neruo inter muscolum et ligaturam stagnans.

Ad secundam quaestionem Cl. Auctor in tertio articulo sic respondet. Fluidum nerueum neque sanguis est rubicundus, quod nemo affirmaverit; neque pars eius serosa vel aquosa, quum nec verisimile sit, meram aquam esse sensus motusque instrumentum, nec medulla cerebri, in qua fluidum nerueum haud dubie secernitur et percolatur, ullam habeat similitudinem cum aliis organis, serum seccernentibus; neque oleosa aut sulphurea sanguinis pars, quam natura non nisi adipis bilisque generationi destinavit, quum oleosa partibus nervosis inimica deprehendantur; nec spiritus volatiles, ex sanguine extracti, quippe qui nervos exsiccaturi, eorumque texturam destructuri essent, id, quod ex effectis spiritus volatilis salis ammoniaci in organo odoratus Auctor colligit; neque aer, qui, quum ne quidem per membranarum poros, aquam et oleum transmittentes, possit pervadere, multo minus per vasa secretoria cerebri et nervos viam inueniret, quique vi sua elastica tam teneris vas-

- exitiosus foret; neque ignis elementaris, quippe cuius particulae crassiores sunt, quam ut nerueum fluidum constituere possint, et cuius in oeconomia animali functio haud alia esse videtur, nisi ut fluidorum in corpore condensationem impediat; neque electrica materia (ex qua aequae ac vi attractrice hodie non pauci omnium phaenomenorum rationem reddere, sed Auctoris iudicio admodum inepte, sustinent,) quum haec materia, ex igni sulphureisque et phosphoricis particulis mista ipso igni crassior sit, eiusque propagatio per ligaturam, quae fluidi neruei cursum sistit, impediri nequeat; nec materia lucis, quum non probabile sit, quidquam, quod sensus nostros afficiat, eiusdem esse generis cum eo, quod in organis sensuum afficitur a rebus sensilibus (media enim, per quae rerum sensibilibus impressiones ad nervos propagantur, totidem sunt, quot sensus, fluidum autem in omnibus nervis unius eiusdemque generis esse credibile est), quumque, si fluidum nerueum et lux ad idem, aut pene idem genus referenda essent, ea pars imaginis in oculo formatae, quae centro nervi optici * excipitur, sensu aequae, imo magis, perciperetur, quam reliquae imaginis partes, in quibus radii lucis fluidum nerueum haud absque medio percutiunt. Sed quid tandem est fluidum nerueum?
- P. 41. Est, inquit, fluidum adeo subtile, ut sensibus percipi possit nullis, quum inter infinite multas species, ad genus materiei pertinentes, pro summa seu prima sit habendum, ideoque in rerum creatarum serie et continuatione proximum sit animae incorporeae. Hoc fluidum, ex Cl. Auctoris sententia, est spiritus uniuer-

* Hoc centrum vel medium nervi optici Cl. Auctor pro parte medullari nervi habet: quum tamen constet, arteriolam illud centrum occupare; quae ergo vera causa est, sensum eius puncti imaginis, quod in medio loco insertionis nervi optici situm est, impediens.

uniuersalis viuificans, per omnes alias res corporeas
 sparsus, praecipue tamen in feminibus plantarum,
 atque ouis et femine animalium obuius; et ab ani-
 mantibus, quae auras vitales carpunt, in pulmonibus
 ex aere in eos irruente colligitur. Scilicet spiritus
 huius vitalis cum sanguine commistionem primarium
 esse pulmonum usum (refrigeratione sanguinis se-
 cundario existente,) tribus rationibus * Auctor euin- p. 22.
 cere studet; primo, quod animali recens nato, arte-
 ria aspera ligata, vel sterno rescisso, statim eripitur
 vita, licet in eo foramen ouale et tubus arteriosus p. 24.
 sanguini adhuc pateant; secundo, quod huic animali,
 modo enecto, vita redditur, simulatque in pulmo-
 nes eius aer iniicitur; tertio, quod, quum sanguis,
 testante HOOKII experimento, per collapsos etiam pul-
 mones tam libere, quam per inflatos, possit fluere,
 respiratio haud videtur necessaria ad sanguinis circu-
 lationem-

Verum enim vero ne quis suspicetur, hunc spi-
 ritum vitalem, ob ipsam nimiam suam subtilitatem

C c 5

non

* Quamquam peruetustam hanc opinionem reiicere
 non audemus: tamen eam his rationibus euinci non
 intelligimus. Prima enim per se nihil roboris habet:
 omnia redeunt ad explicationem phaenomeni; aliter
 vero illud explicandum esse, suadere videtur multi-
 plex experientia de foetibus, illaesis inuolucris suis in
 lucem editis, vel ex utero matrum iam mortuarum
 excissis, qui aliquot horas vixerunt sine respiratione,
 item MERYI experimentum in testudinibus captum,
 quae sine aeris haustu integros menses vitam duxe-
 runt. Secundae rationi forsan haud adeo multum
 ipse Cl. Auctor tribuisset, si meminisset experimenti
 Halesiani, quod est CXL. in libro *Vegetable Statics*.
 Tertio experimentum HOOKII nihil hic ad rem fa-
 cere putamus. Ab eo enim, quod fit in collapsis pul-
 monibus, non integris, sed pertusis ac mutilatis, per
 quos perpetuo aer traicitur, non valet consequentia
 ad id, quod collapsi quidem, sed integri et aeri oc-
 clusi, ad sanguinis circulationem facere possunt. Vid.
Philosoph. Transactions, N. 28.

non posse pro fluido nerveo haberi, quippe quem neque nervi ligatura in cursu suo remorari, neque ulla in corpore animali vasa continere et vehere posse
p. 25. videantur: Auctor, WILLISIO accedens, contendit, hunc subtilissimum spiritum in nervis coniunctum esse mistumque cum lymphâ nerveâ, atque ab hac retineri in cavo nervuorum. Esse autem aliquam in nervis lympham, probat tam per experientiam MALPIGHII, qui magnum nervum, in brachio hominis viui discissum, copiam lymphæ exsudare vidit, quam per GLISSONII ac VIEVSSENII consensum. Eis qui obiciunt, GRAAFIVM e maximis quoque nervis ne guttulam quidem liquoris exprimere potuisse, respondet, pluris esse unum testem oculatum affirmantem, quam decem negantes. Quod vero in sectione nervi ne per optima quidem microscopia cernantur orificia tubulorum, globulos istius lymphæ, quæ tamen viscida sit necesse est, transmittentium, id partim inde esse arbitratur, quod in nervo dissecto orificiorum illorum diametri adeo minuuntur, ut collapsa orificia illa oculum etiam armatum fallant, partim ab ipsa tenuitate globulorum huius liquoris quamvis gelatinosi. Nam viscidorum liquorum, certo gradu caloris, ut ut mediocri, extenuatorum partes ad modum subtiles esse, ipsisque particulis aquæ, quæ et microscopia effugiunt, exiliores, hinc * constare dicit, quod videmus, oleum per dolia se penetrare, quæ aquam et vinum sic continent, ut nullam horum liquorum guttulam transmittant. Et non esse incredibilem lymphæ illius gelatinosæ per tam angustos nervuorum tubulos transitum, colligit inde, quod liquor glutinosus, nomine succi lapidifici cognitus, per minimas saxorum fissuras pervadit, ante
quam

* Quantum valeat hoc argumentum, intelligent, qui veram phaenomeni huius rationem non ignorant, quam dudum demonstravit magnus BOERHAAVIUS in *Elem. Chæmiæ* Tomo I. p. 467. edit. Lips.

quam collectus stalactites, lapides, gemmas conformat; quodque balsama, ex arborum vulneribus manantia, nec non tenacissima gummata, et terebinthinae aliaeque resinae, per lignorum maxime compactorum vasa, vasis minimis in nostro corpore angustiora, ad magnam altitudinem ascendunt sine impulsu potentiae, quae illi, qua nostri corporis succi moventur, par sit. Iam similem liquorem, in vasis cum deuehentibus subtilissimum et liquidissimum, extra ea autem in gelatinam glutenue abeuntem, humano etiam esse corpori, pluribus rationibus contendit. Nimirum 1) anatomicis notum est, talem lympham in ventriculis cerebri reperiri, et MALPIGHIUS e vulnere cerebri magnam huius lymphae copiam exire vidit, quod et Cl. Auctor in simili vulnere animaduertit. 2) Si tumor spinae bifidae aperitur, lymphae effluit, quae ex spinali medulla prouenit, et tumorem illum effecit, distendendo membranas, quae medullae spinali ibi, ubi canalis osseus vertebrarum mancus est, aut omnino deficit, pro inuolucris sunt; hinc subitanea morte infans exstinguitur; sicuti et lentam herniae huius spinalis detumescientiam mors certa sequitur. 3) Exstirpato tumore, qui ex carcinomate, quo apophyses spinosae imarum vertebrarum lumborum, ac partes quaedam vaginae medullae spinalis destructae erant, ortus fuerat, vidit Cl. Auctor prodigiosam lymphae copiam per densissima vulneris ligamenta manare, qua effusione aegrotus post bidduum periit. 4) Similem effusionem lymphae nerveae obseruauit in cranio viri vegeti et robusti, quam post triduum mors subsecuta est; et huius viri capite post mortem dissecto, cerebrum sine consistentia quasi liquefactum reperit. 5) Ex tumore in dorso infantis, in quodamque usque ad medullam spinalem infixa fuerat, lympham subinde vidit effluere similem illi, quam spina bifida suppeditat; infans marasmo erat correptus. 6) Prouocat ad chirurgorum experien-

rientiam, quibus notum est, amputationem partium, multis nervis praeditarum, saepe comitari lymphae nerueae effusionem. 7) Lympham eandem ostendit in liquore seminali, quippe cuius abundantia cum robore et alacritate animalis, nimia autem iactura cum virium infractione coniuncta est. 8) Neque aliud Cl. Auctori esse videtur mucosus ille liquor, qui circa papillas nerueas, in tunicis villosis, in glandulis viscerum, deprehenditur, cum ab irritatione nervorum in his partibus copiosior sit huius lentoris affluxus. 9) A priori tandem, quod aiunt, lympham nerueam demonstrari arbitratur, partim cerebri nervorumque nutritione et incremento, quod totius corporis incremento analogum est, et sanguini certe, qui in substantia cerebri et nervorum haud reperiri potest, non debetur, partim atrophia membri, ob nervos in eo male affectos, aut obstructos, paralytici, quamvis illud sit sanguinis ab arteriis recipiat.

p. 35. Quibus fusius disputatis, concludit, fluidum nerueum constare lymphâ glutinosa nutritia, et spiritu vitali. Haec duo fluida ubique in universo adunari credit mechanica quadam necessitate, quam per similitudinem inter figuras particularum spiritus et pororum lymphae paucis explicat; hinc aliquid fluidi neruei iam quidem inesse in chylo ex alimentis, quae assumimus, parato; at maximam tamen purioris spiritus vitalis copiam admisceri lymphae illi gelatinosae, quam sanguis contineat, tunc, cum sanguis per pulmones traiciatur, quippe per quorum vesiculas spiritus vitalis, cuius plenus sit aer, percoletur; deinde, quia lymphâ haec, spiritui vitali iuncta, ubi ad cerebrum peruenerit, inueniat ibi fibras et succos naturae suae convenientes et analogos, partem ipsius purissimam in cerebrum transire, et ex ea denique in hoc viscere parari ipsissimum fluidum nerueum, quod vi arteriarum pellatur tandem in nervos, et per universum corpus distribuatur, vitae et nutritionis gratia.

tia. Cui sententiae ut plus affundat lucis, modump. 36. describit, quo absolui existimat vegetationem plantae, cuius bulbus aquae purae, in vitrea ampulla, impositus est. In hac, inquit, aqua est parum glutinis universalis, et aliqua pinguium terrearum particularum copia; bulbo autem per texturam suam facultas est, ex ea aqua particulas maxime viscidas et nutritias quasi seligendi; et quia substantia fibrosa bulbi, aeque ac aliorum seminum, composita est e massulis viscosis, spiritu feminali, qui generi plantae est proprius, grauidatis, aqua fibris bulbi hausta mutatur ab his massulis in similia elementa, quem ad modum parum fermenti magnam massam fermentat. Proinde Cl. Auctori cerebrum idem esse videtur in regno animalium, quod in plantarum regno bulbus est vel nucleus foecundus.

Ceterum, quum per hanc fluidi neruei naturam p. 37. solam neque motus neque sensus penitus possit explicari, necesse esse retur, ut dicamus, illud animae incorporeae et cogitanti intime esse iunctum, quae, cum singulas eius particulas, quas quantumue velit, impellere vel sistere possit, harum ope quaslibet corporis sui partes moueat, et, cum vicissim ipsa ab impressionibus, in fluido nerueo a rebus externis sensilibus factis, affici queat, res corporeas sentiat *.

Super

* Si, quod aliunde certo constat, anima cogitans omnis materiae ideoque et extensionis expers est, fluidum autem, utcunque subtile, naturaliter moueri ab ente non extenso nequit: sane intelligi non posse nobis videntur, qui, cum animae immaterialitatem concedant, (quod et Cl. Auctor facit) statuunt tamen spiritus animales ab ea impelli physice et commoueri. Nec vicissim scitius, quam vulgus, loquuntur, qui in eius modi anima sensus affirmant effici physica fluidi neruei in eam actione. Si philosophos ridemus, qui in physicis qualitates occultas crepant: cur nosmet ipsos, in physiologicis ad animam tanquam causam

Supereſt tertia quaefitio, ad quam enodandam Auct̃or in extremo huius diſſertationis articulo pergit. Hoc labore ut rite defungatur, ante omnia ſtructuram muſculorum exponit. Faſciculorum, in quos natura quaſi colligauit fibras motrices muſculi, et qui ſinguli membraneis vaginis veſtiti ſunt, tres ordines diſtinguit. Tertii ordinis faſciculum diſſoluere potuit in fibras, quarum diametri tertiam vel quartam duntaxat partem diametri ſubtilis capilli aequant.

p. 40. Haſce fibras ſaepeius curioſe explorauit per microſcopia, quae ſibi ait eſſe tam excellentia, ut nullis forte in uniuerſa Europa microſcopiis ſint ſecunda, et figuras earum fibrarum exacte delineauit, quae hic

p. 41. quoque aeri inciſae habentur in tabula tertia. Cunctae autem obſeruaciones Auct̃oris in hoc conſpirant, ut eius modi fibra motrix ſit habenda pro cylindro cauo, cuius ſuperficies compoſita eſt e filiſ ſubtiliſſimis, cauum autem repletum contextu cellulari ſeu ſpongioſo, qualis fere in capillo apparet oculo ar-

p. 42. mato, vel in penna nudo. Faſciculus componitur ex ingenti numero talium fibrarum, ad ſe inuicem quidem fere parallelarum, ſimul tamen undatim criſparum, per innumera fila transuerſa, in retis modum diſpoſita colligatarum, et per crebras anasto- moſes inter ſe commiſſarum, vel adeo alicubi confuſarum, ut ergo fibrarum contextus haud ſecus ſe habeat, ac contextus cellularum, quae in cauiſ ipſarum ſunt. In arterias muſculorum iniecta aqua, vel oleo terebinthinae, adipe ſuilla miſto, et cinnabaris colore infecto, vidit quidem muſculos paulum inflari atque

cauſam phyſicam prouocando, philoſophis viciffim ridendos praebere, quam ignorantiam noſtram fateri, malumus? Haud dedecet medicum, in iis acquieſcere, quae de commercio animae cum corpore indubia experientiae fide conſtant, modum vero, quo illud commercium exercetur, metaphyſicorum diſputationibus relinquere.

que indurari; sed in fibris eorum nihil liquorum illorum per microscopia deprehendere potuit, quin potius hae fibrae pellucidae manserunt, neque colorem duxerunt. Fila, quibus fibrae musculorum irretiuntur et colligantur, visa sunt Auctori provenire ex arteriarum, venarum, nervorumque ramificationibus: ideinque coniicit, nervos in musculum intrantes exuere partes tunicarum suarum exteriorum, quas a dura meninge habent; et tunicas, a primis quidem p. 43. nervi ramis relictas, una cum membranis cellularibus vicinis, maxime periostei, efficere inuolucrum externum uniuersi musculi; ramorum autem ex primis ramis emissorum exuias formare inuolucra fasciculorum primi ordinis, ramorum tertii ordinis exuias inuolucra fasciculorum secundi ordinis, et sic porro, tandem ultimum filum nervi, quod non est nisi tubulus e tenui meninge exortus et productus, ramificationibus suis irretire fibras motrices, et in ipsarum caua per frequentes anastomoses hiare. Quod ad vasa sanguifera attinet, Auctor pro verisimili habet, ea non solum superficiem fibrarum motricium cingere, sed etiam in earum caua effundere lympham spirituosam, lymphae nerueae similem, ut ut minus forte subtilem, cuius sententiae rationes petit ab analogia. Capillum enim, cuius interiora similia sunt fibrae motricis interioribus, non solum succum nutritium, sed non nunquam adeo sanguinem rubicundum accipere ab arteriis, docent partim eius incrementa, partim phaenomena plicae sic dictae Polonicae; et ex humidis pulmonum expirationibus, ac pituitae excreatione manifestum est, vasa sanguifera, quibus vesiculae bronchiorum, cellulis in cauo fibrae musculi similes, circumdantur, varios humores in eas effundere; neque dubium est, in corpora cauernosa penis, quorum textura contextui spongioso fibrae motricis affinis est, sanguinem ex arteriis exprimi, qui per venas resorbatur. De tendinibus atque apo-
neu-

- neurosibus, quae, ut omnibus notum est, non sunt, nisi continuationes fibrarum motricium compactarum, notat Cl. Auctor cum D V V E R N E Y, eas nullibi p. 44. ipsis ossibus, sed periosteo tantum inferi et infigi, et sicubi in adultis corporibus periosteum sub tendine compareat nullum, eius rei causam esse, quod ibi p. 45. periosteum iam tendinis duritiem induerit. Tandem de uniuersis musculis sentit, eorum fibras originem non a nervis ducere, cum hi nimis graciles sint, quam ut tantae molis partibus materiam praeberere possint, et insertio eorum in quosdam musculos, v. gr. oculi, a principio musculi adeo distet, ut eos in musculum, iam factum intrare euident sit, sed a dura meninge oriri, quippe quae se se diuidat in tenuia fila, quae amplificata et ramulis nervorum ac vasorum sanguiferorum adunata carnem musculi component. Nam non periostei solum e meninge dura ortum dudum ab H A V E R S I O, demonstratum esse constat, sed et musculos ipsos haud aliam habere originem ex obseruatione eorum in embryonibus, et ex contemplatione musculorum oculi in adultis etiam corporibus patere, affirmat Cl. Auctor, quippe qui musculi ex interiore lamina eius partis durae meningis, quam nervus opticus sub ingressum in orbitam exuit, gignantur, exteriori lamina periostei in orbita munere fungente. Musculi ergo e lamina durae p. 46. meningis formationem sic explicat, ut dicat, laminae illius fibras, quae antea tam arcte fuerint compactae, ut non nisi fluidum, sensuum functioni destinatum, transmittere possent, post ea partim in latitudinem se laxare, et vasa sanguifera in interstitia sua admittere, partim caua sua extendere, ut larga copia succi neruei in ea influere, et ingens multitudo minimarum arteriarum, venarum, ac nervorum reticulatim per ea disponi possit.

His de fabrica musculorum praemissis, enarratisque phaenomenis sat notis contractionis et relaxatio-

nis musculorum, Cl. Auctor praecipuas hypotheses, pro motu musculorum explanando inuentas, refutat. Primo contra eos, qui supponunt minimos arteria-
rum ramulos fibras motrices, quibus circumuoluuntur, apertas tenere et peruias fluido nerueo, monet, tantum abesse, ut hac hypothesi id, quod velint, explicent, ut potius hac ratione fibras constringi et fluido nerueo imperuias reddi necesse sit. Deinde
his, qui sumunt, sanguinem a spiritibus animalibus fermentescere, duo opponit, quae ex eorum sententia fluunt, experientiae contraria, quorum alterum est, quod si sanguis a spiritu animali rarefactus contractionem musculi efficeret, omnes nostri corporis musculi semper et ubique sic se habituri essent, ut in tetano, quum fibrae musculorum semper aliquid sanguinis in se habeant, id, quod e guttis sanguinis, quas cor ex anguilla excisum in qualibet systole exprimit, clarum esse putat; alterum, quod in hac hypothesi fieri nequeat, ut musculus vehementer contractum subito, et quandocunque velimus, relaxemus, cum fermentatio omnis certum temporis spatium sibi postulet, quo absoluator, ideoque ante temporis huius finem musculus animae imperio obedire non possit. Tertio sententiam, quae sumit in contractione musculi sanguinem cum impetu ex arteriis eiici in fibras motrices, et in his retineri constrictione, quam vasa patiantur a contractione fibrarum neruearum, ipsis circumplicatarum, reiicit propter ea, quod partim ipsi repugnat pallor, in omni musculo valde contracto obseruabilis, partim frustra in auxilium trahuntur vasa sanguifera, si iam ipsa filamenta nervorum vi polleant se se contrahendi, partim idem contra hanc sententiam, ac contra praecedentem valet, nempe subitanea mutatio et morae et intensitatis contractionis pro arbitrio animae, quippe quam fieri non posse, si tam crassum fluidum, quale sanguis est, proxima causa esset intumescitiae musculi, satis do-

- p. 52. cere videtur membri virilis erecti aduersus animae imperium contumacia. Denique eorum hypothesein, qui fibras motrices e vesiculis componi credunt, etsi eam ceteris anteponat, tamen veretur Cl. Auctor suam facere, ob triplicem rationem, primo, quod neque in hac hypothese contractio musculi satis prompta haberi posse videtur; secundo quod, cum pro subitanea musculi contracti remissione necesse sit, ut singulae vesiculae tubulos, per quos fluidum ex iis elabi possit, habeant aequalis amplitudinis cum tubulis, per quos in illas defertur, fieri omnino nequit, ut vesiculae inflentur, quippe mox per illos elabente tanta fluidi copia, quanta per hos influxerit; tertio, quod in hac hypothese ponderis, a musculo contracto eleuandi, renisus a solo impetu fluidi neruei vincendus est, qui tantus non esse posse videtur, quantus ad renisum ingentium ponderum, quae vir robustus tollere potest, superandum requiritur. Ceterum affirmat Auctor, omnes, qui adhuc contractionem musculorum a fluido nerueo effici docuerunt, in hoc falsos esse, quod sumserint, singulam actionem musculi esse a singulo influxu spirituum animalium ex cerebro in musculus, et intensitatem huius actionis pendere ab impetu eius influxus; repugnare enim huic hypothese phaenomena motus animalium capite vel cerebro priuatorum, item cordis excissi.
- p. 55. Iam itaque ipsius Auctoris systema de motu musculorum videamus. Fibra musculi est tubus, cuius latera fabricata sunt ex infinite multis filis inter se connexis, et cuius cauum diuisum est in permultas cellulas figurae circiter rhomboidalis; laminae, quae has cellulas formant, prodeunt ex eis, quae latera formant, filis, et inter se, aequae ac fibrae diuersae in eodem fasciculo, committuntur. Per hanc fabricam apta est fibra musculi ad insignem contractionem seu diminutionem longitudinis suae, coniunctam cum intumescencia seu amplificatione in latitudinem, quae

est a plenitudine fibrae. Dubitare tamen videtur Cl. Auctor, utrum fibrae motricis fabrica talis sit, qualem modo diximus, an potius similis texturae funiculi cannabini; quum ex hac contractio musculi a fluido, inter fila contorta se se insinuante, aequè bene possit explicari. Vtunque sit, omnis fibra motrix, p. 56. imo omnis pars corporis, quae nervis est instructa, imbuta semper est fluido, quod constat lymphæ nerveæ cum spiritibus animalibus mixta, quorum singulae particulae adunatae sunt animae, sentiendi et volendi facultate praeditae. Hoc fluidum per omnes istas partes distribuitur a causis generalibus circulationis, quas inter proxima est pulsus cerebri. Quum et sensus internus doceat, animam nunquam esse otiosam, nec vel ipso in somno ab omni actione prorsus cessare; et physici demonstrent, subtilissima fluida esse in perpetua agitatione: fluidum nerveum in musculis corporis viui perpetuo agat, necesse est. At p. 57. qui fluidum omne agitatum se se expandit in maius spatium: ergo nerveum fluidum in corpore viuo rarius esse debet, quam in extincto; ideoque etiam fibrae motrices in illo magis tument, quam in hoc, seu vim habent quandam elasticam vitalem, vel tonum naturalem. Copia fluidi nervei, a qua hic tonus musculi in corpore viuo pendet, mediocris quidem est, attamen simul idonea contractioni musculi efficiendae, quatenus ea maioris adhuc rarefactionis siue expansionis capax est; et actu contrahitur musculus ab ista mediocri fluidi copia, simul ac voluntas animae, quae etiamsi spatium occupet nullum, tamen potentia per uniuersum corpus suum extenditur, huic fluido in musculo stagnanti motum expansiuum imprimit. Ex quo intelligitur, quo modo cor ex thorace exemptum tremere, et animal, cui caput truncatum est, membra sua aliquamdiu mouere possit. Et p. 58. multum veri similitudinis huic explicationi (sic Auctor sentit) accedit a *lege parsimoniae*, quam natura con-

- stanter obseruat; quum hæc hypothesis causam proximam, quæ musculos contrahit, non ex cerebro per longos viarum anfractus arcessat, sed in ipso hoc organo iam præsentem sistat, atque eidem minimas in effectum impensas facere permittat, quippe quæ duntaxat in hoc consistunt, ut cuiusque globuli eius lymphæ nerueæ, qua musculus imbutus est, diame- ter extendatur per lineolam millesima parte diametri capilli minorem. Porro causa generalis adiuuans motum musculorum est sanguis arteriarum, quatenus partim e minimis earum ramulis in fibras motrices effunditur lymphæ, spiritu animali prægnans, quæ cum subtiliori lymphæ nerueæ commista hanc ad maiorem expansionem disponit, partim per circulationem sanguinis in musculo conseruatur calor necessarius ad hoc, ut lymphæ nerueæ gelatinosa tam fluida maneat, quam quidem esse debet ad functiones suas. Quem ad modum enim hoc posterius verisimile intelligitur inde, quod nos membris frigore torpidis uti non possumus: sic etiam prior ille usus affluxus sanguinis ad musculos certus et principalis videtur propter ea, quod animalia præ nobis robore valentia, veluti asinus et bos, minus cerebrum, sed maiores pulmones et plus sanguinis, quam homines, habent, et contra, quæ vix ullo robore indigent animantia, veluti cochleæ, lumbrici, polypi, corpus habent ex-
p. 59. sanguine, et solius lymphæ nerueæ plenum. Idem confirmari videtur CHIRACI experimento, qui cani cerebrum, cerebellum et medullam oblongatam excidit, et, postquam canis omni vita sic priuatus erat, non cordi solum, sed et ceteris musculis motum reddidit, pulmones canis inflando, et sic novos spiritus animales, ut videtur, sanguini arteriarum suppeditando.
- p. 60.

Phaenomena motum musculorum comitantia sic explicantur. Primo musculus contractus, quamuis intumuerit, spatium maius quam antea non occupat,

pat, quia magna satis copia sanguinis per contractionem musculi ex interstitiis fibrarum expellitur, et in venis versus cor recedere cogitur, id, quod cum ex pallore musculi contracti, tum per experientiam eorum, qui currunt, et chirurgorum, qui, ut sanguis e vena in brachio secta exsultet, musculos illud brachium vestientes moueri iubent, cognoscitur. Secundo p. 61. quem ad modum mira celeritas, qua musculi contractio decretum animae sequitur, per unionem animae cum singulis particulis spirituum animalium in toto corpore, et per exiguitatem expansionis singulorum globulorum lymphae nerueae, in musculo contrahendo iam praesentis, explicatur: ita musculi relaxationem statim fieri posse, quam primum anima illam voluerit, intelligitur e virtute, qua omnes particulae homogeneae cuiuscunque materiei praeditae sunt, se mutuo attrahendi; quum per hanc virtutem fluidum nerueum pristinam densitatem statim recuperet, animae in illud actione cessante. Tertio contractionem musculi nunc magis, nunc minus validam esse, ut ut remissio musculi semper sit eadem, inde intelligitur, quod haec effectus est causae mechanicae, vis nempe attractricis, quae nullo non tempore eadem vi agit, illa vero causae liberae, quae pro arbitrio, vel renisus superandi exigentia, intentius vel remissius operari potest. Quarto corrugationis musculi contracti ratio in promptu est. Nam, quia laminae cellularum in cauo-fibrae motricis sunt productiones filorum, quae latera fibrae componunt: expansis illis cellulis, necesse est ut puncta, ubi laminae istae cum lateribus fibrae cohaerent, versus axem fibrae introrsum trahantur, ceterae autem partes laterum extrorsum urgeantur a fluido semet expandente. Cui rationi accedit haec, quod vasa sanguifera, per muscolum omnem dispersa, a fibrarum intumescencia sinuentur. Quinto, muscolum contrahit aqua tepida in arteriam iniecta, partim lympham

- p. 62. spirituosam ex arteriarum extremis in fibras motrices pellendo, partim et impulsu et calore irritando principium actuum; quem ad modum idem fit pungendo musculum, vel aquam calidam super illum effundendo. Sexto, quoniam lymphæ neruea aliquamdiu in musculo remanet, ante quam venis lymphaticis sui generis resorbetur, vel per transpirationem dissipatur, motusque musculi simul ab actione animæ tam voluntaria, quam naturali in fluidum nerueum pendet: intelligitur, qui fieri possit, ut cor pulset e thorace exemptum, ut animalia capite priuata artus suos aliquamdiu moueant, utque animantia quædam sic mutilata aliis longe diutius et fortius se agitent, veluti anguillæ, viperaeque, quibus lympham nerueam admodum viscidam, tenacem, et vix perspirabilem esse, ex temporis, quo famem tolerare possunt, longinquitate, colligitur. Septimo, cur sensus, cui aliquis inseruit nervus in plexu vel ganglio quodam terminatus, haud pereat, neque confundatur cum aliis sensibus, explicatur in hoc systemate ex eo, quod sensus sit in ipso organo, ubi anima per impressiones, quas fluidum nerueum ibi patitur, immediate afficitur, quæ affectio, ob continuitatem extensionis potentiae animæ, ad cerebrum etiam, tanquam ad sedem huius potentiae principalem, statim propagatur.
- p. 64. Tandem octauo, necesse esse, ut nimium motum musculorum debilitas et lassitudo sequatur, perspicuum est in hoc systemate: cum debilitas intelligatur esse a dissipatione fluidi neruei per transpirationem, quam frequens musculorum contractio augeat, circulationem sanguinis accelerando; lassitudo autem sit a nimis repetita et violenta distensione vesicularum in fibris motricibus.

Enarrauimus Cl. L E C A T systema de motu musculorum; sed iudicium de eo lectoribus integrum relinquimus. Dubitationes enim nostras de hoc systemate, in quo ut multa sint docte, verissimiliter atque inge-

ingeniose constituta et explanata, quaedam tamen et obscura et nimis incerta nobis quidem videntur, hoc loco exponere, neque ratio instituti permittit, neque copiarerum, quas adhuc recensendas nobis offert hoc volumen.

Progredimur ergo ad aliam, gallica etiam lingua exarata, dissertationem de mechanismo motus musculorum. Huius Auctor contendit, fluidum nerueum magnam partem constare ex fluido electrico. Confirmationi huius sententiae praemittit varia de structura musculorum, et de phaenomenis motus eorundem, ex quibus quaedam tantum excerpenda nobis esse iudicamus. Contractionem musculi elastici p. 76. cam distinguit a vitali; illa non pendet a voluntate, et in recenti cadauere etiam animaduertitur, e. gr. quum musculus buccinator dexter, discisso sinistro, se se contrahit, et labra versus se trahit. Quare de motu cordis ranae excissi Cl. Auctor iudicat, aut esse illum ab elastica fibrarum carnearum vi, per impressiones externas, veluti aeris frigidi, vel humoris transpirantis, excitata, aut membri discerpti animalis non esse negandam omnem vitam, id quod certe de polypis constat. Corpus animale automaton esse p. 79. Auctor iure negare posse sibi videtur, propter ea quod multas actiones in eo animaduertimus, quae ex impressionibus in illud extrinsecus factis mechanica necessitate consequi, atque illis proportionatae esse haud videntur, veluti vehementes motus, quos minae improuisae, vel gestus aut dictum reuerentiae aduersus nos contrariam, vel rei, quam metuimus, conspectus in nobis excitare solent. Verum aequo iure possit quis negare, horologium pulsans esse automaton, ubi ignarus structurae horologii viderit per strepantem illam et diuturnam pulsationem, quae horam duodecimam indicat, consequi exigua eleuationem lamellae, leuissimo digiti impulsu factam. Repetens GLISSONII experimentum Cl. Auctor p. 81.

- animaduertit, musculum initio quidem contractionis minus spatium occupare, quam ante contractionem, sed paullo post redire ad eandem, et mox post ea ad maiorem magnitudinem expandi, aqua interea altius et altius assurgente. Quod fieri putat retentione sanguinis in ramis arteriarum ob praeclusam ipsi in venas compressas viam; quum obseruauerit, sanguinem e brachio missum parcius fluere, quando manus in pugnum fortius contracta fuerit, et in hoc statu diutius manserit. In corpore viuo musculum contractum pallidum fieri negat, experientia fultus; attamen concedit, cor anguillae, tanquam musculum cauum et pellucidum, in systole pallefcere, quia sanguis ex ipsius cauo nunc expulsus est, qui cor rubicundum reddiderat in diastole. Vim, quacum se contrahunt fasciculi musculi deltoidis, quando horizontaliter tenetur extensum brachium, et onustam pondere 15 librarum de mediis digitis dependente, Auctor iuxta BORELLVM aestimat aequalem * ponderi 1400 librarum. Nouissimo experimento constare dicit, si quadrupedi viuo aorta sub renibus obstringatur, alligando eam ad bacillum, ita ut ne ullum filum nerueum in ligaturam implicetur, animal, confuto post ea ventris vulnere, pedum posticorum usum diu retinere, atque illi sensum motumque in his artubus non nisi longo tempore elapso perire. Musculi contractionem non effici affluxu lymphae nerueae per tubulos neruorum in vesiculas fibrarum motricium, pluribus rationibus et physicis et mathematicis annitur demonstrare. Hinc lymphae nerueae praeter notas eius functiones, ut scilicet neruis nutrimentum det atque incrementum, arduum illud munus mouendi musculos imponi non posse persuasus, fluidum ele-
- p. 82.
- p. 91.
- p. 92.

* At enim vero hic calculus non accuratus esse videtur, vel ob hanc solam rationem, quoniam ceterorum musculorum, qui cum deltoide ad eleuationem brachii conspirant, nulla ratio habita est.

electricum huic muneri praeficit. Cuius sententiae p. 96.
 confirmandae causa primo docet fluidum electricum
 cum in plerisque rebus corporeis, tum vel maxime in
 corpore animalis viui semper abundare, licet in eo
 non semper sit volatile et expansum, quale est, quan-
 do animal electricatur, sed saepius fixum, deinde
 fluidum electricum non omnibus rebus aequae fortiter
 adhaerere, et per filum ferreum, variis sustentaculis, p. 98.
 herbis adeo madidis vel palis, impositum sic propa-
 gari, ut potius anfractum fili capiat, quam ex eo in
 sustentacula illa diuertat; ex quo perspicitur, fieri
 posse, ut quibusdam corporis nostri partibus fluidum
 electricum magis adhaereat, quam ceteris, et si qui p. 99.
 dem bilis specificae grauior urina, hepatis, quod est
 renum substantia grauius, urina vero specificae gra-
 uior quam salina, renibus, quorum substantia specifi-
 ce grauior est quam substantia parotidum, adhaeret,
 non absurdum est cerebrum attribuisse fluido electri-
 co, cui hoc fluidum subtilissimum ex aere in sangui-
 nem delatum adhaereat fortissime, et in quo ergo
 percoletur seu secernatur. Praeter ea, quum fluidum
 electricum non solum constare videatur e particulis
 inter se heterogeneis, sed etiam habere sibi admixtas
 moleculas sulphureas proprias substantiae plantarum,
 vel animalium, vel metallorum, per quae illud tran-
 sit, adeo ut nullibi tam purum sit, quam in aere;
 sumit Auctor, fluidi electrici puri, quod se se ex ae- p. 100.
 re in sanguinem nostrum insinuauerit, particulas in
 cerebro admisceri moleculis crassioribus et minus qui-
 dem agilibus, sed quae adhaereant facilius filamentis
 neruorum, et agitatae decurrant per eorum poros
 sine ulla in vicinas corporis partes aberratione (nisi
 forte in casu magnae et praeternaturalis expansionis).
 Hoc mixtum e fluido electrico puro et subtilibus qui-
 busdam particulis sanguinis sulphureis, est id quod
 Cl. Auctor fluidum nerueum appellat. Talis fluidi p. 101.
 cursum ligatura nerui sisti posse retur, etsi fluidum
 D d 5 electri-

electricum purum etiam ligatum neruum peruadere libere possit. Quia fluidi electrici celeritas secundum experimenta Cl. LE MONNIER circiter quadruplo maior est quam celeritas soni, et magna affinitas lucis cum fluido electrico, huius fluidi celeritatem multo adhuc maiorem esse, persuadet: aptum illud fluidum esse videtur ad motum musculorum efficiendum.

p. 103. Hoc fluido, sed fixo, semper imbutos esse omnes neruos, ita ut in singulo neruo illud formet columnam continuam valde elasticam, ponens Auctor, sensum rei extrema filamenta neruorum tangentis excitatum in cerebro explicat per experimentum in filo electrificato captum, cuius altero extremo tacto constat alterum extremum statim sic affici, ut materia electrica in hoc extremo mutationem aliquam subeat;

p. 104. et sumens praeter ea in fluido nerueo particulas diuersae elasticitate praeclatas, seu diuersimode vibrantes (quod a ratione non est alienum, quum tales heterogeneae particulae in luce per experimenta Newtoniana sint ostensae, et in aere etiam sonoro iuxta Cl. MAIRANI demonstrationes reperiantur.) ex lege propagationis vibrationum in tali fluido, secundum quam vibrationes certarum particularum non nisi cum particulis homogeneis seu eiusdem toni communicantur, rationem reddit, cur diuersarum rerum sensilium diuersus in sensorio communi excitetur sensus. Ad motum autem quod attinet, contractionem, et cum ea coniunctam corrugationem musculi satis feliciter imitatus est in filorum fasciculo, quae non solum in utraque extremitate, sed etiam in locis intermediis colligauerat filis transuersis; quippe ubi hunc fasciculum electrificauit, vidit fila in singulis internodiis a se inuicem separari et incuruari, unde colligit, si internodia essent infinite parua, fore, ut superficies fasciculi affectaret easdem plicas vel rugas, quales in musculo contracto conspiciuntur. Et quia fluidum nerueum perpetuo replet fibras nerueas, quas tan-

dem

dem cum fibris motricibus confundi ponit, necesse esse ait, ut quam primum huic fluido alicubi motus imprimatur novus, consequatur expansio musculi in latitudinem, seu contractio in longitudine, eodem p. 106. fere temporis puncto, partim ob permagnam velocitatem, qua ipsa materia electrica fluere est demonstrata, partim quia materia electrica fluens secum rapit per tubulos nerveos alterum illud crassius fluidum, cui admixta est, sicuti in Cl. TALLABERTI experimentis fluxus aquae e tubis capillaribus per electrificationem acceleratur. Id autem quod motum primo imprimat, esse animam credit, etsi, quo modo hoc fieri possit a substantia incorporea, se nescire fateatur; eandem animam exquisitè scire fingit, in quodam praecise filamentum nerveum sibi sit agendum, quo hoc vel illud membrum sic et non aliter moueatur, et propter ea nervorum tubulos inde ab origine sua usque ad organon, eorum ope mouendum, singulares, seu ramificationibus destitutos esse scribit, ne motus, quem anima certo musculo impertire voluerit, in alios deriuetur. Ceterum fluidum electricum haud ineptum esse motui producendo, cuius vis tanta sit, quanta in motu musculorum supra per calculum fuit deprehensa, inde concludit Auctor, quod vidit, musculum bicipitem brachii, per viginti quinque annos paralytici, semet contrahere, quum ex eo electrica scintilla eliceretur, et animalia haud parva fulmine electrico enecari, disruptis eorum vasis et musculis; posse autem motum ab electricitate ortum in musculis pro arbitrio intendi, vel remitti, vel in puncto temporis exstingui, clarum esse putat e multis experimentis cum machina electricante institutis, qua rapidius mota, fila electricata magis diuaticare coguntur, et qua inhibita, fila illa statim in se mutuo recidunt. Tandem Auctor variis, quae systemati suo opponi possunt, dubiis, remotis, non dissimulat, esse adhuc in eo non nulla magis enodanda, quae
forsan

forſan enodatiuſ proponente potuiſſet, niſi graui morbo fuiſſet impedituſ.

- p. 112. Hanc diſſertationem excipit Cl. L E C A T commentarioluſ, quem illuſtris academia ſcientiarum, cui illum Auſtor, poſtquam ſe praemiuſ reportaſſe comperit, miſit, diſſertationi priori ob argumenti aliquam affinitatem ſubiungere decreuit. Nam Cl. Auſtor in diſſertatione ſua ſcripſerat texturam perioſtei et durae meningiſ adeo ſubtilem eſſe, ut nullum fluidum admittat, praeter id, quod pro ſenſuum inſtrumento habendum ſit. Iam ne quiſ neget vel tale fluidum haſ membranaſ peruadere, quo negato paſ aliqua fundamenti, quod L E C A T ſuo ſyſtemati ſubiecit, corrueret; operam hic dat Cl. Auſtor, ut utrique meningi cerebri, perioſteo, et reliquiſ, membraniſ, ligamentiſ, et tendinibuſ ſenſum aſſerat. Prouocat primo ad quotidianam experientiam, quae doceat, meningeſ cerebri laeſaſ vel irritataſ cauſa qualibet externa febrim, ſtuporem, delirium aſſerre. Secundo ex hiſtoria Academiae Scientiarum Pariſinae et ex propria amicorumue experientia adducit aliquot exempla hominuſ, qui ab offiſculiſ, ſub cranio natiſ, vel a fractura cranii reſiduiſ, perpetuoſ doloreſ capitiſ, imo non nunquam conuulſioneſ, et adeo morteſ perpeſſi ſunt; inter hoſ nominatim ruſticuſ eſt, qui, quum utramque cranii tabulam pluribuſ in lociſ perforatam haberet, et duram meningem ſub illiſ foraminibuſ gangraenolaſ, cerebro tamen proriſ illaeſo, a capitiſ doloreſ perpetuo per quindecim annoſ vexatuſ iſiſdem tandem ſuccubuit. Iam ſi laeſioneſ durae meningiſ letalia ſymptomata comitantur, etſi fluida illa, a quibuſ vita pendet, non fuerint intercepta, neceſſe eſſe putat, ut fluidum vitale per doloreſ et hinc ortoſ ſpaſmoſ meningiſ fuerit corruptuſ; meningem ergo ſenſilem eſſe concludit. Verum enim vero quia hiſ adhuc obiici poſſet, letalia illa ſymptomata orta eſſe ex cerebri, meningibuſ adeo vicini,

vicini, laesionibus, cum laesione meningum coniunctis: non solum duas observationes enarrat, quae p. 115. sistunt homines, sola laesione durae meningis in orbitis oculorum enectos, sed etiam affirmat, morbi illius rarioris, qui in rigore omnium musculorum seu tetano uniuersali consistit, causam, quam plerique p. 117. cerebri corruptioni attribuunt, in inflammatione et suppuratione meningis tenuis a se deprehensam esse sectione capitum trium virorum, hoc morbo extinctorum, in quorum cerebro nihil morbofi potuit reperire. Hac occasione theoriam tetani uniuersalis p. 120. proponit ex hypothese sua, quod tam papillae nervae in organis sensus, quam fibrae motrices in musculis sint productiones meningis tenuis, deriuatam; et in usus chirurgicos notat, signum inflammationis durae meningis esse, stuporem vel soporem et paucitatem conuulsionum; tenuis autem meningis inflammationem dignosci per somnum leuem, et delirium crebris et violentis agitationibus coniunctum. Por p. 121, ro aliud argumentum pro meningum sensibilitate petit a dolore, quo exquisitissimo afficiuntur tunica adnata et membranae oculi, ab alieno corpore vel minimo laceffitae; Ill. autem HALLERI et Cl. ZIN- p. 122. NII experimentis ad contrariam sententiam probandam quidquam roboris inesse negat, propter ea partim quod quaedam experimenta a se in canibus capta contraria sint illis, quae Cl. ZINNIVS exposuit, partim quod ex animalium brutorum motibus et clamore de sensu ipsorum nihil certi colligi possit, quum ipse Auctor saepius viderit canes, quibus cutis et musculi dissecebantur, nullius, sed cerebro contrectato, grauissimi doloris signa dedisse, et contra in experimento quinto Cl. ZINNII canis oleum vitrioli non solum in dura meninge sed et in carne circumiecta patienter et sine dolore ferre visus fuerit. Quum itaque ex solis hominibus disci posse videatur, quid in quaque corporis parte dolorem pariat: refert Cl. LE p. 124.

- car experimentum a semet ipso captum in homine, cui ossa temporale et coronale fracta erant, quod vulnus cum ipsius cerebri quidem laesione, nullatenus autem cum mentis alienatione, coniunctum erat. Ex hac observatione ab Auctore fusa et accurate enarrata apparet, utramque meningem natura sua esse admodum sensibilem, et ut sensus signa non edant, id tunc demum accidere, quando aut forti contusione sint stupefactae, aut ab aeris, medicamentorum, instrumentorumque impressionibus intermortuae, aut proxime in cartilaginem vel os euasurae. Denique asserta meningibus sua sensibilitate, periosteo etiam, et reliquis membranis una cum tendinibus ac ligamentis mentis sensum esse, Auctor et per observationes singulares, et prouocando ad vulgarem experientiam, confirmat; et Cl. CASTELLO, qui saepius se acus per tendines traiecisse sine signis doloris dicit, respondet,
- p. 127. in his singularibus exemplis tendines forsitan non amplius in statu naturali fuisse, sed ob contusionem stupidos vel ad ossificationem pronos.
- p. 128.

Sequitur latine scripta dissertatio, cuius Auctor proxime accedit ad sententiam in praecedenti dissertatione anonymi propositam. Scilicet fluidum nerueum arbitratur constare ex inflammabili materia, haud tali, qualem e plantis chemicus parat, sed electricae si non simili, tamen haud multum absimili, quae cum subtilissima corporis nostri lympa commista sit. Rationes, quibus hoc verisimile reddat, sequentes adducit: quod fluidum nerueum aeque ac materia electrica subito statimque operetur, simul ac causa mouens agere incipiat, iterumque subito ac in eodem momento, quo causa mouens agere cesset, ad quietem redigatur*; quod membra paralytica suum motum

* Quae hic sumuntur, sine limitatione concedi non posse arbitramur. Omnes norunt, qui in electricitatis experimentis sunt versati, materiam electricam saepe

motum et sensum electricitatis ope recuperent, commota, quae in illis fixa erat, materia electrica; et quod liquidi neruei defectus cum fluidi electrici in corpore defectu semper coniunctus videatur, quia membra paralytica initio electrificationis, et digiti pedum occallati ac rigidi nunquam scintillas electricas edunt, aut saltim debilissimas, homines etiam phlegmatici, vires fractas habentes, difficilius electrici redduntur. Ad tertiam vero Ill. Academiae quaestionem respondet his verbis: *Quando spiritus dato* P. 24. *tempore in maiori copia per aduehentes nerui fistulas ad musculum adueniunt, siue id a stimuli vi in ipso neruo, siue a causa in cerebro nata, siue ab imperante anima fiat, tunc musculus contrahitur. Quando vero haecce celeritas in motu spirituum remittit, et neruus aut nerui eam duntaxat adducunt copiam, quae cum musculo in aequilibrio est, tunc idem musculus iterum quiescit. Quies autem et contractio ideo cum maxima celeritate alternant, quia spiritus de electrica materia, in sanguine praesente, et ab eo intra encephalum separata, facti sunt. Ceterum monet Cl. Auctor, sep. 27. nolle affirmare, fluidum nerueum in musculos omnes et semper a cerebro deriuari, quin potius sibi persuasum esse, in musculis etiam aliquos spiritus animales praeparari, saltem in iis, qui ad functiones vitales pertineant: hoc enim non solum non esse impossibile, quum, sicut ex arteriis, quarum magna in quouis musculo copia deprehenditur, sanguinem vehentibus prodeunt lymphaticae, ita ex his lymphaticis adhuc minores arteriae, spiritus vehentes, exoriri possint, quales in cerebro dari constat; sed idem etiam experientia confirmari, quia in foetibus, cerebro destitutis, vitales tamen motus cordis et intestinorum obseruati sunt, et laeso, obstructo, vel inflammato*

mato

saepe hora una vel adeo plusculis horis, postquam rotatio machinae electricae cessauit, in motu adhuc esse et energiam suam exhibere.

p. 28. mato cerebro motus vitales non delentur. Irritabilitatis etiam partium carnearum rationem reddi posse putat ex eius modi mechanismo, quo spiritus in illis separari possint: quum, nervo quodam sollicitato, musculus, in quem ille inseritur, in motum cicatur, aliae autem corporis partes, fibris carneis carentes, iuxta Ill. HALLERI eiusque discipulorum experimenta, irritabiles non sint deprehensae.

Extremas huius voluminis partes occupat dissertatio, germanica lingua conscripta, et in tria capita diuisa, in quibus responsiones ad totidem quaestiones ab Ill. Academia Scientiarum Berolinensi propositas exhibentur. In primo capite Cl. Auctor, existere fluidum nerveum, demonstrat e cerebri nervorumque structura. Nimirum corticem cerebri, cerebelli et medullae spinalis plenum esse arteriarum lymphaticarum, quae sint arteriarum serosarum, ex arteriis sanguiferis tenuis meningis ortarum, continuationes, probat per iniectionem in arterias cerebri, RVYSCHII methodo factam, qua non nunquam notabilem partem substantiae corticalis cerebri reple-

p. 15. ri semet ipsum expertum esse scribit. Deinde arterias illas lymphaticas non desinere in corticali substantia, neque extremitates suas clausas habere, inde colligit, quod alioquin ob perpetuum sanguinis arteriarum impulsus vasa ista rumperentur, si lymphae, quam vehunt, ulterior progressus non concederetur; vasa enim reducentia, si qua dentur, omni lymphae, quae in arterias illas lymphaticas penetrauerit, retro

p. 19. vehendae sufficere negat*. Ex quibus omnibus concludit, fibras, quae ex cortice cerebri in medullarem sub-

* Argumentum, quo inductus Auctor illud negat, hoc est, quod in cerebri iniectione materia iniecta initio quidem corticem cerebri inrumpere paullulum cogat, sed, continuata iniectione, subtilia vasa dirumpat. Num hoc argumentum idoneum sit, videant lectores.

substantiam cerebri et neruorum propagantur, esse productiones arteriolarum, lympham vehentium, ipsasque adhuc cauas esse, et per omnem nerui longitudinem cauas manere, simili argumento declarat. Quod quum fieri non posse videatur, nisi fluido quodam plenae semper sint, quod latera horum tubulorum collabi non patiatur: fluidum nerueum existere concludit. In capite secundo Auētor de natura fluidi neruei docet, illud, etsi e lymphā oriatur et secernatur, ab hac tamen diuersum esse, praesertim subtilitate, quae omnem sensum effugiat; hinc fieri non posse, ut indoles particularum, e quibus succus nerueus componitur, ab ullo homine cognoscatur; neque etiam hoc necesse esse ad sequentem quaestionem enodandam, quum sufficiat, phaenomenis docentibus, nosse, fluidum nerueum esse subtilissimum, non tamen valde elasticum (quia alioquin in animi passionibus vehementioribus nerui ab illius vi elastica rumpentur), celerrime mobile, attamen haud semper in celerrimo, quem habere possit, motu constitutum esse, sed minori, eaque uniformi, celeritate in statu naturali per neruos propelli. Tertio in capite Cl. P. 49. Auētor, praemissa musculi anatome, phaenomena recenset motus musculorum, inter quae illud, quod musculus contractus maius spatium non occupet, profecto habet; quoniam masseterem, quum, dentibus inferioribus ad superiores iam appressis, breuior fieri nequeat, tamen continuato mordendi nisu adhuc magis intumescere in semet ipso saepius expertus est. Similiter negat musculos a contractione pallefcere, et p. 51. contrarium huius sententiae in orbiculari, seu sphinctere oris, patere oculis affirmat. Denique rem ipsam aggressus, ostendere conatur causam efficientem contractionis musculorum non esse sanguinem (licet eum pro causa, sine qua contractio illa non esse possit, habendum esse concedat), sed solum fluidum nerueum, quod agat fibras motrices elasticas magis irritando,

Tom. III. Pars III. E e quam

quam quidem illud in statu quietis musculi fieri soleat, et maiorem illam irritationem fieri a copiosiori vel celeriori influxu fluidi neruei, quo cetera in fibris motricibus praesentia fluida expandantur, aequae ac particulis ignis, in maiori copia liquori cuidam admistis, liquorem illum expandi videmus.

VI.

*Hamburgisches Magazin, oder gesammlete
Schriften zum Unterricht und Vergnügen
aus der Naturforschung und den angenehmen
Wissenschaften überhaupt. XIter Band.
Hamburg bey G. C. Grund, und Leipzig bey
A. H. Holle, 1753. 8. 1 Alph. 18 Bogen, und
3 Kupfertafeln.*

Hoc est:

Promptuarium Hamburgense siue collectio scriptorum, institutionis et oblectamenti causa ex physica et humanioribus literis collectorum etc. Tom. XI.

p. 3. **P**art. I. n. 1. *de medicamentis, quae certas corporis humani partes prae aliis facile afficiunt et quatenam sit huius effectus causa*, Auctore Cl. BOISSIER*. Est haec tractatio, qua Auctor ab academia Burdegalensi praemium deportauit, ex lingua gallica in germanicam translata ab I. A. V.

p. 70. No. 2. *Commentarii Academiae Scientiarum Imper. Petropolitanae Tom. XIII. ad ann. 1741 - 1743 recensentur.*

p. 132. Part. II. n. 2. GEORG. WILHELM. STELLERI *descriptio Manati*. Latino sermone elaborata legitur in

* vid. Commentar. nostr. Vol. II. Part. I. p. 167.

in nouis Commentariis Petropolitan. Tom. II. pag.
289 seq.*

N. 3. *Historia capitis Babyroussae tradita a Cl. de p. 182.*

BERGEN. Est Babyroussa animal quadrupes adhuc incognitum, nec a zoologis satis descriptum, quod in insulis Moluccensibus deprehenditur. Ipsum hoc animal magnitudinem cerui minoris, et pilos breues e nigro cinereos habere dicitur. Mas dentibus incuruatis, ex maxilla inferiori, et duobus eodem modo ex superiori porrectis, instructum est. Quoad caput et os ad suum genus accedit, oculis paruis, auribus breuib. gaudet, et insuper est velox atque ferum, quod flumina magna celerrime transnatat. Hoc vero promonstro, uti varii volunt, haberi non potest, quoniam eius sexus uterque mas et femina datur. Neque Babyroussam cum suis ad unum genus plenarie referri posse statuit Auctor, licet ex notitiae certae defectu genus eius determinari nequeat. Id, quod ut eo clarius demonstret Auctor, ossa capitis Babyroussae et apri accuratius inter se comparauit magnamque eorum differentiam inuenit. Ipsa huius animalis ossa capitis in tabula adiecta delineata sunt.

Part. III. n. 2. GEORG. WILHELM. STELLERIP. 264.
descriptio ursi marini ex nou. Commentar. Petropolit.
tan. Tom. II. p. 338. translata, cui in tabula addita
est huius animalis icon. **

No. 3. *Commentarii Academiae Scientiar. Imper. p. 303.*
Petropolitan. Tom. XIV. ad ann. 1745. 1746. recen-
*sentur ***.*

Part. IV. no. 1. D. H. G. HOPPII *symptomatum* p. 339.
hypochondriacorum explicatio continuata. Symptoma-

E e 2

ta

* ibid. Vol. II. Part. III. p. 579 seq.

** ibid. loc. cit.

*** vid. Promptuarium Hamburgense Tom. VIII. Part. VI.
Commentar. nostr. Vol. II. Part. I. p. 70.

ta hypochondriaca a spissis crassisque humoribus, per abdominis vasa difficulter circulantibus, alio loco iam explicavit Cl. Auctor *. Sanguinis haec spissitudo in hypochondriacis a debilibus abdominis visceribus facile generatur, quippe quae liquores digerentes minus bonos praeparant, digestionem imperfectam efficiunt, crudumque chylum elaborant, qui deinde crassas viscidasque partes simul ad sanguinem transducit. Eadem vero sanguinis spissitudo forte non in omnibus eadem symptomata producit, sed possunt illa ex sero nimis spisso et tenaci oriri, id, quod transpiratio insensibilis, in plurimis hypochondriacis impedita, ostendit. Quatenus ergo hi humores spissi ad hunc illumque locum pelluntur, eatenus haec vel illa symptomata producunt, quae, excretionem in primis sudoris excitata, tolluntur, uti Auctor in suo ipsius corpore expertus est, quippe qui sola, equitatione continuata et sudore, paroxysmo saeuiente, excitato, mala sua optime leniuit. His ipsis certe remediis et animi tranquillitate aequabilis humorum motus conseruatur et restituitur, qui in hypochondriacis adeo necessarius est.

P. 349. No. 2. IOH. THEODOR. KLEIN *tentamen methodi ostracologicae sine dispositio naturalis cochlidum et concharum in suas classes, genera et species, iconibus singulorum generum acri incisus illustrata, recensetur* **.

P. 356. No. 3. *Infantis praeternaturaliter obesi dimensio* Auctore A. G. KAESTNERO. Infans haec puella valde obesa, anno 1715. die 2. martii Isenaci nata est. Caput eius magnum, multis longioribusque pilis oblitum, mammaeque tantae erant, ac in muliere viginti annorum. Cibos non adeo copiosos assumebat, cereuissiam triticeam fermentatam bibebat. Eadem haec puella nundinis paschalibus Lipsiensibus 1753. Lipsiae
a no-

* conf. Commentar. nostr. Vol. II. P. II. p. 307.

** ibid. Vol. III. P. II. p. 274.

a nobis visa est, sed et hic subitanea morte obiit. Post mortem infans tota 82 libras, integumenta vero cum pinguedine 51. libras ponderabant. Eiusdem corporis admodum crassi partium omnium accurata dimensio ad pedem Parisinum a Cl. Auctore instituta fuit et hic sollicite lectoribus communicatur. Anatomica eius descriptio forte alia occasione innotescet.

No. 4. *Remedia frumenta in tabulatis illaesa con-* p. 364.
seruandi Auctore LANGVET inueniuntur. Petita haec et translata sunt ex diario, *Journal oeconomique* dicto, per I. A. V.

No. 5. *Demonstratio, qua ex periodica aeris mu-* p. 370.
tatione redeunte tempestatis praesagium impossibile esse,
ostenditur. Est etiam haec tractatio ex diario, *Journal oeconomique*, translata per I. A. V.

No. 6. *Noui Commentarii Academiae Scientiar.* p. 380.
Imper. Petropolit. Tom. II. ad ann. 1749. recensentur *.

No. 7. *Cautelae et regulae in morbis dolorosis ad-* p. 398.
bibendae Auctore IOH. AVG. VNZERO. Morborum, qui cum dolore coniuncti sunt, cura sollicite et magna cum attentione instituenda est. Ipsa autem haec ex doloris differentia varia, nec a solis opiatis desumi debet. Dolor ex Cl. Auctoris distinctione triplex, modo ut morbus ipse, modo ut causa aliorum morborum, modo ut symptoma siue effectus morbi, considerandus est. Dolor, ut morbus consideratus, iuxta hasce regulas sequentes erit curandus: Primum, pars dolens est tollenda. Non vero uniuersaliter haec regula est assumenda, sed e reliquis circumstantiis et effectibus inde oriundis determinanda, ad quod accurata corporis humani partium earumque actionum cognitio necessario requiritur. Secundo, omnes p. 405.
illi motus, qui ad sensum doloris percipiendum necessarii sunt, supprimantur, vel tertio tantum mitigentur et temperentur. Hanc motuum suppressionem

E e 3

prae-

* ibid. Vol. II. P. III. p. 501.

præstant illa remedia, quæ somnum adeoque insensibilitatem inducunt. Communissima quidem hæc curandi via est, quam natura ipsa demonstrat, sed periculosissima, siquidem horum remediorum naturam nondum satis cognoscimus, eaque ipsa totam animam omnibus suis facultatibus priuant, omnesque sensus, qui tamen intacti essent relinquendi, simul tollunt.

p. 409. Mitigatio motuum omnes sensus simul debilitat adeoque et eos, qui non essent debilitandi. Remedia, quæ ad hunc effectum producendum adhiberi solent, anodyna, temperantia siue antispasmodica nominantur, ad quæ referuntur non solum ea, quæ in quibusdam tantum partibus leuamen afferunt, sed in primis etiam omnia opiata, quæ vel ex natura sua, vel ex parua dosi data, leniter agunt, quæ ultima tamen suspecta et timenda sunt, quoniam vires vitæ

p. 412. sensum eneruant. Quarto omnis sensatio parti dolenti adiunatur, id, quod e. g. per neruum alicuius partis ligatum perficitur. Talia vero remedia, quæ id præstare possunt, difficillime inueniri poterunt. Interim non plane dubitandum est de iis remediis, quæ in certo quodam dolore certam et subitanam opem adferunt, uti v. c. semen cardui mariae in dolore pleuritico. Quinto parti dolenti non omnis sensatio, sed tantum ille vehemens motus, qui dolorem excitat, supprimendus est. Hæc via optima et tutissima esse videtur, et qua ratione antispasmodica sic dicta, e. g. emollientia, in contractionibus neruorum leniendis, et

p. 417. opium externe cum aliis applicatum agere solent. His præmissis nunc Cl. Auctor remedia dolorem sedantia adhibendi regulas et usum ostendere annititur. Ad tres classes generales omnia hæc remedia referri possunt, quarum prima, quæ hætenus diiudicata fuit, eo respicit, ut pars dolens ad percipiendum dolorem inepta reddatur, altera, ut causæ doloris tollantur, tertia, ut idem, aliis sensationibus contrariis simul excitatis, cohibeatur et sufflaminetur. Sexto ergo, quod
primam

primam in hac classe regulam constituit, causae doloris tollantur. In quibusdam tantum casibus haec cautela applicanda erit et eo respiciendum, per quanam remedia et per quasnam vias materia dolorem faciens eliminanda sit. Quod cum agere velit medicus, materiae peccantis naturam, eius sedem, remediorum adhibendorum efficaciam nosse debet, quae methodus rationalis tuta et optima cum difficilis sit, a paucis medicis attenditur. Septimo causa doloris est destruenda, licet eliminetur, nec ne. Sic leniuntur dolores ab acrimonia orti, ipsa acrimonia correcta. Ad utrumque tamen simul attendendum est. Octavo, p. 422. in dolore sedando ipsius causae imminuendae sunt. Haec methodus dolorem non quidem radicitus, interim tamen successiue aufert et naturalis est. Sic dolor capitis in febre acuta vehemens, a sanguine validius moto ortus, temperantibus tutissime sedatur. Non, p. 424. materia dolorem faciens ita coercenda, ne partes sensiles attingat, id, quod in eo casu fieri debet, ubi materia peccans neque eliminari neque imminui potest, sic in dolore dysenterico intestina absterfa unguinis illiniuntur, sic dolor in superficie corporis tegumentis superimpositis sedatur. In tertia classe decimo remedia anodyna ea continentur, quae dolorem indirecte sistunt, excitando alium dolorem fortiolem, quam prior erat. Sic pro hoc scopo vesicatoria, setacea aliaque applicantur. Contrarius vero dolor non nisi in summo malo et in partibus externis caute et circumspecte excitandus est. Undecimo multae sensationes aliae simul excitentur, quae vero per se cum doloris abigendi vehementia non conueniunt, coniunctim vero ratione efficaciae superant. Duodecimo, p. 430. tandem plures aliae repraesentationes viuidae in anima aegroti producendae sunt, quibus dolores non adeo vehementes leniuntur.

- p. 452. *Part. V. n. 1. Descriptio bestiae marinae a DAMPIERO sub nomine Leonis marini traditae ex nouor. Commentar. Acad. Scient. Imper. Petropolit. Tom. II. ad ann. 1749. p. 360 seq. translata deprehenditur **.
- p. 60. *Num. 2. Descriptio lutrae marinae, an lutra marina MARGGRAVII, Icyæ siue Carigveibeiu Brasiliensium? Ruthenis Bobr Kamtschatzkoi, Itelmannis Kaiko. Translata ex Commentariis Petropolitan. l. c. p. 367 seq. per I. D. T. ***
- p. 505. *Num. 4. D. H. G. HOPPII animaduersiones continuatae de virtute sulphuris antimonii aurati. De virtute sulphuris antimonii aurati, quam Cl. VNZERVS in hoc promptuario *** olim comprobare annisus est, adhuc ulterius dubitare pergit Cl. HOPPIVS **** autumatque rationes probandi a sola experientia desumptas non sufficere, quoniam fallaces sint saepiusque repetitae esse debeant. Conuulsiones, a vermibus ortae, non propter vim medicamenti anodynam cohibitae fuisse videntur, sed quod vermes tanquam conuulsionum causae hoc remedio enecati fuerunt. Ergo hoc remedium virtutem suam praedicatam improprie exercet. Quando enim humores spissos et impuros resoluit et educit e corpore, spasmique ab his orti cessant, omnino eius vis anodyna, sed sensu improprio erit concedenda. Huius sulphuris virtutem euacuandi in febribus se obseruasse quidem concedit, interim tamen ipsa virtus, tam ex sua partium constituentium mixtione, quam ex morborum natura et cognitione certius adhuc erit determinanda.*

Part.

* vid. Commentar. nostr. l. c. p. 515.

** ibid. l. c.

*** vid. Promptuar. Hamburgens. Vol. V. Part. IV. p. 356. et Commentar. nostr. Vol. II. Part. I. p. 67.

**** Commentar. nostr. Vol. II. Part. III. p. 478.

Part. VI. n. 1. De volatilitate argenti in schistop. 563.

Mansfeldensi tractatio continuata, in qua animadversiones in aduersarii cuiusdam, monita continentur.*

Alcali minerale, in schisto Mansfeldensi contentum, in mixtione naturali aliquam in argentum, quod in hoc minerali composito reperitur, efficaciam habere adserit Cl. Auctor anonymus. Quod adsertum, experimentis superstructum, ab alio quodam auctore anonymo oppugnatur, contra quem se se defendit in hac tractatione Noster, et ad varias oppositiones respondet. In hoc schisto Auctor itaque aduersario suo demonstrat, parum sulphuris adesse, quod adeoque terram marrialem copiosam consumere nequeat: In illo schisto nec ferrum inesse pernegat, illud omnino adesse. Plumbum in schisto latere non negatur; illud vero sublimatum album, in usto schisto cognitum, falso pro floribus plumbi et plumbi vitriolo, ab acido sulphuris adroso, semper haberi, et immerito arsenici zincique flores excludi; nec pondus auctum ab arsenici admixtione dependere, cum illud tostione abigatur. Argentum schisti auri particulas non continere, licet in eodem obseruatae fuerint; sed potius plumbo Goslariensi, in fusione adhibito, adscribendas esse Noster docet. Nec in eodem stanni et mercurii vestigia deprehenduntur.

Plurima quidem femimetalla et mineralia argen-
tum volatile reddunt, sed in varia mixtione compo-
sita eius solutionem et volatilitatem maiorem produ-
cunt. Schistum, hoc contusum et in retorta igne
tractatum, primum exhibet phlegma, deinde spiri-
tum acriorem, odoris sulphurei et ad hepar sulphuris
accedentis, in quo alcali simul haeret, post ea sub
auctiore ignis gradu petroleum et tandem parum aci-
di sulphuris impuri. Ex quibus apparet, non eam

Ee 5

quan-

* vid. Promptuar. Hamburg. Vol. IX. P. VI. p. 613. et
Commentar. nostr. Vol. II. P. I. p. 61. & P III. p. 483.

quantitatem salis acidi et sulphuris crudi in schisto contineri, quam aduersarius adesse affirmat. Phlegma salinum productum satis forte esse ad argentum adrodendum, odor, qui ex unione alcali cum sulphure oritur, indicat. Eadem haec alcali cum sulphure una cum arsenico accedente argenti volatilitatem efficit. Terras schisti non calcareas, sed vitrescibiles esse, concedit Noster, quatenus eae ex metallica mixtione diiudicantur, id, quod de basi terrea intima non valet. Cuprum in schisto contentum minime ex colore externo, sed ignis ope detegitur.

p. 583. N. 2. *Epistola ad Cl. KAESTNERVM* de circulis siue annis, in diuersis lignis inuentis, auctore SCHÖBERO. Circulos illos, in lignis repertos, ipsius arboris annos indicare, ex obseruatione venatoris cuiusdam periti confirmat Auctor. Didicerat enim venator, cum ex ramorum numero, tum ex circulis arborum annos cognosci. Quouis enim anno in iuniore in primis pino nouus ramus excrescit: id adsertum cum arbore, cuius aetatem viginti duorum annorum certo sciebat, comprobauit; hac enim caesa, Noster viginti ramos et viginti duos circulos distincte obseruauit. Et in ipsis ramis eorum anni ex circulis videri poterunt.

No. 5. *Relatio de lumine perpetuo, nouiter detecto*, Auctore A. G. K. Continetur haec relatio in epistola Principis cuiusdam Neapolitani SEVERI ad Cl. NOLLET data. Praeter opinionem hic princeps, cum variis operationibus chemicis occupatus esset, materiam quandam, in vitro contentam, flammam auream, pellucidam, perpetuam, alere obseruauit. Qualis vero naturae sit haecce materies, reticet adhuc SEVERVS, eandem vero ex ossibus animalis inter terrestria nobilioris, variis aliis rebus additis, oriri tamen fatetur. Ab eadem hac materia flammam in coemeteriis aliisque locis visas deducit princeps monetque salia, ex corporis nostri partibus extracta, separata
et

VII.

Differtatio inauguralis sistens experimenta circa
varia venena in vivis animalibus instituta,
quam proponit Auctor IOANNES ADRIA-
NVS THEODORVS SPROEGEL. Gottin-
gae, 1753. 4. pl. 11½. sine dedic. et app.

Commentariis nostris summam huius dissertationis
inseturos nos esse alio iam tempore promissimus,
quum muneris in Cl. eius Auctorem delati mentio-
nem iniiceremus *, eoque nunc lubentius datam fi-
dem liberamus, quo grauius atque utilius argumen-
tum, de quo illa exponit, et quo studiosius illud quo-
que pertractatum esse intelligimus. Cum variis ve-
nenis, vario etiam modo, diuersis animalibus appli-
catis, Cl. Auctor instituit experimenta, quorum ef-
fectus inde obseruatos fideliter recenset, non nulla,
quum in iisdem simul animantibus caperentur, inter-
spargens experimenta, respirationis mechanismum,
motum cerebri atque venarum, et variam partium
corporis animalis irritabilitatem illustrantia; id, quod
in transitu saltem dictum esse volumus, iis nempe
omnibus insigni illorum numero similibus visis, quae
ex instituto, ad confirmanda de his rebus doctrinae
nostrae capita, Gottingae in primis suscepta, inque
aliis dissertationibus huc usque ibidem editis, fusc sa-
tis enarrata sunt.

Tribus in sectionibus omnem suarum obseruatio-
num Cl. Auctor proponit numerum, inque earum
prima, illa, quae ex vegetabili, in *altera*, quae ex
minerali regno experimentis suis adhibuit venena,
cum ipsorum effectibus describit, in *tertia* tandem ea
subiun-

* vid. Comment. nostr. Vol. II. P. IV. p. 721.

subiungens, quae observauit, dum varia in venam viui animalis iugularem externam mediante siphone iniiceret; quibus omnibus sua de his observatis phaenomenis immiscet ratiocinia. Vnum et sexaginta ex iis, quae Cl. Auctor suscepit, tentamina continet haec dissertatio, ex quibus, ne nimis longi simus, primaria excerpere constituimus.

p. 4.

Notionem veneni generalem RICHARDVS MEAD omnium optime ita definire dicitur, ut illud omne hoc nomine insigniri posse asserat, quod *parua copia datum, animalium vitae contrarium sit, eamque vel destruat, vel certe funestos effectus producat*. Licet autem symptomata, a venenorum vi orta, valde inter se conueniant, eaque gradu saltem inter se differre videantur: *plintae* tamen diuidi poterunt in *corrosiuas* et *narcoticas*, illas, quae gustu acres sunt et primas vias corrodendo inflammant; has vero, quae, cerebri vasa constringendo, stuporem et somnum letalem efficiunt. Iis tamen mineralia venena ideo fortiora esse videntur, quod ipsis singulare inest pondus specificum et insignis minimarum particularum soliditas.

p. 6.

Radice *napelli* recentis drachma semis concisa et cum lacte mista, et in os felis trium mensium intrusa, anxietates, vomitus, conuulsiones summamque corporis debilitatem in eo animali excitauit, quod inde tamen conualuit; post aliquod autem tempus a maiore illius veneni copia eadem passum symptomata, inter dirissimas conuulsiones, altero post assumptum venenum die, succubuit, corpore toto rigidissimo facto, ventriculo tamen et reliquis visceribus sanis, sanguine autem fluido et fere dissoluto, et vesica urinaria

p. 10.

constricta deprehensis. Puluis radice *anthorae* nullam feli noxam attulit. Alia vero felis a succi lactei, ex decerptis *tithymali*, qui *Cataputia* dicitur, foliis sponte exstillantis, scrupulo statim succussa, conuulsa, difficulter respirans, aluum deposuit, vomuit, et con-

conualuit. Alia porro caque iunior a succo *tithyma-* p. 14.
li, *cyparissias* vocatur MATTHIOLO, nullum malum
 perpessa fuit. Succus *cicutae aquaticae*, e foliis et flo-
 ribus expressus, cuniculo et cani datus, nullum pro-
 duxit effectum; e radice vero sola defumtus, vomit-
 us et tremores, ipsius autem radiceis puluis, modo
 copiosum salivae viscidae effluxum excitavit. Tem- p. 19.
 pore potius vernali, quam auctumnali, nec in parua
 copia assumta, vim suam fortiter exserere *cicuta* dici-
 tur. *Daturae* feminis drachmam unam, ab imperito p. 22.
 pharmacopoeo pro nigellae femine datam, occidisse
 quandam feminam, observavit Ill. HALLERVS. Bac- p. 24.
 carum *phytolaccae americanae* succus, in os canis in-
 gestus, praeter tremores leuesque convulsiones, ipsi
 nihil mali attulit. Debiles quoque effectus eius plan-
 tae succum praestitisse aduersus cancrum Cl. Auctor
 vidit, contra quem morbum tamen Angli nuper eum
 valde laudauerant*. Cum *opio* deinde in diuersis ani- p. 25.
 malibus varia Noster cepit experimenta, quorum de-
 cem recenset, illo nimirum octies crudo siue in sub-
 stantia, bis vero in resina, spiritu vini extracta, lar-
 giter dato. Phaenomena inde observata in quam plu-
 rimis inter se conueniunt: spuma nimirum copiosa ex
 ore profluens, vomitus vel certe vomendi conatus,
 tremores, extremorum vacillatio summaque infirmi-
 tas, somnolentia et interdum vera dormitio, stupor,
 et partium corporis irritabilitatis vel sensibilitatis im-
 minutio vel vera saepius destructio, ita, ut etiam mo-
 tus ventriculi et intestinorum peristalticus penitus fue-
 rit deletus. In aliquo cane molosso vomitus quidem p. 33.
 subsecutus fuit: is tamen, catalepticus quasi factus,
 per biduum valde aegrotavit, tertio autem die con-
 ualuit. In statu morbi omnem fere irritabilitatem
 amisisse visus fuit, eiusque oculi ne ullam quidem iri-
 dis vim contractilem in experimento, ideo instituto,
 adesse docuerunt. Adducta simul legitur observatio p. 41.
 Ill.

* vid. Comment. nostr. Vol. I. P. II. p. 334.

III. HALLERI in virgine quadam capta, quae incauta satis decem opii grana deuorans in altum somnum quadraginta octo horarum inciderat; per vomitum tamen, mechanice excitatum, resuscitata, mortique proxima visa, conseruata fuerat.

- P. 42. *Mercurius sublimatus corrosiuus*, cum lacte feli datus, multum quidem spumae ex ore ipsius proli-
cui; sine aliis tamen symptomatibus intra quinque
horae minuta eam enecuit, oesophago vehementissi-
me, ventriculo autem paulo minus, constricto, eius
tamen villosa tunica inflammata, motuque intestino-
rum peristaltico validissimo, repertis. Eadem, prae-
ter ventriculi, pabulo ante datum illud venenum re-
pleti, inflammationem, apparuerunt in cuniculo ma-
re vetulo. Canis autem, qui aliorum iam veneno-
rum vi haecenus restiterat, decem illius mercurii gra-
na, in carnis frusto absconditi, deuorauit, illico euomuit
iterumque appetiit, anxius inde factus altera vice vo-
mitu reiecit istam carnem, tertiaque nihilo minus vi-
ce eam deuorans, vehementissimis sub conatibus rur-
sus euomuit, alteroque die vegetus fuit. Eidem de-
nique alio tempore maior adhuc illius mercurii copia
cum aqua fontana ingesta, summas mouit anxiet-
ates atque vomituritiones. Quapropter, ut actio ven-
triculi sub illis conatibus adeo vehementibus obserua-
ri posset, cultro anatomico subiectus fuit, sed frustra;
quum, musculis abdominalibus dissectis, vomitus ces-
sarent, ita, ut in illorum actione, ventriculum pre-
mente, maxima ad excitandos vomitus vis haerere vi-
deatur. In hoc animali oesophagus non constrictus,
P. 50. ventriculus autem valde inflammatus fuit. *Arsenicum
crudum album* in omnibus animantibus miras anxiet-
ates, vomitus, summamque ventriculi inflammatio-
nem effecit. Abdomine tamen viui animalis dissecto,
ventriculus quidem valde se contrahere perrexit; vo-
mitus vero non ulterius rediit. Inter ventriculi vil-
los magna arsenici copia inuenta fuit, sanguine e
vasis

vasis suis misso et in grumos collecto, circumdata.
Cadmia nativa seu *cobaltum*, arsenici minera, feli et P. 54.
 canibus praeter vomitus nihil mali attulit. Quum
 vero alia vice os canis firmissime ligatum esset, ideo-
 que venenum vomitu reiici non posset, is vehemen-
 ter conuulsus inflammatione ventriculi et intestinorum
 periit. Maculae etiam liuidae, subnigrae, in illius
 non nullis locis, sanguinis, extra vasa discissa et ero-
 sa missi, testes, repertae fuerunt. Ex obseruatione P. 61.
 Ill. HALLERI puella, porrigine laborans, Gottingae
 misere ideo mortua est, quod istis capitis ulceribus,
 ut ea sanaret, cobalti puluerem insperfit mater, mor-
 te inde post paucas horas accelerata. Quo exemplo
 commotus, Noster sequens in cane scabioso fecit ex-
 perimentum. Illius enim dorso, pilis antea derasis,
 et ore canis atque pedibus ligatis, leuia infixit vul-
 nuscula, quibus *arsenici crystallini albi* drachmam
 unam indidit. Animal inde valde conuulsum et ea-
 dem symptomata passum, ac si intus sumfisset vene-
 num, post quinque horas animam expirauit. Aper-
 tum cadauer ventriculum, intestina, pleuram, pul-
 mones, valde inflammata cum sanguine extrauafato
 ostendit. Eiusdem tentaminis bis repetiti iidem fue-
 runt euentus.

Tertia sectio ea continet experimenta, in quibus P. 69.
 animalium venam iugularem externam, remotis in-
 tegumentis, eiusque parte, versus caput excurrente,
 antea ligata, incidit, et varia dein, mediante siphone,
 in eam immisit Cl. Auctor, quos inde ortos effectus
 cum illis nunc comparat tentaminibus, quae, simili
 modo suscepta, leguntur in *transactionibus philosophi-
 cis anglicanis* *, et apud IO. FREINDIUM **; de
 quibus tamen omnibus, propter insignem effectuum
 diuersitatem, parum concludi posse, ipse Noster fa-
 tetur.

* Vol. XXVII. Numb. 335. p. 493.

** Emmenolog. p. 167. Oxon. 1703.

- p. 70. tetur. En primaria! ab infusis *laudani liquidi* SYDENHAMI drachmis sex post semihoram humi prostratus canis mortui instar, per integram horam sensus motusque expers, procubuit. Deīn expergefactus, temulentus quasi incescit, altero autem die conualuit. Alius vero canis, similia perpeffus, per tres dies elanguidus manens, quarto demum absque aliis symptomatibus, praeter summum ciborum fastidium,
- p. 72. occubuit. Notamus simul iam alibi quidem notam, hic tamen confirmatam, experientiam, qua neruo octauī paris, venam iugularem comitante, una cum vena illa unius lateris ligato, vocem valde imminutam, eam vero penitus sublatam fuisse legimus ab eodem neruo in utroque latere ligato. *Sacchari saturni*, in calida soluti, drachmis duabus immisfis, protinus mors adfuit; toto venarum systemate sanguine valde repleto, sanguine in pulmonum superficie tota ubique extrauasato, iis ipsis aere quidem vacuis, sed sanguine turgidissimis et inde ruberrimis, hepate et intestinis nigricantibus, cordis ventriculo dextro ab aterrimo sanguine vehementer distento, sinistro autem vacuo obseruatis.
- p. 76. *Spiritus vini rectificatus* tremorem, palpitationem cordis, arteriarum pulsationum intermissiones et temulentiam; *rectificatissimus* autem repentinam mortem, et sanguinem in venis pulmonalibus, cauis et reliquis omnibus, valde coactum effecerunt. *Acetum vini destillatum* subitanea morte canem molossum interemit, sanguine paulum rubriore, nec nihil fluidiore viso. Quum tam subita mors ab aceto alias non euenerit; aer, cuius ingressus in venam semper impediri non potest, eam forte produxit. Aer enim inflatus citae et fere momentaneae mortis causa fuit, sique maior eius copia inflata fuerit, non cor solum nimis distendit, sed et pulmonum cellulas dirupit, inque eorum superficie sub bullularum forma apparuit. Sanguis tamen, ut alii auctores se vidisse dicunt, non coagulatus, sed naturali

rali fluidior, deprehensus fuit. *Sal ammoniacum* in p. 82.
 aqua solutum convulsiones quidem per horam dimi-
 diam durantes, sed nihil caeteroquin damni fecit.
Spiritus salis crudi, nisi aqua nimis dilutus fuerit illi- p. 85.
 co enecavit canem, eiusque sanguinem in venarum
 systemate admodum coegit. *Sal tartari* in simplici p. 87.
 aqua solutum tremores et convulsiones, *oleum* autem
 eius *per deliquium* dictum protinus mortem, sangui-
 nemque venosum valde coactum reddiderunt. Haec
 sunt primaria, quae Cl. Auctor solerter omnino insti-
 tuit tentamina. Quam cauti vero esse debeamus,
 dum ab effectibus venenorum, in animalibus brutis
 observatis, ad corpus humanum concludere veli-
 mus, is ipse bene monet. Experimenta de animalibus
 capiendi sic dictis venenatis ipsi defuit occasio.
 Operam interim venenorum perscrutandae naturae
 in posterum quoque tempus se daturum esse promit-
 tit, quem ut sibi propositum consequendi finem
 otium et occasionem possit nancisci, optamus.

VIII.

Dissertatio physico-medica inauguralis de ver-
 mibus intestinalibus hominum, quam propo-
 nit GVALTHERVS VAN DOEVEREN. Lug-
 duni Batavorum, apud Cornelium de Pecker.
 1753. 4. mai. pl. II $\frac{1}{2}$.

Pathologiam animatam non nullis medicis dictam,
 siue doctrinam de vermibus, in corpore huma-
 no nidulantibus, a multis quidem medicis iisque re-
 rum naturae sagacissimis inuestigatam, attamen ita
 nondum expositam esse constat, ut in hac re nihil
 amplius desiderari queat. Inter inutiles itaque labo-
 res minime referendum erit illud Cl. Auctoris studi-
 um, quo singulari industria omnia, quae de hoc
 argumento ab optimis auctoribus detecta vel scripta,

et ab ipsomet etiam obseruata fuerunt, colligere, inter se comparare, et ex iis demum omnibus ea inferre voluerit, quae a veritate propiora et ad difficillimam hancce doctrinam clariorem reddendam apta esse videantur.

P. 3. *Prima igitur dissertationis sectio de vermibus corporis humani in genere, et variis, quas occupant, partibus: in specie etiam de vermibus partium externarum, eorumque origine exponit.* Nullam fere tum internam, tum externam corporis esse partem, in qua vermes non deprehensi fuerint, permulta, ab attentis obseruatoribus notata, comprobant satis exempla. Nec perpendenti, quot animalcula minima iisque adhuc minora ipsorum ouula in aere volitent, difficile erit intellectu, haec in variis corporis externis partibus haerere, ibique excludi et crescere posse, indeque fieri, ut certa alicuius speciei constantia in his vermibus haud obseruetur; id, quod etiam historia muscarum, ichneumonis et equinae dictarum, porro etiam pediculi humani, quippe ab iis aliorum animalium diuersissimi, teredines lamaicanis, et dracunculus seu vena medinensis Afris infestae, aliaque eius generis animalcula declarant.

P. 8. *Sectio altera de vermibus intestinalibus in genere: in specie de ascaridibus, de lumbricis teretibus, et de taenia; horum natura, origine, etc. agit.* In canali intestinorum frequentius, ac in alia corporis parte generari vermes, notum est. Vti vero ad alios morbos, sic et ad suscipiendos vermes certa in quibusdam hominibus datur dispositio, eaque etiam ad certas eorum species in diuersis hominum aetatibus varia, ita, ut infantes lumbricis teretibus, taeniae autem adulti magis sint obnoxii: quae forte singularis dispositio in causa est, cur non uniuersalia contra hos fugandos hostes dentur remedia? Quamuis ii autem variae formae varique caloris, insuperque alia varii generis animalcula in corporibus humanis non numquam

quam occurrant: *ascarides* tamen, *lumbrici teretes* et p. 10.
lati, qui posteriores ut plurimum *taeniae* appellantur, ut reliquis omnibus frequentiores, sic et hominibus magis proprii, ideoque non nullis quoque auctoribus *humani* dicti, considerari merentur. Num iis cum Cl. LINNAEO * quartum genus, *fasciolam* is vocat, annumerandum sit, in medio relinquitur. De *ascaridibus* multa asserere, eorum paruitas et teneritudo impediunt. Sunt, qui ad horum vermium classem referre velint alios, cucurbitinos dictos: sed absque ullis vel certe firmis argumentis id faciunt. Hi enim cucurbitini non singulares vermes, nec quidquam aliud esse videntur, quam articuli taeniarum, siue portiones quaedam ab iis abruptae, quae, licet iam excretae fuerint, per tempus adhuc viuere seque mouere pergunt. Eorum igitur excretio inter signa praesentis taeniae indubitata referri poterit. Nec de p. 12.
lumbricorum teretium, licet omnium sint frequentissimi, genere et ortu multa dici possunt, quae omni dubio maiora sint. Certum tamen haberi poterit, teretem humanum ab illo vulgari terrestri differre, nec, uti Cl. LINNAEVS existimat, horum vermium unam eandemque esse speciem. Praeter annulum densiorem, craffiorem, eleuatum, ephippium quasi referentem, in uno extremo illius tantum terrestris conspicuum, in omnibus quidem externis partibus ambo inter se conueniunt: internam autem eorum fabricam quam maxime a se inuicem discrepare, Cl. REDI et VALLISNIERII experimenta, a Nostro etiam confirmata, probant. Humani itaque a terrestribus suam petere nequeunt originem, uti non nulli autumant: sed ad hanc explicandam ea, quae de taeniarum generatione dicuntur, mutatis mutandis, applicari poterunt.

Ad *taeniarum* itaque exponendam historiam Cl. p. 15
 Auctor progreditur, in eaque, quantum denuum fieri

Ff 2

pot-

* Amoenit. Academ. Vol. II. Diff. de taenia.

potest, indaganda multus, magnoque sane studio occupatus est. Licet variae horrendi huius vermium generis sint species, nec levis partium et figurae eorum diuersitas; ab omnibus tamen aliis hac descriptione distinguitur taenia, quod ea nempe sit *vermis simplex*, ex aliis nimirum haud compositus, *reptilis*, *albus seu albo flauus*, *membranaceus*, *latus*, *planus*, *articulatus*, *in immensam saepe longitudinem excre-scens*, *plerumque in animalium intestinis degens*. Quum ipsa descriptionis huius ulterior explicatio cum illa, quam Cl. BONNET ante paucos annos dedit*, admodum conueniat, illa nunc adducenda supersede-mus.

- p. 18. Pergit deinde Cl. Auctor, variaque ad oeconomi-am huius vermis pertinentia, in decem ideo proposi-tis quaestionibus eruere et illustrare satagit; in qua-rum *prima de origine vermium intestinalium, in pri-mis taeniae, in nostro corpore, variisque auctorum*
- p. 19. *super hac sententiis paulo diutius moratur*. Ex anti-quissima veterum sententia, eo generationis modo, quam illi appellarunt *aequi-uocam*, omnes oriuntur vermes ex aliorum corporum facta corruptione atque putredine. Sed opinio vix audita corrui-t, nulli ni-mirum fundamento innixa, nullaue ratione confir-mata. Vermes enim, et alia insecta aeque perfecta, et artificiose constructa sunt, ac maiora animalia.
- p. 20. *Secunda opinio de archaéo, aut simili quodam nomi-ne insignita, facultate certa, formatrice, ex corru-ptis itidem humoribus noua animalcula effingente, ad eadem pertinet figmenta*. Alii et inter hos potissi-mum recentiores auctores, *aequi-uocam* veterum gene-rationem explodentes, alteram tantum ab illis *uniuo-cam* dictam, siue ex congressu maris atque feminae eius.

* vid. Memoires de mathematique et de physique pré-sentés à l'academie royale des sciences par divers sça-vans et lûs dans ses assemblées. à Paris, 1750. 4. Tom. I. p. 478. et Comment. nostr. Vol. I. P. I. p. 37.

eiusdem speciei ideoque ex femine animali factam, defenfuri, in ouulis quidem, extra nostrum corpus volitantibus, et in hoc deinde inductis ibique exclusis, vermium quaerebant originem, existimantes tamen, eos tum demum humanorum faciem induere. Quis vero ex una animalium specie, mutabili quidem, eam tamen in aliam prorsus fieri metamorphosin obseruauit, ut animalia nouae speciei inde prouenirent? Exp. 21. *quarta* porro aliorum opinione vermes generi humano sunt connati seu congeniti. Sed et huius, quibus probari dicitur, argumenta firmo talo nonstant. Ea inde enata esse videtur sententia, quod eiusdem auctores vermes humanos extra hominum corpus nondum obseruatos fuisse crediderint. *Quinta* proprie p. 23. quidem non originem vermium, sed FRISCHII hypothesin * concernit, qua omnes vermes humanos unum modo genus constituere, et reliquos laruas saltem siue nymphas esse dixerat taeniarum, suo tempore excludendarum; quae tamen opinio ulterius nondum confirmata satis est. *Sexta* tandem, ad p. 24. quam, ut reliquis probabiliorem, Cl. Auctor etiam accedit, eo redit, ut intestinales vermes eodem modo, uti iam supra de externis dictum fuit, ex ouis vel animalculis suae atque iam determinatae speciei oriri, haecque extrinsecus in nostrum corpus, mediante victu, aere, alioque modo venire, ibique nutrimentum, sibi que conuenientem forte nidum inuenientes, in huius suae iterum speciei vermes, ascari- dem, teretem aut taeniam excrefcere dicantur. 1) Aerem enim, aquam et terram ouulis et animalculis diuersi generis scatere, docuerunt microscopia. Quot vero modi sunt, quibus omnibus ea corpus nostrum ingredi possunt. 2) In infantibus, quamdiu solum lac maternum ipsorum est nutrimentum, rarissime, si umquam, inueniuntur vermes. 3) Dantur vero in aliis animalibus, in primis in piscibus, uti et in canibus,

Ff 3

nibus,

* vid. Miscellan. Berolin. 4. Contin. II. anno 1710. p. 46.

nibus, quae multis saepe nutriuntur alimentis, quibus ipsi homines vesci solent. 4) Frequentissima insuper eorum sedes est in ventriculo et intestinis, iis nimirum locis, in quae cuncta, ab homine ingesta, primum veniunt ibique aliquamdiu morantur. 5) Ex analogia petere liceat argumentum. Dantur animalia, quae in aliorum animantium corporibus sua deponunt ouula, quae ibi exoluuntur, v. c. ichneumon. Cur non igitur credere liceat, dari etiam posse talia, quae corpus humanum pro optimo suo nido habeant? 6) Obseruatae porro sunt constitutiones epidemicae verminosae, ab auctoribus fide dignis annotatae, magnam vermium copiam extrinsecus in corpus ingressam fuisse testantes. 7) Vermes, ut morbum singularem, non nullis populis esse vere endemium, certissima confirmat experientia. Nonne id eam forte ob causam, quod tales incolae eo in primis victu utantur, cui potissimum vermes insunt? v. c. Inter Batauos atque Russos frequens est taenia; qui vero populi copiose vescuntur piscibus, in quorum variis speciebus saepe reperiuntur taeniae. 8) Ex eadem causa fieri videtur, ut variae vermium species varias hominum aetates et varias quoque nationes praec aliis frequenter inuadant. Obiectiones deinde, quas contra hanc suam sententiam eiusque argumenta moueri posse suspicatur, studiose disquirat Cl. Auctor, eique praec reliquis maiorem veritatis speciem inesse probat.

- P. 29. praec aliis frequenter inuadant. Obiectiones deinde, quas contra hanc suam sententiam eiusque argumenta moueri posse suspicatur, studiose disquirat Cl. Auctor, eique praec reliquis maiorem veritatis speciem inesse probat.
- P. 37. *An plures una dentur taeniae species?* in *secunda quaestione* indagat; omnes tamen auctorum hac de re dissensus se dirimere non posse, fatetur. Tres interim a se distinguendas vermis huius species ipsi videre contigit; binas priores ex hominibus; tertiam ex cane desumptas. Ex illis una fuit articulis brevioribus, lineas circiter quinque latis, unamque vel unam cum dimidia longis, sine osculis marginalibus, cum papillis autem in superficie plana occurrentibus; altera

tera vero articulis inaequalibus quidem, illis tamen multo longioribus, maximam partem excedentibus unum pollicem, cum osculis marginalibus, sine transparentibus tamen intestinulis, seu spina Cl. ANDRYO dicta. Tertiam, quam in hominibus quoque deprehendi Cl. LINNAEVS asserit, in cane tantum inuenit Noster, in varias partes diuisam, duos interdum pollices longas, articularum in modum se recipientes.

An taenia semper unica et solitaria est in subiecto, p. 39.

quod ea laborat? Veteres medici id crediderunt fere omnes, hincque Gallis voce inde recepta et usitata satis *solitaire* appellatur taenia. Contrarium vero

euincit recentiorum in primis experientia. Notari potissimum meretur obseruatio Cl. DOZY, medici Leydenensis, qui mercurialium ope purgantium tres simul taenias ex ancilla quadam expulit, easque integras, id, quod valde rarum esse constat, quum vix non semper a posteriori extremo truncati eiiciantur.

In media nimirum sui parte ampliores, in utraque autem extrema mucronatae erant, et in qua tenuiore species quaedam capitis ad microscopium apparebat. Non absque ratione *speciem* tantum *capitis* dicit Cl.

Auctor. *Quaestionem* enim quartam: *An capite gau-* p. 40.

deat taenia? an absque eo viuat in nostro corpore? ita soluit, ut, licet non nulli caput se obseruasse asserant; de eius tamen existentia adhuc dubitare, idque, quod illi caput appellarunt, os, seu potius oscula, quum plura esse videantur, appellare malit.

Si quis porro quaerat: *An taenia tantum occupare* p. 42.

soleat intestina crassa, non vero tenuia? is, nisi experientiae contradicere audeat, taeniam aeque ac lumbricum teretem tenuia frequentius obsidere concedet. Nec de ascaridibus, in recto quidem intestino ut plurimum haerentibus, constat, nonne etiam in intestinis tenuibus excludantur?

Difficilior autem est quaestio sexta? *An taenia est* p. 43.

simplex suae speciei vermis, an catena plurimorum ver-

- miculorum inter se cohaerentium, ascaridum nempe seu cucurbitinorum?* Illam veterum opinionem, qua taenia cucurbitinorum cohaerentium saltem esse dicitur catena, non nulli ex recentioribus adoptarunt eamque inde potissimum probare voluerunt, quod articuli taeniae, licet iam sint abscissi, satis tamen alacriter adhuc vivere pergant, et quod relictæ taeniae pars cito repullulet. Quod utrumque tamen argumentum exemplo aliorum vermium aquaticorum, et polypi in primis, Cl. Auctor enervat. Quâ occasione simul adducit, se a Cl. HERRENSCHWAND, medico iam Parisino, accepisse, quod is ipse observauerit, filum seu extremitatem tenuiorem taeniae eo brevius esse in ratione totius animalculi, quo diutius in corpore haeserit, indicio satis probabili, taeniam ex hoc filo excreescere, ex eoque partes abruptas restitui, articulis minoribus sensim euolutis. Anatomica tandem vermis disquisitio, taeniam unicum et simplicem esse vermem suae speciei, demonstrat quam evidentissime. Praeter alia enim observata, canalis ille, sub externa taeniae membrana per longitudinem recta excurrens, per articulorum nodos haud intercipi deprehensus fuit, et interna quoque animalculi substantia globulosa et vasculosa per omnem ipsius longitudinem contigua apparuit.
- p. 46. *Septimae quaestionis solutionem: Quo modo scilicet taenia in nostro corpore enutriatur?* in medio relinquit Cl. Auctor, licet eam saltem per os, in filosa sui parte conspicuum, attrahere nutrimentum a vero propius ipsi esse videatur. Num ea vero etiam, praeter chylum, sugat sanguinem, sufficienti experientia destitutus, pro certo asserere non vult.
- p. 48. *Octavo dein verisimili ratione exponit Noster: Cur adeo difficulter ex corpore nostro expellatur taenia?* Putat nimirum, observationibus adiutus, ipsum vermem haud fluctuare in tubo intestinali, sed filosam suam extremitatem infigere et radicis instar quasi firmare

mare inter illius membranas, idque facere eo maiore nisu, quo crebrius varia ingerantur remedia ipsi contraria; quo fieri poterit, ut, magna eius parte abrupta et expulsa, tenue illud tamen extremum, quod caput non nullis dicitur, remaneat, ex qua, radice quasi terrae commissa, noua deinde propullulabit taeniola. Nisi enim istud simul expellatur, vix curari aegros posse, obseruationes practicae testantur. An ergo fortissima dari debent purgantia? Famosum Cl. HERRENSCHWANDII remedium tale esse videtur, quo specifico e matrona quadam Leydensi expulsa quidem fuit taenia, sed tantis cum turbis in toto eius corpore abortis, ut incommoda adhuc iam inde persentiscat ipsa taenia forte longe peiora.

Ad binas ultimas etiam quaestiones satis caute et p. 50. probabiliter tantum respondet Cl. Auctor. *Quo modo enim in nostro corpore abrupta taenia iterum accrescit?* Eodem, quo alius vermis aquaticus zoophytus; quo se se polypus dissectus, quo cancer ablatam chelam, restituit. *Quo modo tandem taenia se propa-* p. 51. *gat? An ouipara est, an viuipara, in nostro corpore?* Illud vix determinari poterit. Extra corpus forte cum per articulos, tum per oua; in eo ipso autem forte se se non multiplicat. Lumbricum teretem quod attinet, cum esse viuiparum, recentiorum auctorum obseruationes docere videntur.

In *tertia* denique dissertationis *seção* de *vermi-* p. 53. *um intestinalium causis, effectibus, diagnosi, prognosi et curatione* Cl. Auctor agit, de quibus tamen omnibus, quum super his longe minus, quam physica vermium historia, dissentiant auctores, neque nos recensitionis limites excedamus, parum modo dicturi sumus. Ex animalculis suae atque iam determinatae speciei vel eorum ouulis, extrinsecus in corpus delatis, oriri vermes, supra dictum fuit. Saepius ea vero in corpore enecari, vel ex eo statim eliminari, quam euolui, videntur. Quenam igitur erunt causae, eo-

- rum euolutioni, incremento et remorae fauentes?
Sunt eae: debilitas corporis, praesertim primarum
viarum, pituitae porro tenacis atque viscofae praesen-
tia, tandemque putredo, ut omnium vermium, fa-
cilius excludendorum, conueniens nidus. Omnes
igitur causae proegumenae et procatacticae, quae has
tres modo memoratas conditiones vel faciunt vel au-
gent, vermibus quoque dare possunt occasionem.
- p. 56. De puluere lumbricorum, ut remedio anthelmintico
a multis medicis proposito, dicitur, quod eum im-
mediatam vermium causam fieri posse, tantum non
- p. 60. omnes hodierni scriptores perhibeant. Praeter alia,
ab obseruatoribus tradita, exempla, quod vermes
perterebrare queant intestina, eorum aliquod valde
- p. 63. memorabile Cl. Auctor et vidit et enarrat. Puerum,
chorea S. Viti laborantem, per anthelmintica libera-
- p. 69. uit a suo malo Cl. GAVBIUS. Curationis vermium
tres explicantur indicationes: nidum scilicet eorum
destruere, eosque ipsos enecare; occisos deinde, vel
certe e latibulis suis dimotos, expellere; tandemque
symptomata vel a vermibus adhuc praesentibus oriun-
da, vel ab illis expulsis relicta, mitigare, quantum-
que demum fieri potest, tollere. Plurima, ex an-
thelminticorum classe depromta, Cl. Auctor diiudi-
cat remedia, inter quae de specifico RICHARDI
MEAD, ex stanno raso et coralliis rubris parato*, nar-
rat, non nullis aegris illud datum fuisse Lugduni,
absque sperato effectu; ipsoque mercurio, vermibus
quippe, sub quacunque demum forma dato, semper
exitiali, nec tutius neque melius se inuenisse affirmat
anthelminticum; simulque de Cl. HERRENSCHWAN-
DII specifico iterum monet, nec semper illud tutum
esse, nec omnes taeniarum species expellere, adeo ut
Auctor illius ipse falsus sit, contra illam taeniae spe-
ciem,

* Monita et praecepta medica. Londini, 1751. 8. pag.
116. et Commentar. nostr. Vol. I. P. IV. p. 516.

ciem, quae articulos longiores alteroque facilius separabiles habet, id non pari virrute pollere.

Sub finem denique dissertationis quinquaginta p. 79. theses, maximam partem ad artem obstetriciam pertinentes Cl. Auctor subnectit, quibus vero iam enarrandis locus non suppetit.

IX.

GERARDI L. B. VAN SWIETEN, Augustiss. Imperator. et Imperatric. a Consiliis, Archiat. Com. Bibliothecae Augustae Praefecti, Inclyt. Facult. Medic. Vienn. Praefidis perpetui, nec non Academiae Reg. Scient. et Chirurg. Paris. Institut. Bononiens. Literar. incognitor. Membri, Commentaria in HERMANNI BOERHAAVE Aphorismos de cognoscendis et curandis morbis. Tomus tertius. Lugduni Batavorum. Apud Iohannem et Hermannum Verbeek. 1753. 4. mai. alph. 3. pl. 17.

Si cuius umquam auctoris, immortalis certe BOERHAAVII, opera erant dignissima, quae summos in arte nostra viros, HALLERVM atque SWIETENIVM, nanciscerentur commentatores, quippe quos habuisse discipulos, ipse, si viueret, BOERHAAVIUS adhuc iam sibi gratularetur. Medicorum in primis neminem sane fore confidimus, cui Ill. SWIETENII commentaria huc usque fuerint incognita, et quin eorum tomos priores summo cum fructu perlegerit. Cuius igitur nos omnes auida huc usque tenuerat expectatio, is nunc prodiit illorum tomus tertius, illis binis et argumenti grauitate et perspicuitate simillimus. Id enim, quod in illis semper admirati fuimus, in hoc etiam praestitum esse deprehendimus
lacti,

laeti, nimirum ingenii non solum acumen, rerum explicatarum ubertatem atque soliditatem, observationum, quas vocant clinicas, numerum insignem, studiosum optimorum auctorum, in primis veterum graecorum, lectionem, ac oris romani elegantiam; sed et, qua in re potissimum omnibus cuiuscunque argumenti scriptoribus semper erit, quod imitentur, exemplo Ill. Auctoris, quam maxime naturalem cogitandi methodum atque ordinem, ita, ut temet ipsum, dum illum legis, cogitare crederes.

Iam antea quidem in aphorismos BOERHAAVII habuimus commentarios. Is enim, quum prima vice, anno nimirum huius seculi decimo quinto, hunc valde egregium edidisset librum, ab eo tempore suis eum explicauerat auditoribus, qui verba praeceptoris, saepe non intellecta satis, in chartam coniecerant. Quo factum deinde fuit, ut lectiones illae, auctore earum inscio, ideoque iisdem vitiis, quibus fugitiuo calamo exceptae fuerant, sub titulo *praxeos medicae* siue *commentariorum in aphorismos BOERHAAVII*, in quinque voluminibus formae, octauae dictae, iterum iterumque in Belgio ederentur, *Patauii*, ut urbis, in qua euulgatus fuerit liber, nomine ficto prioribus editionibus, iis autem posterioribus, *Ultraiecti*, praefixo. Qua occasione nunc, ne quis tituli similitudine in errorem se deduci patiatur, in transitu monemus, libellum BOERHAAVII *de materia medica et remediorum formulis ad singulos aphorismos digestum*, et ab auctore prima vice anno 1719 *Lugduni Bataurum* editum, tumque demum temporis ab ipsomet pro suo labore agnitum, iam antea anno 1716 *Londini* in forma duodecima dicta, sed vitiose satis, prodiiisse, simili titulo *praxeos medicae* insignitum. Ad commentarios vero quod attinet, quam saepe vitiosa in iis occurrat dictio; ingenii tamen auctoris excellentia satis ex eo elucet. Interim fieri non poterat, quin omnes, qui veri bonique intelligentes erant aestimatores,

tores, riuulos confectari nollent, fontis eorum potius essent cupidissimi. Quis autem SWIETENIO melius sitim hanc extinguere potuisset? Is enim, rara illa felicitate usus, ut per viginti fere annorum spatium BOERHAAVII gauderet institutionibus atque consiliis, cunctaque, aphorismis ipsius illustrandis inseruientia, ab ore illius acciperet, verum auctoris sensum pulcherrime callebat. Quibus si addere velis praeclaram SWIETENII doctrinam, et lectione optimorum auctorum, et longinquo usu confirmatam, facile neminem fuisse intelliges, qui exarando huic operi magis eo fuerit idoneus.

Vniuersalis etiam, quo exceptum illud fuit, doctorum virorum applausus satis testatur, quam bene ipsorum is fecerit satis expectationi. Non multo enim post, quam primus horum commentariorum tomus anno 1742 et alter 1745 *Lugduni Batavorum* prodierat, ille non solum in eadem urbe 1745, sed et uterque alibi, *Turini* scilicet 1745, *Parisiis* eodem anno, *Venetis* 1746, *Hildburghusae* cum praefatione Cl. HAMBERGERI 1747, ibidemque altera vice hoc, quem agimus, anno 1754 cum tomo iam iam edito tertio, recusis, quin et in alias huius aevi linguas translatis fuerunt. Anglice enim versi in forma, quam dicunt octauam, *Londini* ab anno 1745 prodire coeperunt, octo voluminibus comprehensi, tabulis aeneis adiectis. Illa porro operis pars, quae morbos exponit chirurgicos, superiori anno *Parisiis* in duobus voluminibus duodecimae formae, gallice, eadem vero germanice eodem anno in tribus voluminibus formae octauae *Gedani* edita fuit. *Parisiis* quoque, nisi fallimur, anno 1747 primus tomus totius operis gallice prodit in forma quarta. Proxime porro omnes tres tomos, germanice versos, *Viennae* editum iri, relatum legimus.

Ab initio, quum hoc opus susciperet Ill. Auctor, tribus illud tomis absolueret statuerat; ideoque in eorum

rum

rum primo, morbis simplicibus uniuerfalibus atque externis seu chirurgicis dictis explicatis, secundo febres cum eorum symptomatibus, ceterisque illis morbis internis, quibus perpetua comes solet esse febris acuta, comprehendere voluerat; tertio tandem tomo chronicos dictos morbos reseruaturus. Etiam vero, in altero volumine inceptam, et ad utramque peripneumoniam usque expositam, lacte deductam interrompere olim coactus, nunc eam pertexere strenue pergit. Quem ob indefessum laborem eo maiorem ei debet eruditorum orbis gratias, quo plura eaque grauiora munera ab Augustissima Imperatrice ipsi fuerunt demandata, multum omnino temporis, museo priuato destinati, exposcentia. In eo igitur, quem iam indicauimus, commentariorum tomo tertio a *pleuritide* fecit initium, et sequentes in ordine *aphorismorum* BOERHAAVII morbos ad *empyema* usque illustrauit, reliquos omnes in quarto et ultimo tomo, simul ac modo per negotiorum multitudinem fieri poterit, edendo, expositurus. Laeti itaque spem, quam ipse facit Ill. Auctor, arripimus atque fouemus, fore, ut, licet iam senectutis limen attigerit, pro corporis tamen robore adhuc firmo, nec imminuto mentis vigore, totum opus minori temporis interuallo absoluere, ideoque datam fidem liberare queat.

Nunc vero ad lectionem ipsius libri nostros ablegamus lectores. Compendium enim eius facere ipsa illius natura haud permittit; speciminis autem loco aliqua tantum ex eo delibare velle, iniuriose in lectores nostros actum esse videretur, quos nempe ipsum perlegisse librum poenitere numquam poterit.



X.

Histoire de l'academie royale des Sciences année MDCCXLIX. avec les memoires de mathematique et de physique pour la même année, tirés des registres de cette academie. à Paris de l'imprimerie royale 1753. 4. mai. Hist. 1 alph. 1 pl. Mem. 3 alph. 2 pl. tab. 18.

Hoc est:

Historia academiae regiae scientiarum anni 1749, cum commentariis mathematicis et physicis, ad eundem annum pertinentibus etc.

Licet in hoc volumine omnia ferme notatu digna, quae in historia enumerantur, in commentariis ipsis plenius declarentur, pauca tamen, passim inspersa, breuiter a nobis indicanda sunt ante quam ad commentarios ipsos fusius recensendos progrediamur.

In obseruationibus, ad physicam generalem pertinentibus, occurrit:

1) Breuis descriptio partis eboris, a Cl. GEOFFROI ostensae, in quam globulus plumbeus penetrauerat, ita, ut effusiones succi ossifici, stalactitis instar formati, in loco, per quem transierant, perspicerentur.

2) Ex relatione Ill. FOLKES, terrae motus, Londini 1749 d. 19 februarii et 19 martii sine insigni tamen urbis detrimento perceptus, breuissimis describitur. Inter phaenomena, quae simul apparebant praecipua annotari meretur, pisces, in canali quodam contentos, ad pedem unum et semis extra aquam in auras proiectos fuisse.

3) Cl. HELLOT ostendit frustum ligni, quod variis in locis pyrite sulphureo scatebat, et in quo spicula

cula alba salina, gustu vitriolico conspicua efflorescebant. Pars ligni in gagatem durissimum, politurae aptum, conuersa erat, de reliquo frustum hoc omnes affectiones ligni veri sistebat. Inuentum fuit in comitatu Burgundiae in strato montis aurei viginti duorum pedum profundo.

p. 29. Exhibentur quoque recensiones sat amplae librorum, Ill. REAUMUR de artificiosa pullorum exclusione etc. et Cl. MAIRAN de glacie etc. Breuiter etiam indicatur libellus Cl. NOLLET, sistens disquisitiones de causis particularibus phaenomenorum electricorum, cuius praecipua capita commentariis nostris praecedentium annorum inserta sunt.

p. 104. Ad obseruationes anatomicas referuntur:

1) Iuuenis, qui pupillam excentricam, in superiori iridis parte positam, ostendebat, et inde iam de aliqua visus debilitate conquerebatur, post crebram librorum lectionem ex instanti in oculo dextro nubeculam obseruabat, visum magis magisque impedientem. Oculo accuratius examinato, praeter leuiorem inflammationem externam, in camera anteriori corpusculum fluctuans pellucidum conspiciebatur, quod lentem crySTALLINAM antrorsum progressam referebat. Paulo post in oculo sinistro lens crySTALLINA similem situs inutationem sustinebat. Inflammatione aptis remediis et vesicatorio in primis applicato dissipata, lentes in minus volumen contrahebantur, nec amplius pupillam obtegebant, quo facto aeger visum quodam modo exercere potuit, obiecta tamen sole illustrata tantum cum insigni molestia conspexit. Neglectis autem vesicatoriis, oculus dexter vehementi inflammatione, optimis remediis non cedente, afficiebatur; lens crySTALLINA volumine augebatur, totam cameram anteriorem replebat et prorsus opaca reddebatur. Oculus sinister simili inflammatione non tentatus, in eo statu persistebat, ut aeger obiecta maiora, nisi nimis lucida essent,

essent, distinguere, minora vero nullo modo visu percipere posset.

2) Ill. DE REAUMVR ouum ostendebat, cuius testa parvis corpusculis obsita erat, quae per microscopium visa ouula minima referebant, et intus quoque mucilage, albumini ouorum simillima, scatebant.

3) Puella septennis nunc facta, quinto aetatis anno post variolas abscessum criticum abdominalem contraxerat, qui diu tectus, nec rite tractatus, tandem emplastris impositis ad duorum digitorum altitudinem supra cristam ilei dextram aperiebatur; magna itaque puris vi emissa, paulo post et flatus et excrementa erumpentia laesi intestini signa erant. Vlcus relictum, negligenter tractatum et non nisi linteo puro tectum, diu apertum manebat et fasciculus pilorum in eo obseruabatur, tandem tamen post septimum mensem naturae beneficio consolidabatur. Accidit vero, ut paulo post ex ano puellae fasciculus pilorum egrederetur, et extra orificium ani ad trium digitorum longitudinem excreceret, puellae ideo in aluo deponenda molestus. Cll. Viri COVRCELLES et DV HAMEL, qui hanc puellam viderunt, historia morbi percepta, suspicabantur, fasciculum hunc pilorum ex cute cicatrici abscessus vicina originem ducere, et per canalem intestinorum usque ad anum progredi, ita, ut fasciculus supra commemoratus in intestinum ingressus et calore loci fatus, incrementa ceperit, et cum excrementis tandem ad orificium ani deductus fuerit. Nec vana erat coniectura, saepius enim tracto ad anum fasciculo, in loco cicatricis agitatio et vera depressio obseruabantur. Plus quam dimidiam ulnam fasciculo adscribunt, et maiorem certe concedendam esse putamus, cum ex regione iliaca dextra per coli zonam ad anum usque extensa fuerit. Nul- lum aliud incommodum sentit puella, quam in deponenda aluo, a pilis ad anum agglutinis et per applicata fomenta saepius emolliendis. Colligi inde

potest, pilos totius corporis eiusdem naturae esse, ut capillos, et causas accessorias vegetationem largiorem conciliare, id, quod in plantis, hac in re cum pilis comparandis, pro diuersitate foli obseruamus.

4) Nobilem quendam virum canis molossus mordebat et brachium dextrum spuma inquinabat, sine ullo tamen vulnere, dolore etiam haud insigni percepto. Post viginti et unum diem vir ille venatione corpus exercens syncopticus cadebat, spasmis simul in facie conspicuis, quibus dissipatis ad se rediit, et post coenam placide per bihorium dormiuit, subito postea expergefactus clamoribus horrendis suos excitauit, qui eum prostratum et conuulsionibus agitatum inuenerunt, sed iterum ad se rediit, et post paucarum horarum interuallum et tertium et quartum paroxysmum sustinuit. Vehementia morbi remittente aeger ipse adstantes commonefecit, quo sui curam haberent, ne durante paroxysmo ab eo morderentur, et ipse medico accessito Cl. LE COMTE medicamentum experientia comprobatum proposuit. Medicus, qui aegrum sermocinationibus fatigare nolebat, liquores spirituosos exhibendos proponebat, sed aegrotus audita voce liquidi motus hydrophobis solennes experiebatur. Medicamentum ab aegro propositum erat puluis ostrearum calcinatarum in haustu vini albi, quod illis, qui paroxysmum nondum sustinuerunt, ad drachmas quatuor, et in viginti quatuor horis iterum exhibetur; illis vero, qui paroxysmum iam sustinuerunt, omni quadrihorio quatuor drachmae cum tribus ouis recentibus, in boli formam redactae propinantur. Aegrotus noster hoc medicamentum licet difficulter deglutiret, quinto tamen et interuallo sedecim horarum octo aliis paroxysmis exagitabatur, quorum accessum ipse indicabat, et praeter conuulsiones reliqua hydrophoborum symptomata experiebatur, finito paroxysmo syncope affectus. Remedium tamen non sine fructu adhibitum fuisse videtur, insul-

insultus enim morbi prorsus cessarunt, et quae relicta fuit motus voluntarii impotentia usu aquarum Plomberianarum prorsus dissipabatur.

Cl. MACQVER elementa chemiae theoreticae am-p. 115. pla recensione declarantur.

Reliqua, quae in historia adducuntur, ad nos non spectant, et in commentariis ipsis maximam partem amplius pertractantur, nos ideo ad eos indicandos progredimur.

1) *Observationes thermometricas, in maximis Si-p. I.*
biriae frigoribus institutas, sistit DE L' ISLE. Praemittit vero illis varia de thermometris et usu illorum. Ante quam illa innotescerent, solis effectibus in corpora varia dignosci frigus aut calor poterant. Ita anno Christi 859. congelatum mare adriaticum Cl. CALVISIVS refert, ut pedibus iri ex continente Venetias potuerit, alii, qui frigus id quinquennio serius ponunt, addunt curribus ferendis glaciem parem fuisse. Inter thermometra vetustissimum est, quod DE LA HIRE per artificem HVBIN ante plus, quam 60 annos fieri curavit, spiritu vini colorato plenum, globulum habens diametri circiter digitorum duorum, cylindrum longum pedes quatuor, amplum linea: Non maiori cura confectum est, quam ut summi gradus caloris et frigoris Parisiis observabiles definiri eo possint. Deinde ad Fahrenheitiana pergit. Gradum 0. frigore artificiali definiit FAHRENHEITIVS mixturae ex glacie et sale ammoniaco, aut vulgari, non indicatis dosibus. Is gradus longe est infra primam aquae congelationem; in Islandia, maximum frigus 1709. hoc frigore artificiali Fahrenheitiano maius fuit. Ipsi vero DE L' ISLE thermometra cum nota sint *,

Gg 2

id

* Vberius ipse constructionem illorum exposuit in libro: *Memoires pour servir à l'histoire et au progrès de l'Astronomie, de la géographie, et de la physique.* Petropoli 1738. edito. p. 267 seqq.

id saltem ex eius dissertatione adducemus, primo ex spiritu confecisse quatuor magna thermometra Parisiis, in quibus experimento definiit gradum aquae ebullientis et eum, ad quem consistunt in cauea obseruatorii Parisiensis; interuallum diuisit in partes aequales centum; quae cum in Russiam adportare non posset, neque ibi similia illis conficere, cum deessent caueae profundae, temperaturae toto anno constantis, difficilius etiam thermometra spiritu vini repleta, ad aquae bullientis gradum ostendendum perficiantur, anno 1732. mercurialia elegit, neque opus habuit, ut praeter aquae ebullientis gradum, alium, velut in glaciem abeuntis obseruaret, sed toto volumine mercurii, in aquam ebullientem immissi, in 10000 aut 100000 partes diuiso, has partes pro gradibus accepit. Harum partium 100000 bis mille descendit mercurius, seu parte voluminis, quod in aqua bulliente habebat, quinquagesima condensatus est, frigore inter Petropolitana e vehementissimis uno ianuarii 17, stilo nouo anni 1733. hor. 7. matut. Id frigus respondet gradibus 27. infra congelationem, in thermometro Reaumuriano, cum illud 1719 gradibus $15\frac{1}{2}$ responderet. Neque frigori huic longius, quam per dimidium minutum faciem nudam exponere licebat, respiratione, si quis diutius esset cunctatus, cessatura, ipse DE L'ISLE gradus thermometrorum per vitreas tabulas fenestrae ex hypocausto bene calefacto conspexit. Aequale frigus iis in locis rediit annis 1740. 1747, maius vero adhuc ingruit exeunte 1748, respondens gradibus 30 Reaumurianis. Recensitis aliis frigoris vehementissimi exemplis, maximum memorat graduum 281. suorum et 70 Reaumurianorum 1735, ian. 16. st. n. hor. 6. mat. in medio Sibiriae, loco habitato et aequatori sesquigradu proximior, quam est Petropolis, *Yeniseisk* nomen est. Petropolitanum vero frigus, eorum, quae adduximus, maximum, saepius in Sinae confiniis attingitur, inter-

interdum et superatur, ut accidit Kirengae sub latit. gr. $17\frac{1}{2}$, maximis vero frigoribus Sibiricis respondent consueta in freto HUDSONIS, Cl. MIDDLETONO teste.

2) *Staticae et dynamicae nouum principium* exhibet p. 15. Marchio de COVRTIVRON, ad corpora viribus quibuscumque et lege quacumque animata pertinens. Redit ad maximum quoddam, in viribus viuīs.

3) *Experimenta electrica in hominibus paralyticis* p. 28. instituta a Cll. Viris, MORAND et NOLLET *. Iam sub initium anni 1746 paralyfin electricitatis ope tollere tentauerat Cl. NOLLET **, tum temporis autem, quo minus finem suum consequeretur, impeditus. Interim quum se primum fuisse existimaret, qui in hanc cogitationem inciderit, exterosque de felici huius experimentorum generis successu gloriari intelligeret, suum, quod iam olim ceperat, consilium exsecuturus, ab Illustrissimo Comite d' ARGENSON petiit, ut in militibus inualidis regiaque munificentia in nosocomio publico enutritis, noua ipsi facere liceret tentamina. Qua impetrata venia, quatuor ex viginti talibus aegris selegit, qui paralyfi, e diuersis causis orta, olim tacti, eo morbo adhuc aegrotabant, et Cl. MORAND experimentorum socio adscito, aliisque viris multis praesentibus, multa summo cum studio in iis cepit experimenta; quorum effectus inde obseruatos, et per singulos dies sedulo annotatos, eosque tamen saltem primarios, adducturi sumus. Aegri illi paralytici per duas horas ante meridiem et post eam per alias duas aut tres experiebantur vim electricam,

G g 3 scintil-

* lect. d. 21. august. 1748.

** vid. Histoire de l' Acad. des sciences; l'année 1746. à Paris 1751, 4. Memoires. p. I. et Commentar. nostr. Vol. I. P. II. p. 270.

scintillis ex laesis eorum membris prorsus nudis elicitis.

Menſe aprili 1748 experimentorum fiebat initium in milite, qui ante duos iam annos ſimilia ſubiebat tentamina, iam vero in ipſo eorum nouorum curſu violenta febre et doloribus, totum corpus occupantibus, correptus poſt breue tempus obiit. Quum is autem ſumma prouectus aetate viribusque fractus eſſet, nec aliquis inter electricitatis effectus ipſiusque morbi naturam adeſſe nexus videretur: ab ulteriore ſua in reliquis aegris ſuſcipienda inueſtigatione haud deterreri ſe patiebantur Viri Clariffimi. Alter itaque miles nouem et quadraginta annos natus, a tribus inde annis poſt vulnus, dextro capitis lateri inſiſtum, in toto corporis ſiniſtro latere paralyticus erat, pollice illius manus rigido et ſine omni motu voluntario, reliquis digitis ex parte tantum flexilibus exiſtentibus. Is per ſex modo dies electricabatur. Iterum enim accurate examinatus, ſummam articulorum ſuorum rigiditatem ſiue veram ancyloſin ostendebat, hinc recuperandae ſanitatis ſpe prorsus eſſe iudicabatur exclusus.

p. 30. Tertius porro aeger viginti ſeptem annorum, ab ignis vi, ſiniſtrum oculum olim laedente, totum corporis latus dextrum habebat reſolutum, et inſuper ab eo tempore totius faciei, praefertim circa ſinus frontales perpetuum experiebatur dolorem, manu digitisque ſine omni motu, aegroque latere ſine omni ſenſu, permanentibus. Statim ab experimentorum primordio digiti paulo flexiliores et ad motum diſpoſiti magis fiebant, tertioque die maculae rubrae in cubito eiusque cute valde aſpera apparebant. Die in ſimul ſexto omnibus in digitis motus ſolito valentiores obſeruabantur, auctiores deinde facti, tota manu per diem et poſt ea per totum experimentorum tempus manteliis calidis obuoluta.

p. 32. A vicesimo ſecundo tentaminis die ad quinquageſimum uſque notum illud experi-

experimentum, Leydense dictum, agebant Viri Clarissimi in eodem aegro, qui ipse ampullam aqua plenam, cui immissum erat filum ferreum, tenebat manu sua, indeque violentam satis experiebatur succussionem in afflicto brachio eiusdemque potissimum lateris humero, quippe quae tanta erat, ut tota pars laesa vehementer commoueretur, motusque extensorii longe vehementiores essent ac ab illo simplici experimento, quo scintillae tantum eliciebantur. Ita vero agebatur experimentum, ut post illud Leydense ad alterum simplicius reuerterentur Viri Cll. tandemque illo Leydensi iterum repetito finirent singula tentamina. A continuato tali experimentorum usu aliquem acutae punctationis sensum, *des picotemens*, in afflicto humero et sudorem in laesis membris atque facie cum rubris in cute maculis atque vesiculis sero refertis habebat aeger. Motus etiam satis erant vehementes, de quibus tamen illud bene monendum est, eos non nisi per ipsam vim electricam, tum illam simplicem, tum alteram fortiolem, per commotionem siue succussionem dictam, excitatos tantum fuisse, ita, ut a voluntate aegri prorsus non, sed ab applicata potius vi electrica, dependerent. Si enim v. c. ex musculis digitorum flexoribus dictis elicerentur scintillae, tum quoque flectebantur digiti; contra vero extendebantur, extensoribus musculis electricatis. Quo factum fuit, ut quaestio moueretur, an hi motus etiam sensus ope excitarentur? Quem in finem mortui hominis electricabatur brachium, ex quo autem scintillae quidem leuiore prolici, sed motus omnino nulli in eo produci poterant. Itaque constabat quidem, illos hominis paralytici motus non esse passiuos, sed per sensum vere effectos: attamen, quum voluntarii motus redire nollent in aegro, hic tandem tragoediae pertaesus, experimentis ulterius capiendis sua praebere membra prorsus renuebat, licet caeteroquin per omnem eorum decursum in nulla

corporis functione aliquam percepisset inde factam fuisse mutationem vel potius laesionem.

p. 35. Ultimus tandem aeger hisce experimentis adhibitus quadraginta octo annos natus, a septendecim annis laborabat paralyfi, quae tamen, sine praegressa apoplexia, a sola tantum membrorum debilitate ortum suum duxerat. Ab initio per sedecim dies simplici quidem tantum modo electrificatus, digitorum tamen insigniores motus et maiorem partium ostendebat calorem, quam illi reliqui aegri. Per secundae dici noctem dolor corripiebat eius brachium totum, et subsequente die in omni cubiti ambitu maculae rubrae et vesiculae serosae insigniores quam in altero aegro, de quo iam iam diximus, apparebant. Illa autem phaenomena magis fiebant conspicua, quum in aegro tentaretur electrica commotio siue succussio, quam, uti de altero iam aegro monuimus, cum illa simpliciore electrificatione deinde permutabant Viri Clarissimi. Quamvis manu adhuc sana ampullam teneret aeger, longe tamen fortius in paralytico, quam in sano, brachio se succuti dicebat. Similis quoque erat ratio motuum, ab ipsa electrificatione praeter aegri voluntatem in affectis membris excitatorum. Per quindecim ultimos dies experimentum Leydense solum continuabatur, quod effectus eius longe fortiores essent, quam ab illo simplici scintillas proliciendi modo. Per noctem etiam proxime insectam dolores atque punctationis potissimum sensum in laeso brachio percipiebat aeger, omnibus fere vicibus satis valide concussus. Partium paralyticarum motus ut plurimum erant validi, dieque tricesimo octavo vesiculae aqua plenae in cubito in primis conspiciebantur. Post tertium vero inde diem, qui tentaminis erat quadragesimus primus, experimenta, in se ulterius capienda, aeger prorsus denegans, mittebatur.

Quum

Quum electricitatis effectus admodum singulares sint, eorumque saepe mutata facies a quam plurimis rebus dependeant circumstantibus, ex enarrata experimentorum, quae ceperunt, historia, nec pro defendenda electricitate medicamentosa, neque contra illam, aliquid se inferre velle, perhibent Viri Cll. Interim satis inde patere putant, quam cautus antea quilibet esse debeat, quam eius modi historiis, a variis auctoribus prolatis et saepe valde mirabilibus visis, fidem habeant. Auctores, inquiunt illi, vix non omnes, qui super hac re scripserunt, electrificationem accelerare dicunt pulsuum ictus: In errorem se se autem duci passi sunt, eam forte ob causam, quod homines pusillanimes, ab aspectu apparatus electrici perterrefactos, suis adhibuerint experimentis: In his igitur talis omnino adesse potuit effectus: sed in viris rerum physicarum gnaris animoque gaudentibus composito phaenomenon illud non occurrit: Cl. MORAND aliique viri in semet ipsis, ultra integras horas electrificatis, nullam pulsus ictuum mutationem observare ullo modo potuerunt.

4) *Elementa theoriae solis sub finem saeculi XV*, exp. 40.
WALTHERI *observationibus* definit Abb. DE LA CAILLE, hacque egregia in Germano astronomo collocata opera, laudibus illi tributis, multum videtur ad gloriam patriae nostrae contulisse.

5) *Electrometrum* describitur, quod Eques D'ARCY p. 63. et Cl. LE ROY communibus studiis inuenerunt. Constat ampulla vitrea in aqua natante, gerente vero impositam sibi virgam ferream, adiunctum sibi habentem discum metallicum; tegitur vero vas, in quo natat ampulla, alio disco maiore metallico. Igitur si omnia haec fiant electrica, ex notis corporum electricorum proprietatibus virga cum disco suo minore a maiore illo vasis operculo repellitur, et ampulla

cum virga adscendit. Huius ergo adscensus quantitates vim electricam definiuntur, et, ne observator propius ad machinam accedens electricitatem illi subtrahat, conspici possunt, umbris illarum in tabulam vitream proiectis. Non potest vero structura et usus ingeniosissimi instrumenti sine figuris intelligi. Eo vero compertum est, auctam materiam massam, si superficies maneat, nihil in attrahente vi electrica mutare, et alia multa patuerunt, magisque, si usus diligentius excolatur, patebunt.

P. 75. 6) *De refractionibus astronomicis* secundum scriptum edit Cl. BOVGVER, primum iam 1739. prodierat. In eo ex observationibus, in zona torrida habitis, quo modo variant refractiones, observatore in aliis aliisque supra horizontem maris elevationibus constituto, definit, et de tabulis illarum condendis disserit.

P. 113. 7) *Historia morborum epidemicorum una cum aeris vicissitudinibus Parisiis per annum 1749 observatorum*, Auctore Cl. MALOVIN *. Quanam observandi ratione utatur Cl. Auctor, iam alibi dictum fuit **. Vltimis binis suis commentariis de morbis epidemicis, per annum 1747 et 1748 Parisiis grassantibus, praemiserat dissertatiunculam de mirabilibus aeris elasticitatis atque gravitatis in corpus humanum effectibus et de causa morborum popularium saepissime in illius intemperie quaerenda. Pergit nunc de eodem argumento aliqua proponere. Veteres, inquit, et ex illis potissimum ii, qui HIPPOCRATIS aetate et post hanc vivebant, grauis quidem atque elastici aeris effectus, horum vero causas non cognoscebant. Quando itaque ille medicorum pater observare commen-

dat,

* lect. d. 13. febr. 1751.

** Commentar. nostr. Vol. I. P. II. p. 280. et Vol. II. pag. 220 et 621.

dat, num aer plenus sit nosque magis vel minus repleat, ad grauitatis efficaciam respicit. Quodsi enim aer externus, corpus nostrum ambiens magis vel minus plenus siue densus est, aer, intra corporis vasa inclusus, in sui ipsius semper nitens expansionem, hincque illi externo resistens, magis minusue comprimitur; ideoque nosmet ipsi modo maiorem, modo minorem, si cum HIPPOCRATE loqui velimus, plenitudinis sensum percipimus. Eadem quoque loquendi ratione per *ὀρμωνα*, *impetum facientia*, aeris elastici effectus denotat ille senex, quando nimirum aer in nostris humidis contentus et per eorum calorem expansus, contra vasa continentia nititur, hinc ab externo semper coercendus. Reliquas autem aeris virtutes, siccitatem nimirum, humiditatem, calorem atque frigus veteres aequae ac recentiores physici omnes intellexerunt. Interim, num aer humidus an siccus sit, omnium facillime percipitur; utrum vero calidus, an frigidus, leuis an grauis sit, iudicatu omnino est difficilius. Illae enim virtutes positivae; hae vero magis relatiuae sunt, pro diuersa corporum constitutione. Tandem vero ipsius humiditatis aut siccitatis gradus accurate determinare, res omnium difficillima est. Quo tamen demum cunque modo se habeat aer, magna illius semper erit vis in corporis nostri valetudinem; id, quod exempla, ex ipsa morborum epidemicorum historia depromenda, comprobant.

Quamuis humidus valde, nec pro anni tempore p. 116. frigidus satis fuerit mensis ianuarius: epidemici tamen morbi non occurrerunt. Aeris enim temperies una eademque fuit per totum mensem, ita, ut ea confirmetur obseruatio, ab aeris tantum subito factis mutationibus originem suam morbos trahere. In aegris tamen vix non omnibus singularis aliqua in sudorem fuit procliuitas. Aliorum aegrorum curam habuit Cl. BOUVART, febribus continuis iisque periculosis decum-

decumbentium, qui fere omnes biliosa simul laborarunt diarrhoea, sanitati tamen restituti sunt, eo alui
p. 118. fluxu per artem adiuto. Humida simulque frigida valde februarii tempestas multis morbis catarrhosis dedit occasionem. Morbus autem iis multo acutior grassatus fuit in regione ad Lutetiam, qui ut plurimum intra quatuor dierum, saepe etiam viginti quatuor, quin et interdum quinque aut sex horarum spatium aegros e medio sustulit. Inuasit is cum febre, cuius symptomata omni temporis momento variarunt. Plurimi ex aegris de vago laterum, ventriculi et renum dolore questi sunt, qui deinde illas partes deferens pectus oppressit atque post dimidiam horam mortem attulit. Non nullis accessit delirium sine capitis dolore: plurimi reiecerunt lumbricos teretes: omnes vero miserunt aquam colore et consistencia syrupo capillorum veneris similem cum flocculis innatantibus, rubram magis et claram factam, si per tempus fuerit reposita, de scorbutica morbi indole testantem. Pulsus vehementer fuit mutabilis. Intra tria enim horae minuta violentus, illico evanescens, mox caprizans, tum intermittens, tandemque celer et frequens fuit. Aliis ab initio uuula relaxata fuit sine faucium inflammatione, cum respiratione tamen valde molesta. Venae sectio morbi periculum imminuit; et ii, qui euaserunt, in tantam quidem inciderunt debilitatem, ut a morte propiores esse viderentur;
p. 121. tur; ex improviso tamen ad se redierunt. Quam graues noxae ex illa possint oriri consuetudine, qua demortuorum corpora intra urbes et in templis sepeliuntur, satis memorabile confirmat exemplum, a Cl. Auctore enarratum: In templo enim aliquo cruebantur cadauera, eaque cum terra effossa in locum paulo remotiorem deportabantur; alia vero adhuc sepelienda interim seponebantur in cella aliqua vicina concamerata. Paulo post ad illum locum conueniebant liberi catechumeni dicti, quorum plurimi uno
eodemque

eodemque tempore lipothymia corripiebantur, sui
insecii, cum facie vehementer rubicunda facta, et vio-
lenti motibus circa medium corpus iisque conuulsivis
in eius extremitatibus observatis. Ad se redeuntes
de dolore ventriculi sensuque alicuius ponderis ad fau-
ces ascendentes querebantur, valde quidem aegri in-
de facti, sanitatem deinde tamen recuperantes. Alia
vice idem contigit; tumque etiam homines adultiores
aegrotarunt. Notari tamen adhuc meretur, ex pue-
ris adolescentibus nullum, sed iuniores tantum, et
porro ex adultis sequioris modo sexus homines, isto
malo correptos fuisse. Praeter id iam enarratum
aliud simile annotat Cl. Auctor exemplum. Mirum p. 125.
satis omnino est, eorum et aquilonem, reliquis ven-
tis per mensem maium frequentiores, ad modum ca-
lidam secum tulisse aeris temperiem; quum eo tamen
anno in regionibus septentrionalibus hiems subito
fuerit asperior; et contra, austrum, quoties incre-
buit, omnium reliquorum eo mense fuisse frigidissi-
mum. Morbi simul regnarunt et catarrhales perti- p. 134.
naces, et pectoris inflammatorii; qui hac igitur vice,
licet alias a frigore potissimum oriri dicantur, ab au-
stris ventis excitati fuerunt. Angina ista gangraeno-
sa, de qua nosmet etiam saepe dicendi habuimus oc-
casionem, haecenus non nisi infantes, vel certe ho-
mines iuniores aggressa fuerat. Eodem vero mense
non nulli quoque ex adultis et omnium aetatum ho-
minibus a diro isto malo affecti sunt. Morbi per
mensem octobrem reliquis crebriores cutem occupa-
runt: hinc factum esse putat Cl. P O V S S E, ut ii, qui
per multos dies trichiis usi fuerant, propter sal iis
admixtum, scabie contaminarentur. Vehemens subi-
toque irruens in hoc mense frigus effecit pleuritides,
in quibus, si consueta evanescerent symptomata et ca-
put feriretur, cum fructu applicata fuerunt vesicato-
ria, tussim et lateris dolores reuocantia, morbo dein-
de per usitata illa remedia curato. Epidemicas illas
fuisse

fuisse conicere licet ex eo, quod in non nullis per aliquot horas evanuerit febris, illico dein summaque
 p. 137. vi, in primis circa dies criticos recrudescebat. Ultimo eius anni mense diarrhoea, ab humore catarrhali orta, saeviebat, cui in plurimis aegris accessit singularis febris, quae, si neglecta fuerit, in quendam abiit. In omnibus fere aegris male affectae sunt fauces, in aliis ab initio morbi, in aliis autem sub eius finem. In aliis quoque antea dolor inuasit intestina, qui deinde ad fauces translatus illa libera permisit, nec eas nunquam deferens aliam corporis partem occupavit. In aliis porro sui morbus cepit initium cum oedemate faciei, quo evanescente ad fauces, tumque ad pectoris unum latus, attamen sine pulmonum aut pleurae aliqua laesione progressus fuit. Venae sectio, decocta lenientia, aluumque ducentia profuerunt, ut et tartarus emeticus, qui vix non semper in his aegris per inferiora tantum euacuavit. Quamvis autem flueret aluus, capitis tamen dolor et aliqua stupiditas, symptomata, febrem ab initio concomitantia, adhuc
 p. 140. durauerunt. Morbilli, per plurimos huius anni menses occurrentes, non periculosi quidem fuerunt, semper tamen difficulter prodeuntes tarde quoque abierunt, maculis istis pustularum saepe formam referentibus. Pustulae quoque humorem subluteum continentes, in cute ortae, obscuros infimi ventris dolores levarunt, quippe qui infantes in primis tempore hiemis corripuerant.

In nosocomium regium, *Hôtel-Dieu* dictum, 21082 aegri per totum hunc annum, et ex his plurimi mense martio, paucissimi mense octobri, recepti fuere. Mortuorum per totam urbem maximus fuit numerus mense decembri, minimus februario; in omnibus autem mensibus plures potioris, quam sequioris, sexus obierunt. Puerorum etiam, qui eo anno nati fuerunt, insignior multitudo quam puellarum eam confirmat observationem, qua masculina proles

proles semper illa feminina in Europa perhibetur esse numerosior.

8) *Constructionem nouae machinae pro filis sericis* a p. 142. *bombycum chrysalidibus separandis* describit Cl. DE VAVCANSON *. Praeparationes, quas fila haec, cum primum extrahuntur e chrysalidibus, recipiunt, enarrat. Pedemontanorum industria laudata, cum Galli plures hic errores committant, deinde instrumentum suum describit, cuius bonitatem experimentis captis confirmat.

9) *Disquisitione de utilitate maioris numeri dentium* p. 155. *canis carchariae*. Auctore Cl. HERISSANT **. Cum a NICOLAO STENONE, in dissectione capitis canis carchariae copiosa eius dentium quantitas fuerit detecta, praeter illos autem, qui margines maxillarum exornant, deprehensi plerique carne fungosa et molli obducti atque in illa sepulti fere, in eam ille deductus est opinionem, utilitatem, quam praebere possent, esse ad modum obscuram, in primis quod interiores toti non solum sint introrsum flexi, sed etiam maximam partem molles. Dedit ea propter Cl. Auctor operam, ut, accurate peruestigatis eius modi maxillis, vera aeque dentium structura ac in id, in quo continentur, subiectum redundans utilitas compareret. Dentes reliquorum animantium osseae maxillae fabricae inhaerent, ex eorum etiam alueolis, deperditis prioribus, alii, ab initio molles procedunt; aliter vero res se habet cum cane carcharia, in quo illi fortiori membranae, nullum habentes cum maxilla commercium, adcrescunt. Plures vero eorum ordines sic constituti sunt, vt alii dentes scilicet primi ordinis, et nunquam tecti carne fungosa, natura-

les

* lecta a. d. 12. nou. 1749.

** lecta a. d. 18. iun. 1749.

les sint, reliqui ordines incuruati delitescant, possint tamen in priorum sedem resitui, si quae illorum facta fuerit deperditio, dum a palato inclinati assurgunt et eriguntur. Quae quidem mutatio fieri potest celementer, quod perfecti iam dentes sunt illi absconditi. His praesuppositis elaborandum erat, ut demonstretur, hanc mutationem certo contingere, cui scopo satisfactorius Noster, proponit observationes, ex variis speciminibus collectas et in iconibus in tabulis

P. 157. tribus, septima, octaua et nona exhibitas. Superioris itaque ac inferioris maxillae dentes, plani sunt, triangulares, in ambitu crenati, latiores superioris, profundius dentati inferioris. Desinunt in apicem acutum, basis crassa est, firmissime innixa membranae, quae aliquando super exteriorem maxillae marginem continuatur, in eo casu, dum plures, ut putat Cl. Auctor, ex interioribus dentibus in exteriorum sedem secesserint. Singulus ex altera parte convexus est, planus ex altera, externae series oblique posita sunt, et sine dissectione cognoscuntur, internae prorsus horizontaliter sibi incumbunt, et resecta fungosa carne demum deteguntur. Sensim porro et successive fit eorum induratio, praecipue illorum, ad basin positorum, quippe qui molles et intus, prout in reliquis animalibus esse solet, mucilaginosae substantiae repleti erant. Hinc per incrementum illis induratio conciliatur. Quaelibet maxilla in iuniori aetate in duas diuiditur partes, quae post inter se concresecunt, superior autem in posteriori loco duobus terminatur condylis, quorum extremitas interna antrorsum, externa vero retrorsum spectat, utraque in cavitates inferioris maxillae glenoideas immittitur, ex quo consequi dicit Noster, dum aperit fauces carcharias, axem motus incidere in lineam, quae ab extremitate externa unius condyli ducitur ad oppositam, externam, simulque differentiam motus in maxilla hominis ostendit, in quo axem mobilem inueniri asserit,

rit in linea, quae procedat ab extremitate interna unius condyli ad internam alterius. Sed dentium in-
 uersionem et erectionem fieri docet situs dentis mu-
 tatus; per naturam enim sic positi sunt, ut unius basis
 alterius ab una parte contegat, deprehenduntur qui-
 dam ab utraque parte tecti; porro numerus imminu-
 tus, deinde varius inclinationis gradus, tandem ve-
 stigia eorum, qui deciderunt vel destructi sunt, in
 membrana adhuc conspicienda, aliis nihilo minus in
 eorum locum restitutis. Retractio membranae iuua-
 re videtur interiorum dentium ad anteriorem maxillae
 marginem accessum. Probabili ergo ratione fulciuit
 Noster dispositionem utilissimam dentium huius ani-
 malis.

10) *Descriptio singularium nidorum, ab erucis ef-* p. 163.
ficorum, Auctore Cl. G V E T T A R D *. Duplicis ge-
 neris hic descripti nidi sunt, alii enim unicum tantum
 in se continent vermem, alii vero magnum eorum
 numerum unius familiae comprehendunt; communi-
 cati hi fuerunt Cl. Auctori a Duce Aurelianensi, qui
 ipsi etiam, ut descriptionem, quam a nemine iam
 datam fuisse obseruaret, publicaret, dedit consilium.
 Hinc pro ratione adnotatae differentiae in duas par-
 tes secedit disquisitio, ex qua praecipua tantum hic
 exponere possumus momenta, quod in nimis subtili
 descriptione, qua suae obseruationis praestantiam
 confirmauit Cl. Auctor, cunctorum explanationem
 dare nequeamus. Prioris generis nidus, forma sua
 cylindricus, ex tribus diuersis planis constat, exterius
 est tela, ex filis sericeis coagmentata, subsequens ba-
 cillorum diuersorum compositione fit, et tertium den-
 sam sericeam membranam sistit. Bacilli lignei sunt,
 breues, extremis liberis, media parte adnexi, quo-
 rum exactam, nec eorum maculis neglectis, explica-
 tionem

* lecta a. d. 7. Mart. 1750.

tionem Noster adducit; interior vero membrana extus albicans, intus glabra viscidoque obducta visitur, ex qua fila tenuia procedunt, retis instar intus positam chrysalidem comprehendunt, orificium internum a massa filamentosa implicata obturatur. Chrysalis tandem, omni hoc artificioso apparatu inuoluta, vix dimidiam magnitudinis nidi partem aequat, cuius capacitas a dictis praecipue bacillis maximopere augetur. His simul cautelis, per rete filamentosum scilicet, chrysalis contra iniurias, a motu externo prouenientes, defenditur, et insectorum noxiorum ingressus ob clausum orificium arceatur, quod tamen impedire vix poterit egressum papilionis, qui facili remouebit opera contextum filorum, ab interiori parte non adeo firmiter sibi iunctorum et cedentium.

p. 170. Appenditur hic nidus ramulo mediante ansa, quae ex variis iuxta se positis filis, ramo circumductis, conficitur, quorum coniunctio inferius per transuersa filamenta corroboratur. Haec sunt, quae dissectio nidorum manifestat, modum, quo omnis haec constructio suscipiatur ab eruca, non improbabilem adfert Cl. GÜETTARD, quem eo deprehendimus opinione sua accedere, ut omnium stratorum conformationem simul fieri credat, quem vero, ut lectores

p. 176. consulant ipsum, necesse esse arbitramur. Ad posterioris generis nidum itaque nos conuertimus, quem varias ob rationes cum priori conuenire deprehendimus. Adfigitur enim ramo arboris, terminatur inferius in canalem clausum, interiorisque, ut in altero, obturatur per telam. Figura eius inuerso cono, anterieus compresso, similis est, et ante metamorphoseos tempus iam efformari coeptus esse videtur, quod variis argumentis euincere satagit Noster, denuo a veritate non alienam supponens agendi methodum. Quodsi post ea mutationis perferendae accedente tempore ingressae fuerint erucæ, tunc interiorem telam, qua una iuxta alteram adhaeret, efformant aequae ac inuol-

inuoluentem densiorem membranam, ad horizontem positam, et chrysalides euadunt, quarum mediae nauculae, inferiores autem oui formam habent. Demonstrat ergo Noster necessitatem medii, inter has intercedentis spatii et facilitatem, quam post mutationem factam in egressu inuenturus est papilio. Sed, p. 183. quod utriusque formae, prout patet, insectorum multiplex est conuenientia, non immerito quaeritur, an haec insecta unius sint generis, an diuersi? ad quod, quo accuratius respondeat, ponit hanc regulam: Quaecunque insecta post mutationem primae suae formae ad unum genus referri debent, illa in prima a se non differunt, et dum eorum describimus genera, respiciendum est ad quoscunque status, per quos insecto transeundum est. Considerandus itaque est papilio, chrysalis et eruca, atque breuissimis exinde Cl. Auctor partes eorum delineat, et per diuersa specimina cum laudabili industria declarat, qua ratione noua descriptionis methodus proponi possit. Recenset ideo viginti et unum distinctum genus, quae propriis etiam nominibus insigniuit, hisque species subiunxit, ex LISTERO, MERIANA, ALBINO, REAUMVRIQUE collectas. Nos, quo constat, quanto studio hasce differentias persequutus sit Noster, relictis definitionibus partium, paucissimis principes notas generum adnotabimus.

Genus I. Pemphides. *Papilio* antennis clauatis, p. 186. lingua, *trompe*, spiralis, pedes duo anteriores, breues, villosi, alae triangulares, venosae, internis interius reuolutis. *Chrysalis* fusiformis, posterius longior, anterius emarginata, media tuberculata, adhaerens duobus hamis, ope retis densi filorum, posterius. *Eruca* sedecim pedibus instructa membranaceis, hamatis, annulis papillis rigidis, saepe ramosis, praeditis.

Genus II. Pomphalodes. *Papilio*, ut praecedens, pedibus inaequalibus non villosis. *Chrysalis* anterius

acuminata, glabra, filo supra medio corpore alligata. *Eruca* non spinosa, papillis parvis, exiguis pilis exasperata.

p. 187. *Genus III. Pterigurus. Papilio*, alis inferioribus appendiculatis seu caudatis, interius plicatis, in quiete dorsum tegentibus. *Chrysalis* tuberculata, cono, basi truncato, similis, lateribus planis, ad horizontem adfixa. *Eruca* papillis, pilis rigidis vel nullis instructis, cornu mobili, in collo posito.

p. 188. *Genus IV. Pyrallis. Papilio* antennis prismaticis, lingua plana, alis inferioribus breuibus, corpori parallelis. *Chrysalis* conica, polita, in terram se recondens. *Eruca* leuiter tuberculata, in annulo posteriori cornuta.

Genus V. Entaphius. Papilio antennis prismaticis, lamellatis, lingua tereti, densa, conuoluta, alis pendentibus rotundatis, inferioribus intus replicatis. *Chrysalis* conica ut praecedens. *Eruca* postice cornuta, cornu antrorsum inflexo et articulato.

p. 189. *Genus VI. Geometra. Papilio* antennis conicis, nodosis, reuolutis, in mare pilosis, in femina squamosis, lingua bipartita, triangulari: alis parallelis in mare, breuibus in femina. *Chrysalis* conica, anterieus crassior, in terram se recondens absque folliculo. *Eruca* decapus.

p. 190. *Genus VII. Thips. Papilio* antennis conicis, curuis, villosis, lingua duplici, alis pendentibus, superius rotundatis. *Chrysalis* conica, annulis hamatis, in folliculo delitescens. *Eruca* annulis inferius hamatis.

Genus VIII. Tinea. Papilio antennis conicis, lingua duplici, extrorsum reuoluta: alis inferius rotundis, parallelis, in quiete illius corpus contegentibus. *Chrysalis* conica, glabra, in folliculo contenta. *Erucae* annuli anteriores sunt cartilaginei, pedes membranosi, hamati.

Genus IX. Ex, folia conuoluens. Papilio antennis p. 191.
conicis, lingua spirali, alis parallelis, superius latis,
parallelogramma formantibus. *Chrysalis* conica, gla-
bra, intra folia conuoluta, filis adhaerens. *Eruca*
octapus, hamis in circulo dispositis, ad tactum fortiter
se mouens.

Genus X. Pyrausta, intra folia cuniculos agens. Papilio antennis conicis, alis pendulis, laciniatis,
quiescente eo retrorsum conuolutis. *Chrysalis* conica,
acuta, inuoluta folliculo fusiformi, intra folii
membranas delitescente. *Eruca* quatuordecim pedum*.

Genus XI. Acia. Papilio antennis conicis, lin p. 192.
gua spirali, alis ad basin rotundis, dum quiescit, a se
remotis, dorso et scapulis fasciculato pilosis. *Chrysa-*
lis conica, duobus uncis posterius armata, tuba lon-
ga, a latere capitis, in folliculo in terram recondita.

Genus XII. Supera. Papilio antennis conicis, gra-
nulatis, rectis aut conuolutis, glabris vel forcipatis,
lingua spirali. *Chrysalis* conica, glabra, in folliculo
vel in terra, vel in aere, vel intra folia delitescit.
Eruca decapus.

Genus XIII. Psora. Papilio antennis a latere plu-
mosis, lingua filiformis, alis pendulis, dorsum te-
gentibus, dum quiescit. *Chrysalis* conica, tuba bre-
ui instructa, annulis uncinatis, latens in folliculo du-
plici, exteriori ex terra, interiori ex ligno et filis.
Eruca quatuordecim pedum, posterius duo habens
cornua, in cylindrico tubo latentia, mobilia, capite
sub primo annulo se abscondente.

Genus XIV. Seres. Papilio antennis plumosis, lin-
gua fere nulla, alae horizontales. *Chrysalis* conica

Hh 3

intra

* Huc ergo non pertinet, cuius descriptionem dedit
ROVILLIUS in Mem. présentés à l'Acad. Royale des
Scienc. à Paris. Tom. I. p. 177. Vid. Comment. nostr.
Vol. I. P. I. p. 16 seqq.

intra folliculum. *Eruca* sedecim pedum, annulis tuberculatis, pilis eorum radiatis.

- p. 194. *Genus XV. Bombylius.* *Papilio* antennis plumosis, lingua duplex, triangularis, alae horizontales. *Chrysalis* conica tuba breui, intra folliculum sericeum latens, filis corporibus peregrinis et gummatice liquore iunctis. *Eruca* sedecim pedum, annulis tuberculis glabris aut pilosis. Ad hoc genus spectant, quorum nidos descripsit Cl. Auctor.

In his generibus definiendis notae manifestae sunt, non negat tamen Noster, varia adhuc superesse, quorum notae nondum sufficienter descriptae sunt: operam tamen adhibendo in reliquis etiam accuratiora cognosci poterunt. Exempli horum quaedam addit: v. c.

- p. 195. *Genus XVI. Hepialus* seu *papilio* cornu arietino, ob antennas sursum reuolutas.

Genus XVII. Psaluges seu *papilio* vespam referens, antennis clauatis, apice villosis, a latere compressis, cauis. *Eruca* cornu instruitur in postico anulo, recta exporrecto.

- p. 196. *Genus XVIII. Tylus* seu *erucae scolopendrae* similes. *chenilles cloportes* REAUMURIUS dictae, supra planae, infra rotundae, a latere angulosae, posterius acuminatae. *Chrysalis* postice crassa, subtus transfuerso filo adfixa.

Genus XIX. Muebes, *papilio* maluae, alis horizontalibus: *Chrysalis* conica, glabra, farina adsperfa, in folliculo recondita et adfixa foliis per fila coniunctis.

Genus XX. Tentorium, cuius *papiliones* facile cum primo genere conueniunt, alis tamen, basi rotundis, lateribus rectis et habitu singulari differunt.

Genus XXI. Eryopteris. *Papilio* alis plumosis, *chrysalis* conica, ad horizontem filo adfixa, *eruca* sedecim pedum, annulis tuberculatis instructa.

Ex hoc itaque tentamine non obscure intelligitur, varia adhuc momenta ex comparatione diuersae metamorphoseos insectorum posse desumi, quae ad nouam eorum dispositionem viam possint pandere. Facile simul subscribimus iis, quae de subordinatione omnium corporum naturalium proponit Cl. Auctor, cogitatis, quibus demonstrat, secundum certa principia, genera, species et classes a sapientissimo omnium rerum creatore, corpora quaecunque formata fuisse et digesta.

11) *Eclipsin lunae 1749. decembr. 23.* CASSINI DE P. 206.
THVRY et MARALDI obseruarunt.

12) *Observationes de pernicioso effectu fungi cuiusdam*, a botanicis, fungus mediae magnitudinis, totus albus, dicti. VAILL. Bot. Paris. no. 17. p. 63. Auctore Cl. MONNIER *. Hic fungus mediae magnitudinis, totus albus, quem VAILLANTIVS in classem fungorum foliaceorum cum caule solido sine annulo refert, ab hominibus comestus, tristes in corpore produxit effectus, quorum historiam aliquam Cl. Auctor tradit. Duae puellae, de huius fungi nociua qualitate licet admonitae fuerint, eundem tamen inter frutices colligebant, et duodecim eius modi fungos, supra craticulam tostos, comedebant. Immo alia fercula, inde parata, mensae in prandio apponebant, de quibus tota familia sex hominum magnam copiam cum insigni appetitu adsumebat. Versus horam quartam post meridiem una harum puellarum varia incommoda, magnum ventriculi dolorem, tormina colica, vomitus frequentes, et deiectiones aluinas perfererat. Ab eodem hoc ferculo per noctem tres alii etiam sua incommoda experti fuerunt. Ipsa vero puella altero die per vomitus vehementes continuantesque valde

H h 4

debi-

* lecta a. d. 26. Nou. 1749.

debilitata, eiusdemque pulsus frequens, debilis vixque percipiendus, extremitates superiores frigidae erant. Ventriculi regio attactu tumida, et dolorosa, et aortae pulsus vehemens percipi poterat. Interim absque omni capitis dolore aegra mente adhuc bene constabat. In hisce ergo rebus Cl Auctor accersitus indicationem primariam eo dirigebat, ut causam per remedia laxantia et emollientia infringeret, ideoque iuscula gallinarum et ptisanam ex radice althaeae et semine lini bibendam, et omni quadrihorio clyisma emolliens iniiciendum et cataplasmata emollientia abdomini imponenda, ad pulsum vero excitandum scrupulum theriacae in iusculis sumendum praecepit, a

p. 213. quibus remediis etiam vomitus cessarunt. Secundo die ventris euacuatio aliquo modo imminuta erat, cardialgia vero durabat. Cum itaque Auctor concluderet, fungos comestos in primis viis adhuc haerere, primae indicationi insistent, eadem remedia priora ordinavit, a quibus abdominis tensio dolorosa remissit, pulsusque excitatior, minusque frequens factus, et versus vesperam euacuatio biliosa cum fungorum frustis sequuta est. Tertio die post quam nox quies transacta fuerat, cutis humida pulsusque melior inueniebatur, et urina libere fluxat, datum est remedium purgans, a quo plures fungi euacuati fuerunt, aegraque nullum amplius dolorem sentiens,

p. 214. placide per noctem dormiuit. Quarto die satis bene se se habens, expergefacta iusculum appetebat; paulo post vero insignis anxietas illam adfligebat, attonita quasi mentisque dispositio plane mutata erat, pulsus valde irregularis interruptusque percipiebatur, omnia corporis membra cum inquietudine magna agitantur, facies pallida, extremitates superiores frigidae, aortae ictus in ventriculi regione vehementes observabantur; dolor in infimo ventre acerrimus suboriebatur, quem ipsa aegra alias, menstruis irruentibus, erat perpessa; menstrua accedebant ipsa, unde dolor

dolor cum aliqua quiete remittebat; delirium vero durabat, menstrua contra iterum sistebantur; quae tamen post pediluuium redibant cum pulsu excitatori et extremitatibus superioribus calidioribus factis. Sed menstrua denuo sistebantur et inquietudo augebatur. Venae sectio in pede instituebatur, post quam menstrua parum apparebant, reliqua vero symptomata non imminuebantur, respiratio valde difficilis, pulsus languescebat, pulsatio in regione abdominali, maxillae vehementissima conuulsione musculorum claudiebantur, totum corpus ictero uniuersali subito diffundebatur, et illa aegra ita quinto morbi die exspirauit. In ipso corpore icterus post mortem valde p. 215. euanescebat et color oculorum albus naturalis fere conspiciebatur.

In cadaueris sectione peritonaeum, epiploon et ventriculus in statu naturali reperti sunt, praeterquam quod hic circa pylorum inflammationis vestigia exhiberet. Duodenum in suo principio valde inflatum, et quatuor aut quinque pollices infra orificium ductus choledochi et pancreatici quasi contractum erat; vasa eius sanguine repleta, et interius maculae rubrae cum excoriatione leui animaduvertebantur. Mesenterii portio, cum intestino duodeno connexa, inflammata et extensa; hepar plus iusto rubrum, durum, tumidum; bilis omnis colore viridi nigrescente apparebat. Ductus choledochus in media sua parte per ligamentum quoddam membranofum praeter naturale ita erat contractus, ut ne guttula bilis in duodenum intrare potuisse videretur; inter hepar et illud obstaculum ductus bile turgidus, portia compressa inter duodenum et obstaculum alba et transparens erat; quae contractio ductus, per membranarum irritationem orta, sine dubio icterum uniuersalem produxit; vasa regionis hypogastricae non obstructa erant praeter illa, quae ad fundum uteri serpunt. Ex his ipsis ergo apparet, huius puellae

mortem a violenta irritatione partium membranarum duodeni, mesenterii, hepatis et contractione vasorum inductam fuisse.

- p. 216. Mater nostrae puellae quadraginta annorum satis robusta, post magnam horum fungorum quantitatem deglutitam nullas primo molestias sensit, post mediam noctem vero a doloribus ventriculi, vomitibus violentis et deiectionibus alui biliosis liquidis expergescens, valde defatigata fuit; pulsus parvus, debilis et frequens, abdomen paululum tumidum et tensum, lingua sicca et fissa, multusque ardor internarum partium percipiebatur. Hoc ipso die aegrotae iuscula copiosa et clysmata emolliens data sunt; sed euacuationes per totam noctem eadem continuabant. Altero die vomitus biliosi et cruenti perseuerabant, usque dum a continuato iusculorum et clysmatum emollientium usu aegra paullo melius se haberet. Tertio die illa satis tranquilla erat, quare purgans datum fuit, a quo multa frustra fungorum foetida per aluum deiecit. Versus vesperam quindecim guttas laudani liquidi in iusculo adsumsit, post quod medicamentum somnus et aliquot tantum deiectiones sequebantur. Quarto die deiectiones rubicundae et foetidae erant. Quare potus emolliens et clysmata anodyna continuo ingerebantur, verum deiectiones alui, cum sanguine tinctae, auctae sunt. Pulsus debilis et vix perceptibilis, extremitates frigidae erant, et aegra nullas in abdomine turbas sensit, abdomen ipsum molle et tantum versus regionem epigastricam aliquo modo tensum tangebatur. Quinto die fluxus sanguinis continuauit, frustra omnibus adhibitis, aegra in soporem incidit, facies eius inflata et in oculis icteri, qui per totum corpus iam diffusus erat, signa apparebant. Materia, sanguine atro tincta et pituita viscida mixta, et simul sanguis grumosus, qui magnam vasorum sanguineorum erosionem indicabat, reiciebatur; toto die valde debilis, furda

furda et sine omni sensu aegra videbatur. In his angustis hoc ipso die datum fuit liliū Paracelsi, spiritus volatilis cornu cerui succinatus, a quo vero remedio symptomata neutiquam mutata fuerunt. Cum p. 219. itaque aegrota haec per copiosas deiectiones et sanguinem grumofum reiectum valde debilitata esset, nec ullum tamen dolorem sentiret, ad haemorrhagiam sistendam et putredinem gangraenosam auertendam medicamentum lene adstringens adhibendum esse Noster iudicauit. Hoc vero ut eo felicius succederet, et materia, in visceribus haerens, moueretur, ipsorumque actio resuscitaretur, emeticum ex ipecacuanha et conserua rosata praemisit, a quo etiam per vomitum magna quantitas materiae viscidae, cum sanguine mixtae, eliminata fuit. Post haec data sunt tinctura rosarum rubrarum, cum spiritu vitrioli facta, quae sanguinis euacuationem imminuit. Ne vero materiae nociuae reiectio subito supprimeretur, tinctura rhabarbari, cum aqua cinerum ligni recentis praeparata, interposita fuit, post quorum remediorum usum die septimo sanguinis fluxus disparuit, et materiae nociuae expulsio in naturalem statum mutata fuit, et pulsus eleuatio sensuumque usus rediit. Die octauo sub continuato remediorum usu tres tantum deiectiones naturales factae sunt. Die nono materia reiecta meliorem colorem induit, interim icterus et facies liuida permanferunt. Quare data fuit ptisana ex radice cichorei, taraxaci et scorzonerae, cuius mensurae uni drachma una salis GLAUBERI admiscebatur, a quo medicamento motus febriles, somnus et sudor prouenerunt. Die undecimo urina flaua sine sedimento erat, icterus euanescebat, et a die decimo quarto melius sensim meliusque se habere coepit. Huius feminae soror triginta sex annorum, quae etiam eius modi fungos comederat, primo quidem nulla incommoda sensit, altero vero die vehementia abdominis tormina et vomitus pertulit, nec a theriaca

ca et clysmatibus emollientibus et anodynis haec mala leuata, sed omnibus symptomatibus, quae in sorore aderant, afflicta fuit perpetuo, et a tussis superueniente ipsi ulcus in pulmone sinistro natum, quod per septem annos tulit, postquam eius morbus eandem periodum, ac in sorore, absoluerat, iisdemque
 p. 221. remediis curatus fuerat. Tres reliqui huius familiae homines non tam graua symptomata experti sunt. Pater familias quinquaginta annorum satis robustus, altero die torminibus colicis vehementibus et euacuationibus per superiora et inferiora copiosis, conuulsionibus musculorum abdominalium, femorum, lumborum, et gulae, tumore et contractione abdominis vexatus est. Sed ab omnibus his post olei, theriacae et potus emollientis usum liberatus est. Quinta persona, hoc cibo venenato infecta, erat puella viginti annorum, tenera et debilis, quae ex metu morbi pectoris, familiae proprii, regimen diaetae exactum seruauerat. Haec duo tantum frustra fungorum adsumserat, et usque ad alterius diei meridiem ab omni molestia libera mansit. Post ea vero, uti reliquos, eandem praecordiorum anxietas, vomitus, alui fluxus cum pulsu paruo, debili, fere insensibili, inflatione et pulsatione regionis epigastricae adgrediebantur, quae vero symptomata omnia etiam eodem die cessabant, praeter ultimum, quod ultra quinque dies perseuerauit. Praeter ea per tres septimanas neque somnus neque appetitus aderat, et dolores femorum et lumborum sentiebat, usque dum regulari diaeta natura adiuta etiam haec superauerat.

p. 222. Sexta persona, quae eandem fungorum copiam deuorauerat, ac illi, qui perierant, nihil omnino per viginti sex horas, nullas molestias inde experta est. Fieri vero potuit, ut illa a cursu defatigante, quem pedibus instituerat, malum superauerit, adeoque tantum nauseam quandam vomitusque moderatos per tres dies pertulerit. Interim tamen inflationem

nem et pulsationem ventriculi percepit, quae remediis supra indicatis tandem sublata fuerunt.

Ex his ergo morbi historiis apparere argumentatur Cl. Auctor, illum *fungum mediae magnitudinis, totum album*, re vera perniciosum esse et symptomata letalia efficere posse, neque ea ipsa esse tantum vitiae digestionis effectus, qui ab inflatione ventriculi per spongiosam hanc plantam introducta et a frigore coagulante facta prouenerunt, sed potius irritationem inflammatoriam a succo huius vegetabilis productam fuisse, licet illorum sapor nec acris, nec rodens cognoscatur. Porro illa symptomata non pro consueto illo morbo cholera et dysenteria, quae mense augusto et septembri grassantur, habenda sunt, si quidem valde notabile foret, quod unius familiae sex personae hoc morbo epidemico tantum correptae fuerint, qui fungos hos adsumferant, ab hoc salui. Concedit tandem Cl. Auctor choleram et dysenteriam quidem fuisse morbum, qui vero immediate a succo fungi venenato originem duxit.

13) *Observationes botanico-meteorologicae in castel. P. 224.*
lo, Denainvilliers dicto, in regione, cui Pluviers en Gatinois nomen est, per annum 1748 institutae a Cl. D V
*HAMEL *.* Eadem est illarum ratio, quam olim iam exposuimus **. Iis tamen nunc duodecim tabulas adiecit Cl. Auctor, ad totidem anni menses relatas, septem columnis interfectas, ut, quo modo aeris vicissitudo singulis omnium mensium diebus se habuerit, sub unum quasi adspectum cadat. Illarum enim columnarum prima dierum singuli mensis numerum siue ordinem, secunda plagam, ex qua orti fuerunt venti, tertia, quarta et quinta, thermometri, mane, ad meridiem et vesperi, obseruatos altitudinis gradus, sexta

* lect. d. 21. Maii 1749.

** vid. Commentar. nostr. Vol. I. P. II. p. 272. et Vol II. P. II. p. 214.

sexta eosdem barometri, et ultima tandem ipsum coeli varium statum continet atque exponit.

P. 255. 14) *Commentarius de noua specie coloris coerulei, ad artem tinctoriam applicata, quam nec isatis nec indigo ingrediuntur.* Auctore Cl. MACQUER *. Artem tinctoriam chemicorum laboribus perfici certum est, Cl. Auctor itaque in hoc studio egregie versatus coeruleum prussicum, picturis egregium colorem imprimens, etiam telis variis tingendis aptum reddere tentauit. Terra aluminis et partes martiales vitrioli viridis, sale alcali praecipitatae, cui mediante igne phlogiston annexum est, colorem hunc sistunt. In experimentis itaque institutis fasciculum florum gossypii, et serici nec non partem panni albi in solutionem aluminis et vitrioli immerisit, quo facto his color citreus inpressus fuit, praecipitata terra martiali. Partes ita tinctae lixiuio alcalino sulphureo calido immisae, efferuescentia facta colorem gryseum susceperunt, et in aquam calidam, acido vitriolico inpraegnata, immerisae, nouam excitarunt efferuescentiam, qua desinente non tantum liquor ipse, sed et partes tinctae colore coeruleo imbutae conspiciebantur, qui etiam post iteratam loturam in aqua calida persistebat, in humido quidem statu obscurior, post exsiccationem dilutior, in filis magis, quam in parte panni. Color vero, qui in rebus tinctis post coctionem in aqua saponata prorsus disparuit, in decocto aluminis longe perfectior redditus fuit.

P. 258. Cum itaque ex experimentis his institutis pateret, colorem hunc tingendis rebus aptum esse Cl. Auctor plura tentauit, quo colorem magis aequalem redderet, eius pretium imminueret et alia artis tinctoriae commoda assequeretur, quae tamen, cum a nostro instituto aliena sint, aliis diiudicanda relinquimus.

15) Com-

* lecta d. 16. Apr. 1749.

15) *Commentarius secundus de transpiratione insensibili plantarum.* Auctore Cl. G V E T T A R D. In praecedenti commentario * declaratum fuit, ex plantis simili modo dispositis alias plus, alias minus perspirare; non calorem tantum, sed radiorum solis accessum transpirationem intendere; superficiem soli expositam plus perspirare, quam alteram in umbra collocatam; plantas hyeme foliis ornatas et florentes, eo tempore tamen minus perspirare, quam aestate. Quicquid itaque et repetita et ex consilio academiae scientiarum instituta experimenta porro docuerunt in hoc commentario declaratur. Nos vero ex septendecim experimentis hic expositis praecipua tantum indicabimus momenta.

Quo Cl. Auctor varietatem actionis radiorum solis p. 266. larium, in perspiratione intendenda et imminuenda cognosceret, a die sexto iunii usque ad finem augusti observationes accurate instituit, liquore perspirante quotidie ante ortum solis disquisito, et pondere eius in tabula addita notato, quo cum aeris coelique conditione, in aliis tabulis circa finem annexis, comparari queat. Ramus cotini trium drachmarum et duorum granorum intra hoc tempus triginta uncias et octodecim grana liquoris perspirantis exhibuit. Porro ex quantitate pluviae perspirationem non posse aestimari, eandem potius, sole post tempus pluuiosum apparente, non proximo sed sequentibus tandem diebus, auctam fuisse ostenditur. Hoc quidem in arboribus, quarum radices profundius serpunt, et ita sufficientem succi copiam colligere possunt, cognoscitur.

Varia cum aurantiorum arbusculis instituta experimenta confirmant, arborem, cuius rami omnes in cauum, ad quod aer renouatus accedere non potuit, inclusi erant perspirationem parum mutatam exhibuisse, ex quo forte colligi potest, folia vix tantam copiam

* vid. Commentar. nostr. Vol. II. Part. IV. p. 626.

piam humiditatis ex aere attrahere, ut vulgo assumitur.

- p. 273. Experimenta cum variis geranii speciebus instituta, aliis in cellam subterraneam repositis, aliis in aere libero relictis declararunt, in loco subterraneo exiguum certe perspirationem fuisse. Hinc ratio cognoscitur, cur plantae, quae per hyemem in cellis asseruantur, maxime quidem excrecant, sed colore albo conspicuae sint, ut folia cichorei; maxima enim humidi copia attrahitur, et cellulae extenduntur, sed color viridis tunc demum, quando aeri liberiori exponuntur, inducitur.
- p. 277. Longissimus solani, quod dulcamara dicitur, ramus in duos globos vitreos introductus fuit, ita, ut unus extremam, alter mediam partem rami in se contineret; inuoluto itaque uno globo, altero libero relictis, et diuerso quoque tempore nunc uno, nunc altero globo inuoluto, semper tamen in globo tecto tanta copia liquoris non inuenta fuit, quam in libero.
- p. 280. Eadem phaenomena in rosmarini ramis vidit Cl. Auctor, ubi ramis introductis unum globum sub fenestra, charta tectum, alterum extra fenestram collocavit, licet enim sub fenestra maior calor per thermometer indicaretur, copia tamen liquoris perspirabilis parcius inuenta fuit.
- p. 281. Eodem apparatu cerei perspirationem disquisiuit Noster, et non tantum praecedentem experientiam confirmavit, sed simul ostendit, quam exigua in plantis succulentis sit perspiratio, ita, ut inde pateat, cur ad illas conseruandas tam parca aquae copia affundi debeat, et cur tam facile putrescant, si nimia humiditas circa radices persistat.
- p. 282. Hoc experimentum quoque perspirationi fructuum succulentorum disquirendae occasionem dedit. A die 21. iunii ad 7. iulii, fructus et folia melonis, *cantalupi* dictae, sub examen vocavit, fructus ponderis drachmarum septem et granorum quinque drachmam semis

semis liquoris perspirauerat, folium uncias duas et drachmas tres, licet pondus eius tantum drachmae semis et granorum viginti sex inueniretur. Quamuis vero in hoc experimento aliqua pedunculi fructus laesio accessum succorum impedire et ita perspirationem imminuere potuerit, tamen minimam fructuum perspirationem alia experimenta, cum uuis et fructu melongenae facta, confirmant; uua ponderis unciae unius et sex drachmarum in viginti quatuor horis grana viginti quatuor et alia trium unciarum quinque drachmarum et viginti quatuor granorum vix drachmam liquoris exhibebat. Monet hic Cl. Auctor in aestimandis his experimentis et ad pelluciditatem vitri et ad folia, umbram forte efficientia, respiciendum esse, quibus causis accessoriis perspiratio omnino varia redditur. Nec alia confectaria inde deducenda negligit: Qui uuas in faccos chartaceos immittunt, non tantum ab auium insultibus defendunt, sed maius baccarum incrementum reddunt: Fructus ideo sub foliis arborum collocantur, quo magis increcant, incrementum itaque impeditur, si folia nimium decerpuntur; in fructibus ad maturitatem accedentibus coelum nubibus interdum tectum, perspirationem impediendo, molem auget.

Et in floribus perspirationem minorem inuenit p. 286. Cl. Auctor. Stramoneum flore albo maiore hoc euidenter declarauit. Flos ponderis duarum drachmarum et triginta granorum in viginti quatuor horis circiter dedit drachmam unam et octodécim grana liquoris, folium ponderis drachmae unius et semis drachmas quinque et semis liquoris perspirauerat, tota autem die coelum serenum erat. Nec perspiratio ex superficie aestimanda est; flos enim stramonei quarta circiter parte maior erat, quam folium, tamen perspiratio minor inueniebatur.

Exiguam quoque perspirationem partis lignosae p. 288. arborum, quam in priori commentario iam declarauit

rat Noster, ulterioribus experimentis nunc definire tentat, et praeter ea in arborum, hyeme virentium et florentium, perspirationem inquit, eamque aestate semper auctiorem esse, quam hyeme ostendit; cupressus enim aestate per sex dies plus perspirauerat, quam mensis spatio hyemali tempore. Iuniora folia perspirationem non augere alio experimento demonstratur, et tandem superficiem folii superiorem plus perspirare quam inferiorem ostenditur, an vero superficies superior ideo, quoniam actioni solis exposita est, magis perspiret, quae Cl. Auctoris sententia est, an fabrica ipsa differentiam inuoluat, nunc definire vix possumus.

P. 318. 16) *Stellas quasdam a luna occultatas 1749. obseruauit Cl. MONNIER, filius.*

P. 319. 17) *IDEM lunaris eclipseos mensis decembri 1749 disquisitionem, a se institutam,*

P. 320. 18) *Eandemque Parisiis a se obseruatam, Cl. DE L'ISLE exposuit.*

P. 322. 19) *Commentarius quintus de glandulis plantarum et quartus de usu harum partium in definiendis generibus plantarum, Auctore Cl. GVETTARD. Methodo haecenus recepta examen congenerum plantarum suscipit Noster. Chamaelinum VAILL. siue linocarpum MICH. quod ob partium situm et fabricam cum lino conuenit, et solo numero partium floris differt, a LINNAEO ad linum relatum fuit, has tamen plantas distingui posse Cl. Auctor asserit, cum chamaelinum glabram superficiem ostendat, linum vero filamenta*

P. 324. *conica et glandulas cupulatas habeat. Fabam et viciam Cl. LINNAEVS quoque coniunxit, quoniam ad differentiam figurae seminis et foliorum non attendit, in fabis tamen, licet primo intuitu glabris visis, accurate.*

curatius disquisitis, filamanta crySTALLINA ad pedunculos in primis et in fructu inueniuntur, quae in *viciis* nunquam conspiciuntur. *Agrimoniae* semina siue cap. 326.
psulae filamentis recuruis, *agrimonoidis* vero cylindricis instructa sunt, quae differentia unica est; in utrisque enim plantis folia superius et inferius nec non caules et calices filamentis similibus cylindricis, intermixtis glandulis cupulatis, praedita sunt. Licet igitur insignis sit conuenientia, Cl. Auctor tamen, ob fructus filamanta, differentiam generis admittit. *Mimosae* et *acaciae*, nec non *medicae*, *medicaginis* et *foenugraeci* confinia genera in variis speciebus disquiruntur, et inter se comparantur, nihil tamen certi de genere definiendo exponitur, cum insignis in glandulis et filamentis inueniatur varietas.

Planta, quae *iasminum ilicis folio* dicitur et quae ap. 329.
LINNAEO ad *lantanas* relata fuit, ideo nouum genus constituere videtur, quoniam omnibus partibus etiam in petalis glandulas cupulatas purpureas, viscido liquore repletas ostendit, filamanta tamen in tubo floris conspicua conica sunt; *lantanae* vero siue *camarae* species glandulas globulares obtinent, colore in iis uario occurrente, et filamanta conica papillis vesicularibus insidentia. In *adhatodae* et *barleriae* nec non *ficoidis* et *trifolii* speciebus disquirendis Cl. Auctor postea versatur, sed varietas insignis efficit, ut nihil certi definiatur. Licet in *limonii* speciebus aliqua in glandulis et filamentis deprehendatur differentia, eadem tamen vix in noua genera diuelli poterunt, ita, ut Noster *staticen* a LINNAEO quoque ad *limonia* relata, eo referri posse asserat. *Petasitidis*, *tussilaginis* et *cacaliae* genera, quae ob differentiam florum separata, a LINNAEO tamen sub *tussilaginis* genere coniuncta fuerunt, apte quoque coniungi posse ostenditur, omnes enim in superiore, magis tamen in inferiore foliorum parte filamanta valvulis distincta gerunt, ex quorum apice filamentum tenue gossypio simile exit, quod

cum vicinis, intra maiora filamenta dispositis album tomentum format.

p. 355. Progreditur Cl. Auctor ad considerationem generum *solidaginis*, *iacobaeae*, *iacobaeoidis*, *virgae aureae*, *senecionis*, *iacobaeastri*, *asteris*, *belenii* et *doronici*, nullibi tamen ex recepta methodo generum confinia definire valet. *Gerania* quoque considerando aptam non inuenit diuisionem, sed omnes species sub uno genere collocari debere agnoscit, licet moueat *gerania batrachoidea* magis tomentosa et filamentis rigidioribus praedita esse, *geranium haematodes* et species vicinas eadem parcius ostendere, *gerania myrrhoidis folio* iis abundare, haec filamenta vero conica esse apice recuruo, *gerania africana* ut plurimum glandulis cupulatis instructa esse, quae tamen non raro exiguae deprehenduntur et liquoris viscidum inducati speciem referunt.

p. 365. Tandem ad varias observationes in monopetalis irregularibus labiatis collectas accedit Cl. Auctor. *Origanum* et *maioranam* cum LINNAEO coniungit, quoniam omnes species glandulas globulares aurei coloris et filamenta breuia alba obtinent; similes partes in *satureia* et plurimis *thymbrae* speciebus conspexit, et *thymum* et *serpillum* plantas a LINNAEO iam coniunctas eo referre nullus dubitauit. Quasdam *clino-podii* species ad *thymbras* iam relatas fuisse porro monet, sed alias ob glandulas cupulatas omnino distingui posse addit. *Moldauicae*, *lamii* et *galeopsidis* varias species, ex methodo assumpta diiudicatas, recenset. *Ruischianam* quam BOERHAAVIUS ob medium labii inferioris segmentum spirale vel contortum ab *hyssopo* separauerat, et quam LINNAEVS iterum ad genus hoc reduxerat, eodem modo ut *hyssopum* filamentis conicis articulatis et glandulis globularibus instructam vidit. *Lauendulam* et *stoechadem* ob filamenta ramosa et glandulas globulares Cl. Auctor quidem coniunxit, quaedam tamen filamenta longa parum ramosa et

et glandulas parciore obtinent, aliae glandulas copiosiores et filamenta magis ramosa ostendunt.

20) Cl. DE FOVCHY *eclipseos lunaris*, quam su-p. 378. perius iam nominauimus, *obseruationem* in obseruatorio regio institutam edit.

21) Cl. DE MONNIER vero filius *phases eclipseos* p. 379. *solaris iulii 25. 1748. in castello sextiae Aberdour obseruatas.*

22) *Obseruationes anatomicae ad illustrandam foe-p. 385. tus historiam*, Auctore Cl. DE LA SONE. Differentias, quae foetum et natum hominem intercedunt, haud paucas iam legimus a variis dissectoribus accurate designatas, omnes itaque hic exponere noluit Cl. Auctor, sed aliquas tantum, in quibus recentia quaedam momenta animaduertenda esse inuenit. Sunt eae hic propositae duplices, prima de vero ventriculi situ, altera de glandulis suprarenalibus agit, in utraque WINSLOWI adnotata sequutus est.

In foetus ventriculo itaque curuaturae, quae nunquam vere horizontales sunt, nunc verticales potius deprehenduntur, ut orificia ad perpendiculum sint posita, quod, si leuatur, qui eam contegit, hepatis lobus, apparet. Hinc ventriculus in hypochondrio sinistro latet, quem locum hepar in foetu sinistrorsum exporrectum eum occupare cogit, quod, sensim in homine nato retractum, libertatem ventriculo concedit et differentiam situs, quem tunc obseruamus, efficit.

Glandulae suprarenales, foetui in primis infer-p. 387. uientes, in variis conditionibus saepe discrepant. Impositas reni inuenit Cl. SONE sic, ut basis supra anteriorem renis faciem descenderit multum, nec non productione linguiformi per extremitatem internam ad sinum renis usque peruenerit. Magnam

itaque renis partem tegunt et eum, ut aliis non bene visum est, sua magnitudine adaequare, vel superare videntur: habent figuram semilunarem, vel compressam, in facie anteriori sinus semilunaris, vario modo profundus, conspicitur, aliis, sed raro, posterius deprehenditur. Conteguntur praeter ea hae glandulae et continentur per membranam adiposam renis, quae, per basin inter eas et renem penetrans, sacculum format, et vicinis partibus eas necesse est. Fit aliquando, ut una glandula altera maior sit, quod praecipue de dextra valet. Alia deinde peculiaris membrana eas inuestit, quam duplicatam esse detexit Noster, tela cellulosa distinctam et moleculis seu granis pinguedinosi dispersis refertam, quae in homine nato, aequae ac illa pinguedo, quae a rene glandulam secernit, copia aucta, remouent illam a rene. Inter granula haec pingua alia adhuc nondum descripta ob-

p. 389. seruata sunt a Cl. Auctore, secundae laminae tunicae propriae insidentia, granula nimirum minus alba, firmiter adnexa, diaphana, dura, magnitudinis discrepantis sub papillarum forma vel paululum elongata, copiosa, ad basin semper plura, aperta, quae humorem viscidulum emiserunt. Putat ergo Noster ea cum corticali substantia glandulae communicare. Optime illae in foetu maturo obseruantur, in adultiori homine disparent, tribus vicibus eodem modo eas deprehendit Cl. Auctor, quarum veram itaque indolem ulterior confirmabit disquisitio.

p. 391. Tandem, renem cum glandula simul dissecando, detexit ex superiori renis parte inter basin glandulae procedens vasculum ramulis suis supra renem dispersis, nec non aliquando aliud, in externam capsulae membranam eodem modo ramificationibus distributum.

p. 392. 23) *Commentarius sextus de glandulis plantarum et quintus de usu harum partium in definiendis generibus*
planta-

plantarum, Auctore Cl. GÜETTARD. *Emerum* et *securidacam* cum *coronilla* coniunxit Cl. LINNAEVS nec magna videtur Cl. Auctori differentia; licet enim *emerus* filamenta nauiculam referentia, et *securidaca* cylindrica habeat, quae in *coronilla* desiderantur, tamen et illa parciora et saepius vix conspicua deprehenduntur. Differentia, quae *granadillam* et *murucuiam*, genera a LINNAEO coniuncta, intercedit, leuior quoque est, *granadilla* enim filamenta conica, quae forte valuulis distinguuntur, et stipulas siue glandulas acetabuliformes obtinet, quae in *murucua* non apparent, nisi papillas a latere caulis positas consideres; sed et non nullae *granadillae* species glandulis modo dictis destituuntur. *Achyrophori* et *hypochoe*. p. 396. *ris* species non nisi maiori vel minori rigiditate filamentorum differunt, in illis enim spinulae quasi sunt, in his longe molliores inueniuntur, exiguum tamen hanc differentiam ad genus distinguendum et ideo assumit, quoniam semina in prioribus pappum simplicem, in posterioribus, plumosum, gerunt. *Blairiam* HOVSTONI a *verbenis* eximit ob filamenta in apice recurua, varia de speciebus *verbenae* subnectit Cl. Auctor, et in *partheniastri* et *tarchonanthi* differentias inquirat.

Sedum, *semperuiuum* et *anacampseros* non tan- p. 400. tum coniunguntur, sed *cotyledon*, *crassula*, *tillaea* et *rhodiola* a LINNAEO simul adduntur, quoniam glandulam nectariferam ad basin cuiuslibet partis ovarii habent, staminumque numerus incertus deprehenditur; concedit itaque Noster in his plantis succulentis filamentorum et glandularum differentiam insignem non esse, eandem tamen in variis speciebus accurate describit, et concludit *semperuiuum* et *sedum* melius coniungi posse, quam *anacampserotis* species cum *sedo*, *cotyledones* et *crassulas* inter se conuenire, et *anacampserotis* species cum *rhodiola* combinari posse. *Maluauium* a *ketmia* distinguendum esse asserit, quo-

- niam in flore ex glandulis purpureis cupulatis gluten aliquod excernitur, quod florem viscosum, aliter quam in *ketmia* reddit, qua occasione etiam examen
- p. 408. variarum specierum *ketmiae* exponitur. *Taraxacoides* a *taraxaco* cum VAILLANTIO distinguit Cl. Auctor et in species diuersas inquirens, alias filamentis furcatis, alias conicis valuulis distinctis instructas vidit. *Taraxaci* species filamenta conica obtinent, ideoque una, quae filamentis plumosis instructa est,
- p. 411. a reliquis serungi posset. *Santolinae* et *bacharidis* species quoque distingui possunt, cum aliae filamenta simplicia valuulis distincta, aliae fasciculata obtineant. *Comae aureae* species, quae ad *bacharides* referuntur, filamenta quidem simplicia, sed praeter ea quoque glandulas globulares sulphurei coloris obtinent.
- p. 415. Sequitur nunc tractatio de speciebus *helychrysi*, *gnaphalii* et *fliginis*; non nullae ex his praeter tomentum glandulis cupulatis praeditae sunt. Simili modo *cisti* et *helianthemis* species comparatae sunt, in quibus praeter filamenta fasciculata similes glandulae
- p. 427. deteguntur. In amplissimo *centaureae* genere a Cl. LINNAEO stabilito, nunc versatur Noster et genera ab aliis distincta et concurrentes species examinat, praecipue vero obseruata VAILLANTII perficere tentat. Haec vero paucis indicare vix possumus, cum quilibet cognoscat, quam difficile limites generum et
- p. 441. specierum in his plantis definiantur. Tandem genera a Cl. LINNAEO coniuncta, *quercus*, *ilicis* et *suberis* optime coniungi posse ostenditur, cum in omnibus turiones et folia, in primis iuniora, filamentis fasciculatis albis praedita sint.
- p. 444. 24) *Experimenta et obseruationes in Italia institutas* recenset Cl. NOLLET. Primo de electricis agit, quorum causa potissimum iter italicum instituit. Hic nec Augustae Taurinorum Cl. BIANCHI purgationes electricas, nec Venetiis Cl. PIVATI odorum per vitra trans-

transmissionem successisse refert. Haec omnia iam innotuerunt.* Deinde a P. GARO ex ordine mini-p. 460. morum, Profess. Philos. Taurinensi, vasculum vitreum, in monasterio quodam virginum religiosarum Taurini, cum putei fundus purgaretur, repertum adducit. Integrum est, ubique clausum, nulla commissura apparente, tamen fere plenum aqua, cui bulla aerea superstat. Haec aqua, quo modo eo peruenit, nisi poros vitri transeundo, intelligi nequit, cum summa adhibita attentione, armato etiam oculo, aperturae ullibi factae vestigium detegere NOLLETVS nullum potuerit; calefacto autem vitro, ut manibus tractari amplius nequiverit, gutta nulla, vapor nullus exierit. Num pondere atmosphaerae et aquae putei incumbentis pressa aqua eo peruenit, in dubio relinquit Noster.

In regione Pedemontana prima folia, quae mori p. 466. protrudunt, bombycibus nutriendis adhibentur: Haec mense elapso, alia sequuntur, sed a Pedemontanis eidem usui non adhibentur, expertis, ut retulerunt Cl. Auctori, si his etiam foliis arbores priuentur, proxima hieme perire. Cum vero Thusciam intrauit, praecipue agros Florentiam circumiacentes, diuisos inter moros et oleas vidit, miratus, tot ibi bombycibus nutriendis minorem copiam mororum sufficere, cum in Pedemontio hae arbores terram omnem occupent, responsum tulit ab intelligentibus, duas bombybum educari generationes, iuniorem ope foliorum secundorum. Hoc summa auctoritas Comitum DE RICHECOVRT, ministri imperatoris, Cl. Auctori abunde confirmavit. Idem vir illustris, cuius singularem erga se fauorem Noster laudat, permittit eo tempore, quia prima bombycum generatio perierat, tertiam foliis tertiis educare. Alias haec

Ii 5 folia

* Ex transact. philos. n. 494. versa leguntur in *Hamburgischen Magazin*, Band IX. Stück V. vid. Commentar. nostr. Vol. I. P. IV. p. 686.

folia bombycibus dare prohibitum est, quia bouibus aliisque animalibus domesticis pabuli loco inferuiunt, in regione, non alia pascua habente, quam pauxillum illud herbarum, quod ad vias publicas et sepes crescit. Igitur his animalibus sustentandis, melonum cortices ex plateis colliguntur, fruticum arborumque folia, mori praecipue, nam oliuae, cum fructus tardius matureseat, arbori relinquuntur, et minus lubenter iis vescitur pecus. Igitur morus a maii initio ad septembris finem perpetuo folia protrudit in regione, ardori solis quam maxime exposita. Hinc colligit Cl. Auctor, in Gallia etiam duas bombycum familias educari posse.

P. 469. Myrtorum folia in regno Neapolitano colligi refert, et coriis praeparandis ita adhiberi, ut apud alias gentes quercus cortex adhibetur. Cannabis in territorio Pedemontano et Bononiensi species duae coluntur, altera tenuior et minus alta Picardiensi, unde lintea praeparantur, crassior et altior vestibus inde faciendis adhibetur. Huius speciei caulis in parte infima diametrum habet pollicis magnitudine, altus est paullo plus, quam pedes octodecim, levis, albus, splendens, a feminis honoratioribus, cum rus voluptatis causa inuisunt, baculorum loco adhibetur.

P. 474. Plura de oeconomia rustica Pedemontanorum Cl. NOLLETVS addit. Deinde lapidem calcarium Pedemontanorum describit, et calcis parandae methodum, aliaque ad architecturam pertinentia, tandem quae ad aeris statum spectant. Inter haec est, de periculo, quod in omni Italia, Florentiae et regno Neapolitano interiecta, iter facientibus minatur, observatio, quod plerumque ex subitaneis frigoris calorisque vicissitudinibus nasci Noster existimat, cum augusto mense vehemens frigus nocturnum senserit. Aerem aiunt paludum vaporibus infectum, sed eadem loca paludosa sola pascua illis sunt, eoque e longinquo pecus agitur, nullum inde damnum sentiens. *Monti testa-*

testaceo subiectis caueis ingens frigus inesse Romani aiunt, vinumque, quod ibi seruatur et diuenditur, glaciei frigus habere, sed Noster in tali vino thermometer Reaumurianum gradibus $9\frac{1}{2}$ supra congelationis terminum consistere expertus est, cum liberi aeris temperatura esset graduum 18. Maius ergo utique frigus est in his caueis, quam in aliis multo profundioribus, quod, num a natura materiarum, ex quibus mons compositus est, pendeat, non liquet.

25) *De structura viscerum, quae glandulosa vo-* p. 489.
cantur, et praecipue de illa renum atque hepatis. Auctore Cl. FERREIN. In viscerum structura plura sunt, quae luculenter apparent, varia quoque, quae omni adhibita opera dilucidari sufficienter non possunt. Nemo nescit, quid MALPIGHIVS de glandulosa hepatis, lienis, renum, corticalisque substantiae cerebri structura senserit, nemini etiam incognitum est, quanta cum sollicitudine omnem hanc fabricam non nisi vasculosam esse, demonstrare fuerit annisus RVYSCHIVS, et quantum a variis, praecipue autem BOERHAAVIO elaboratum fuerit in eo, ut, utramque fabricam in renis compositione fuisse coniunctam, declararetur. Tantorum itaque virorum hypotheses animo voluens Cl. FERREIN, ipsiusque naturae penetralia studiose disquirens, utriusque generis structuram non adesse detexit, sed id, quod pro glandulis aut vasorum complicationibus habitum est, admirandam compositionem canalium alborum, cylindricorum, varieque plicatorum, esse demonstratum iuit. Si enim, quod RVYSCHIVS asserit, omnis p. 492.
textura arteriosa, vel ex vasis sanguiferis composita est, necesse etiam esset, ut extremitates vasculorum omnium rubrae et nudo et armato compareant oculo. Confirmavit RVYSCHIVS haec phaenomena per viscerum, a se praeparatas, partes, sed nimis subtili usus est iniectione, quae roris instar per poros vasorum facile

facile penetrare potuerit, vel exsiccatas etiam partes contemplatus est. Quodsi vero recentia viscera, in viuis animalibus, vel eorum vasa, ab inflammatione sanguine turgentia disquiruntur, tunc semper Cl. Auctori se conspiciendam dedit substantia alba, gelatinae instar transparens, nullo rubro colore tincta, quae post exsiccationem vero tota euanescit. Idem sentit de Malpighianis glandulis Noster, quae in variis locis nunquam demonstrantur, in non nullis, ut post coctionem cerebri, omnem fabricam peruersam sistunt. Deteguntur quidem aliquando huius generis tubercula, v. c. in hepate, rene, liene, sed non nisi in senioribus subiectis, ut ea propter debeant pro aetatis effectū vere haberi. Sic etiam accidentales effectus sunt punctula rubra, hinc inde detegenda, quorum tamen interanea nunquam albicantis illius supra dictae substantiae defectum monstrant. Interim aliqua vasculosae texturae exempla supersunt, quorum non nisi duplex habemus, alterum, a GRAAFIO in testiculo virili demonstratum, alterum a Cl. FERREIN in uueae vasculis * comprobatum. Verum enim vero haec vascula, cum perpetuo albicantem retineant colorem, non immerito nascebatur suspicio, reliquorum etiam viscerum eandem esse posse ex parte fabricam. Et felici quidem successu nudus aequae ac armatus oculus familia detexit vascula, siue fila albicantia, in circulum, vel semicirculum, vel rosulae in modum, vel aliter contorta, in diuersae etiam aetatis visceribus: sed in rene praecipue manifesto declaranda, quorum tamen figura ab illa glandularum multum abest, cum oblonga vel irregulari modo rotundula compareant. Hinc eorum expositionem ita proposuit Cl. Auctor, ut ea, quae corticalem renis substantiam efficiunt, primo describat, simulque canales substantiae radiatae vel fibrosae, a nemine adhuc descriptae, examinet: post haec vero renis et hepatis
auium

* vid. Mem. de l'acad. d. Paris 1741 p. 379.

auium, tandemque, in quibus similia cognita fuerunt, capsularum atrabiliariarum conformationem disquirat.

Renum consideratio ante omnia descriptionem p. 499. eorum exigit, postquam igitur varia de differenti in animalibus aliis eorum forma praemisit, hominis renem, tamquam ex minoribus compositum, assumit, qui per corticalem substantiam inter se iungantur, confluyente autem interiori substantia intus globum medullarem constituent. Externa facies ex punctis albicantibus maioribus constat, formae irregularis, quae per rubicunda interstitia circumdantur atque distinguuntur, in quibus non nunquam venae delitescent; haec a dissectoribus pro glandulis assumpta, non sunt nisi bases, quae vocat Noster *pyramidum albi-* p. 501. *cantium*, quae ab cuiuscunque renis ambitu ad papillam tendunt et in acumen desinunt, quarum latior pars corticalem, angustior medullarem constituit substantiam. Ex globi medullaris ambitu multi minores processus, *prolongemens*, cylindrici, quinque lineas lati emergunt, qui, tamquam radii per corticalem substantiam transcentes, dimidia lineae distantia ab externa renis superficie desinunt, et in peculiare, cortici impressas, stationes, *loges corticales*, recipiuntur. Haec nudo etiam patent oculo, distinctiora armatus offert. Puncta albicantia, quae bases sunt pyramidum, ex iam adnotatis vasis albicantibus et cylindricis conformantur, quae in omni corticali substantia diuersimode complicantur, sed numquam glandularum formam imitantur: omnia unius eiusdemque capacitatis sunt, in ramos non abeunt, nec spatia relinquunt, nisi quae cylindracea eorum figura requirit. Interest his substantia transparens, gelatinosa, quam parenchyma vocari posse arbitratur Cl. Auctor: cuius praesentiam in aliis etiam partibus se adnotasse scribit. Vasa vero illa albida et corticalia, post institutam rationem in hominis rene longitudi-

nem

p. 504. nem sexaginta millium pedum adaequant, quae, cum corticem constituent, et secretam urinam contineant, nec, nisi ad medullam eam deducendo, ad peluim deuenire queant; hanc conditionem nunc Cl. Auctor perpendit. Medullaris nimirum substantia vasculosa et in primis a BELLINO tubulosa habita fuit, quod vero neque ex eius massae contemplatione, quippe cum illa incondita videatur, neque ex orificiis papillarum, quarum numerus vasculorum quantitati nulla tenus respondet, declarari potest.

p. 507. Inuenit itaque Noster BELLINI tubulos non simplices, sed ex diuersae magnitudinis filis compositos, ex vasis nimirum rubris sanguiferis, quos falso RVYSCHIVS post iniectionem urinarios vocauit, et ex albis, qui utrique autem a se inuicem separati disponuntur. Hi albi ductus sunt, veri, lotium excernentes, cylindrici, ubique eiusdem diametri, admodum subtiles, serpentino modo progrediuntur per ambitum medullaris globi ad papillam, et in suo progressu varia ratione inflectuntur, curuanturque aliquando in minores massulas, ex quibus iterum redeunt serpunt ad papillam. Vocat haec Cl. FERREIN *vasa serpentina, tubulos medullares, vel novos ductus urinarios*. Eorum origo iam in cortice est, ex quo abeuntes alios in medullari substantia sibi iungunt, et axin pyramidis sequuntur; inter haec tamen et alia sunt ad basin processuum, supra notatorum, exorti. Finiuntur ex his quaedam ante ad basin pyramidis quam accesserint, forte prout venae solent, trunci eorum autem parum sunt ramis minores.

p. 511. res. Ergo illa, quae in papillis conspiciuntur, aperta orificia, longe sunt alia, quae *vasa papillaria* dici debent, et admodum breues canales esse deprehenduntur. Licet vero breuiter haec adumbrare debuerimus, cum ex additis, in iconibus, delineationibus omnia luculentius compareant, non dubitamus tamen excitatum iri hacce consideratione admirationem, quam

quam tenuissimarum partium sapientissima congregatio percellit.

Vt autem certior de inuenta hac structura redderetur Cl. Auctor, et in quadrupedum et in volucrum renes studiose inquisiuit. In quibus potissimum quaedam adhuc melius patefiebant. Ex his auium renes praecipue attentione digni erant, quippe quod corticalia et medullaria vasa distincte exhibebant, simul autem singularem fabricam internam demonstrabant, quae, in diuersis licet subiectis, disquisita fuerit, inter se quibusdam conditionibus tamen conueniebat. Ex superiori scilicet lobo renis ureter, cum peluis deficiat, incipit per anteriorem renem, quem in duas inaequales quasi partes diuidit, totum descendit, hac autem in via per accedentes minores maioresque ramos in capacitate sua augetur. Superficies externa nudo oculo ex polygonis lobulis, armato vero ex gyris, cerebri aemulis, constare deprehendebatur, ita, ut in interioribus etiam locis eminentiae conspicerentur. Vasa, nunc descripta a Cl. FERREIN, *corticalia* sunt, et *medullaria*: illa coagmentata, plicata, haec vero in fasciculos coacta. Illorum tanta est copia, ut vasis tantum sanguiferis locus concedatur, in quo collocari eadem possint, sunt praeter ea aliquando in strata disposita, subtilia, non ramosa, ubique aequabiliter ampla, circumuoluta, et minores ramuli in truncum maiorem se inferunt, venarum instar, qui in medullaria vasa continuatur. Haec autem *medullaria* vasa eorumque fasciculi, interiorem renem componentes, respondent eminentiis corticalium vasculorum, maiora tamen numero sunt ac in reliquis animalibus, inter se coeunt, conum efformant, et in maiores ductus terminantur, quos *fasciculos communes* Noster appellat et qui rami ureteris sunt, postquam minora vascula omnia in unicum truncum collecta fuerunt.

P. 519. In hepatis auium contemplatione porro eodem modo res se se habuit, ut utrumque viscus analogia quadam fabricae inter se conuenire non immerito suspicatum fuisse Cl. Auctorem, inde conformetur. Siquidem portiunculae utriusque visceris, sigillatim consideratae, tantam inter se habuerint conuenientiam, ut distinctionem vix admiserint; nisi quod ob facilem bilis stasin et coagulationem vasorum directio nondum sufficienter potuerit declarari.

P. 520. In capsulis atrabiliariis tandem corticalis substantia citrina vel lutea, interior gelatinosa, rubicundaque in infantibus apparuit. Cortex pariter ex lobulis, quos glandulas esse non nulli finxerunt, et ex vasis subtilibus compositus. Ex his itaque, glandulorum viscerum fabricam tenebris adhuc obuolutam esse, demonstrare annisus est Cl. Auctor, nec vasorum sanguiferorum esse solam congeriem; alibi etiam de vasorum, sanguinem continentium, distributione se acturum esse promittit.

P. 521. Bene tamen perspicuens, si cum microscopiis institui debeant disquisitiones, opus esse exercitato in hisce rebus viro, ne, si quem spes in explorando fefellerit, autumet minus certa fuisse descripta, ad finem tractationis breuiter instruit eos Cl. FERREIN, qui in se disquisitionis opus susceperint, ut, quas partes eligere debeant, et proposita inde confirmare momenta, calleant. De his vero regulis, cum totae legi debeant, nil addere libet, inde tamen, sollicita et cauta, et saepius repetita opus esse obseruatione, in conuenientibus partibus instituenda, declaratur.

P. 531. 26) *De principio minimae actionis* Ill. DE MAVPERTVIS differit Eques d' ARCY, ostendere conatus, nec actionem recte definiri ab Ill. DE MAVPERTVIS, nec posita eius definitione, minimam a natura impendi, nec ex hoc principio legem quietis, nisi

nisi adhibita suppositione plane gratuita, deduci. Ipse autem eques aliud principium exhibet.

27) *Meteorologicas observationes in observatorio* p. 539. regio institutas anno 1749. Cl. DE FOVCHY exhibet. Frigus maximum fuit inter 8 et 9 februarii graduum $6\frac{3}{4}$ infra congelationem Reaumurianorum, calor maximus iulii 13, hora 1, p. m. grad. $29\frac{1}{2}$ supra congelationem. Altitudo barometri maxima nouembris 29, flante euro et nebula spissa, digitorum $28\frac{1}{2}$, minima februarii 18, flante vehementiore vento S. S. W, digitorum $26\frac{1}{3}$. Acus magnetica 4 digitorum, iunii 10, 11, declinauit gradus $16\frac{1}{2}$ versus N. W.

28) *Commentarius de causa motus cerebri, qui* p. 541. *observatur, cranio hominis vel animalis modiolis exciso.* Auctore Cl. DE LA MVRE. * De motu cerebri varia ab antiquis et recentioribus proposita fuerunt atque excussa, aliis defendentibus eundem, aliis iterum denegantibus. Quae Cl. SCHLICHTINGIUS et WALSTORFIUS ** huius rei causa dixerint, alibi retulimus, quo veritatem eo redderet clariorem Noster, eandem ac posterior per experimenta viam elegit: His euictum est, motum cerebri contingere ea, qua Cl. SCHLICHTINGIUS proposuerat, ratione. Sed, dum carotides ligaret arterias et denudato cerebro nullum perciperet motum, nisi his iterum resolutis, licet aequae ligatis venis iugularibus perpetuo super-

* lecta a. d. 12. Aug. 1752.

** De priori, qui suam tractationem inseruit aux *Memoir. présentes à l'Acad. Roy. des Scienc. à Paris.* Tom I. Obs. 9. p. 113 sqq. vid. *Commentar. nostr.* Vol. I. P. I. p. 8. et de posteriori eosdem *Comment.* Vol. III. P. I. p. 105, cuius experimenta, ut ut recentiora Cl. de LA MVRE nondum innotuerunt eo, quo suum tractatum conscribebat, tempore.

- superesset motus, dubius restitit Cl. Auctor, num a respiratione motus fiat. Nouis tentaminibus rem aggressus, motum cerebri, pectoris motui respondentem, inuenit, debilem vel fortem pro ea, qua respiratio fiebat, aorta, qui immisso in pulmones aere pro lubitu iterum poterat renouari, vel alternis motibus, compressis costis vel relaxatis repeti, idque dissectis etiam aspera arteria et oesophago. Facile seductus in eam deuenisset opinionem Noster, ac si aeris quaedam portiuncula per incognitas vias ad cerebrum deueniret, motum faciens, nisi dissecta aspera arteria et sublato motu aeris ad superiora eum super-
- p. 547. esse adhuc cognouisset. Vt sanguini vero cum aliis hanc spartamtribuendam esse confirmaretur, eo direxit disquisitionem, ut omnem illius ad cerebrum accessum auerteret, quod non, nisi omnibus resectis venis et vertebralibus etiam, obtineri vix poterat, quo facto vero mox omnis motus cerebri conqueuit.
- p. 549. Neque tamen hic subsistendum esse credidit Cl. Auctor, interiorum cerebri partium statum peruestigandum esse putauit, sic vidit, compressis costis cerebri fornicem eleuari cum distentione sinus longitudinalis et emitti copiose per dissecta vasa sanguinem, aereis bullis plenum, quae absque dubio inter obseruandum
- p. 551. se se immiscuerant. Sed, ut certius cuncta reddantur, dubitationisque locus non supersit, a sanguinis accessu motum exoriri, turgentibus venis leuari cerebrum, exinanitis iisdem illud descendere obseruauit, et quidem ut, motu venarum succussorio existente, idem sit in cerebro; nec non eadem contingere, si per venam cauiam superiorem aeque ac inferiorem sanguis urgeatur sursum. Huius phaenomeni experiundi causa ea propter diuersa tentamina, a se facta, sollicitè recenset Noster, causam porro, quae sanguinem in venas superiores et inferiores refluxu faciat, dispiciens, dubitationes, quae exoriri possent, discut-
- tens,

tiens, et num ad corpus humanum eadem possent applicari, ultimo disquirens loco.

Tres itaque causae accedere videntur, quae cum p. 555. exspiratione venarum tumores excitare possunt. Vel exspirationis tempore sanguis difficulter per pulmonis venas transmittitur, accumulatur in corde posteriore et venis cauis, hinc intumescencia: vel, quod alii adsumunt, contractio auriculae posterioris partem sanguinis in eas venas refundit easque distendit: vel ob vasa pectoris in exspiratione compressa sanguis facile non procedit. Prior opinio debilis est, quod p. 556. non accumulatur tantum sanguis, sed in venas et ramos etiam repellitur, et sanguis aeque facile in inspiratione per sua vasa progreditur, ac in exspiratione, cum hi motus lente, nec uno fiant impetu. Maiorem veritatis speciem prae se fert altera opinio, dummodo una durante inspiratione motus cordis posterioris unica tantum fieret vice, de qua re alibi fusius ager Cl. Auctor. Tertiam igitur amplectitur senten- p. 558. tiam, et aerem, in pectore contentum, simul defendit. Pressio autem pectoris vasorum maior est in exspiratione ac in inspiratione; cum cedant partes pectoris in inspiratione facile distendendis pulmonibus, qui multum subsidente pectore et urgente interno aere in exspiratione premuntur et vicissim truncos venarum comprimunt. Idem fit, si cum vi quadam comprimitur pectus, vel in pulmonibus clausa glottide retinetur aer et venae pressionem inde patiuntur. Hac pressione attolli tandem potest substantia cerebri, p. 562. dum sinus dilatantur, quod autem solum vix sufficit momentum, et si minores etiam venae, per omnem cerebri substantiam discurrentes et cum sinibus communicantes, distenduntur, quod praecipuum est. Venulas autem illas pariter repleti et ampliari per varia tentamina conuictus fuit Cl. Auctor, in quibus, cum intumescente cerebro, venas dissectas sanguinem plueret et dispellere notauit. Subsidenti cerebri ratio

hac pressione sublata sponte intelligitur. In foetu motus nullus erit, sed distentae aequaliter venae in prima inspiratione demum euacuationem maiorem habebunt.

p. 563. Nihilo tamen minus contradicunt huic opinioni phaenomena quaedam; a iugularibus scilicet venis ligatis non impeditur motus: at respondet Noster, inde repletio etiam fit sinuum et regurgitatio ad venas cerebri. Venis iugularibus et vertebralibus dissectis superfuit motus aliquando: sed in tentamine illo, in quo haec fiebant, absque dubio vertebrales venae non fuerunt dissectae, quod etiam ex motu post pressionem venae cauae inferioris, suspicari licet. Porro venis iugularibus dissectis motus cerebri non cessarunt: sed hoc facto exspiratio etiam violentior fit, quae simul cerebrum agit. Tandem post dissectas venas, omnibus iam cessantibus motibus, illi restituebantur, circa finem mortis, convulsione excitata, quod certissime a sanguine fieri non potest: sed et motus hi debiles erant, et momentanei et a constrictione sinuum alterna oriundi.

p. 565. Num eadem in homine contingant, dubitari non debet, quod RIOLANVS SCHLICHTINGIVSQUE similia iam obseruarunt, quod dolores quoque capitis inter loquendum et tussim aucti, confirmant, quippe cum tussis, notantibus Auctoris tentaminum Edimburgensium * paulo violentior cicatrices integumentorum diruperit. Nemo facile nescit, quid valeat respiratio aucta et praecipue exspiratio post trepanationem in emittendo pure vel sanguine et varia alia, quae inde explicationem admittunt, phaenomena. De his autem, qui fideliter et docte sua proposuit cogitata, in additamento quodam ad hanc commentationem differentem, prout promittit, in posterum audiemus Cl. Auctorem.

XI.

* Auctore JAMES JAMIESON in Med. Essay's at Edinburgh. Vol. II. no. 12. p. 245.

XI.

MICH. CHRISTOPH HANOVVS, *Professors der Weltweißheit und Bibliothecarius an dem Academischen Gymnasium zu Danzig: Seltenheiten der Natur und Oeconomie, nebst deren kurzen Beschreibung und Erörterung, aus den Danziger Erfahrungen und Nachrichten zu mehrerem Nutzen und Vergnügen ausgezogen, und herausgegeben von IOH. DANIEL TITIVS, der Weltw. Magister. Leipzig, bey Friedr. Lankischens Erben. Erster Band, 1753. 8. 1 Alphab. 17½ Bogen, zweyter Band, 1753. 2 Alph. 11 Bogen.*

Hoc est:

MICH. CHRISTOPH. HANOVII rariora physica et oeconomica, ex Gedanensium observationum collectione extracta et edita per M. IOHANNEM DANIEL TITIVM. Tom. I. et II.

Quoniam Diarium Gedanense, quod iam ab anno 1739. sub titulo: *Experientiae et relationes Gedanenses* *, qualibet mense in plagulis prodiit, varia naturae et artis curiosa et memorabilia continet, a multis etiam rerum naturalium cultoribus curiosis desideratum fuit. Sed hae ipsae plagulae, non adeo

Kk 3 copiose

* *Monatliche Danziger Erfahrungen vom Jahre 1739. mit einigen Erläuterungen mancherley ungemeiner natürlicher Begebenheiten begleitet von M. C. HANOW, P. P. Danzig, bey Thom. Job. Schreiber, 4. Singulis mensibus harum ephemeridum pars una prodiit, atque hac sub inscriptione ad annum usque 1749. continuabatur; titulo enim tunc mutato, nimirum: Danziger Nachrichten mit gelehrten Anmerkungen, ad hos ipsos, quos viuiamus, adhuc dies edere eas pergit Cl. Auctor.*

copiose editae, in multorum manus non peruenerunt. Horum vero desiderio ut aliquo modo satis fiat, ex illis pagellis rerum optimarum collectio in hoc libro traditur, quo lectores habeant ad minimum praecipua momenta, quibus res naturales cognoscendi cupiditatem exsatiari possint. Varias autem in hoc ipso libro observationes, descriptiones corporum atque rerum, quae ad regnum animale, vegetabile, minerale et meteora pertinent, certo quodam ordine disposita exhibentur, hisque passim animaduersiones apponuntur. Ipsius autem libri ordo is est: In tomi primi parte prima de rarioribus in animalibus deprehensis, et in huius classe prima de animalibus terrestribus agitur. Sectio huius prima observationes, in hominibus institutas, e. g. de numero annuo mortuorum et uiuentium in non nullis locis, de auxiliis, quibus aqua submersis succurrendum, de imaginatione turbata vigilantium, de membris frigore adustis sanandis, de partibus mirabilibus editis, de variis memorabilibus in corpore humano, e. g. pondere singulari, calculo vesicae permagno, osse in ore nato aliisque repertis, de halituum sulphureorum noxis. Sectio secunda varia, de animalibus quadrupedibus, v. c. de lue bouina Prussica, de quadrupedum quorundam insolita magnitudine, de maximo Indiae serpente, obseruata sistit. Sectio tertia pertractationes de animalibus bipedibus et volatilibus, de aquila bicipite, de urogalli nutritione per hiemem, de noctuis et gallinis. Sectio quarta de insectis, de cicada, scarabaeo, vespis, araneis, muscis, taenia aliisque varia continet. In classe secunda ex animalibus aquaticis varia momenta et in primis de maxilla in ceto, de cane marino uiuo, de gammaris eorumque lapidum mutatione et usu, de conchiliis non nullis, de piscium vesicis, de polypis circa Gedanum repertis considerantur.

Tomi secundi pars prima de rarioribus in plantis, et classis prima de vegetabilibus varii generis agit. Huius sectio prima de arboribus et fruticibus, eorum congelatione, incremento singulari, de musa, larice, euonymo, animaduersiones varias habet. Varias porro annotationes ibidem de foliis, floribus et fructibus, v. c. de persica, de malis geminis et trigeminis, de nuce cocos, malo citri grauido, de ligno splendente et petrefacto deprehendimus. In sectione secunda de plantis, earumque partibus et rebus, ad eas pertinentibus variis agitur, e. g. de radicibus, caule, floribus et seminibus curiosae adnotationes exhibentur. Pars secunda in classe secunda descriptionem Nymphaeae flore luteo et Ceratophyti continet. Pars tertia agit de meteoris eorumque effectibus, qui per solem, lunam, sidera, auroram borealem, atmosphaerae grauitatem, calorem et frigus, aeris raritatem, ventos, incendia, pluuias et niues inducuntur.

Est autem in ipso hoc libro tanta rerum pertractatarum varietas, ut eas omnes, aut ad minimum plurimas, ordine quodam recensere et diiudicare nimis longum et diffusum foret. Quo vero lectores nostri rerum naturalium curiosi aliquo modo intelligant, quid in eo ipso et quam eruditione praestitum sit, aliqua tantum specimina collecta exhibebimus. In volumine primo, parte prima, classe prima, sectione prima, tractatione nona inueniuntur rescriptum et animaduersiones de remediis, quibus aqua submersis succurrendum est. Rescriptum ipsum p. 57. iussu regis Galliae anno 1740 a societate parisiensi divulgata fuit, in qua praecipua remedia in iis, qui aqua etiam per aliquot iam horas submersi fuerunt, adhibenda sunt, commendantur. Illud auxilium, p. 59. quo submersi aqua educti, capite inuerso, pedibus suspendi solent, ut aqua deglutita ore effluat, superfluum esse videtur, siquidem in horum hominum dis-

sectorum ventriculo nulla fere aut exigua aquae copia reperta fuit. Ad eam vero, si qua ingurgitata fuerit, euacuandam potius irritatio faucium, mediante penna facta, et agitatio corporis continua aliquid conferre poterunt.

In eius modi autem hominibus, mortuis visis, resuscitandis eo in primis respiciendum esse putat, ut motus partium solidarum internarum et musculorum in visceribus irritetur et roboretur, ad quod perficiendum calor, lintea et stragula, balnea calida, fomentationes, frictiones, irritationes narium, externe applicata multum iuuant. Interne porro ingerenda sunt spiritus vini, urina calida, acetum cum pipere coctum, fumus tabaci, aut clysteres calidiores et ex fumo tabaci, aut vapores in anum immittendi sunt. Vena, et in primis iugularis secanda est. His omnibus frustra adhibitis, tandem ad bronchotomiam properandum, et aer calidus in pulmones inflandus est, quo ipso irritatio, expansio humorumque circulatio producitur. In his vero auxiliis praestandis magna patientia et constantia opus est.

p.63. His, quae hactenus allegauimus, variae animaduersiones adnectuntur. Antequam itaque supra dicta remedia adhibeantur, omnino disquirendum est, an non quaedam adhuc signa in corpore submerso adsint, quae aliquam vitae recuperandae spem facere possint. Haec consistunt in vita debili. Vita debilis autem ea est, quae per signa vitae fortioris se se non amplius manifestat, et sub qua homo certo perit, nisi aliis auxiliis excitetur. Quando ergo homo nullam irritationem externam sentit, nulla respirationis vestigia adsunt, pulsusque nullus percipitur, omnis calor corporis abest, vita omnino debilis est; haec vero aliquo modo clarius cognoscitur, ex vigore oculorum aliquo; eorum humoribus adhuc fluidis, vasorum colore bulbique nitore; ex calore interno, qui thermometro apto, prius in aqua, in qua suffocatus detinebatur,

batur, deinde in anum intruso determinatur; ex venarum ligatarum tumore, sanguineque ex iis punctis effluente; ex pulmonibus, ab aere inflato commotis, et ex putridi foetoris absentia. Submerforum corpo- p. 70.
ra ab iis, quae alio mortis genere perierunt, differunt ex colli et faciei rubore et tumore, ore spumante, muco e naribus effluente, lingua intra dentes admorfa, regione umbilici et infimo ventre tumido, pulmonibus et ventriculo ab aere distentis. Illi, qui alias in aqua versari solent, submersi diutius vitam minimam retinent, quam alii, qui huic non adfueti sunt. In non nullis, per plures horas in aqua iacentibus, vitam tamen superfuisse, ex variis exemplis adductis declaratur.

Eadem haec remedia, quibus in submersis vita p. 74.
refuscitari solet, etiam in aliis, nimirum in infantibus recens natis, in iis, qui lapsu grauiori ex alto mortui videntur, in exstasi correptis, hystericis, fulmine tactis, suffocatis, strangulatis adhibenda esse, Cl. Auctor suadet.

In volumine secundo, classe prima, sectione se- p. 227.
cunda, no. 2. de caulibus plantarum fasciatis agitur. In variis plantis, in corona imperiali, martagone, lilio, campanula, asparago aliisque hos caules reperit Auctor. Ipsi vero hi caules mox ex duobus, mox ex tribus, in unum coaliti sunt, ita, ut coalescentiae vestigia vel distincte cognosci possent, vel non. Alii plantarum caules in satis altam longitudinem adscendunt; alii quoque plus minusue copiosos flores et semina ferunt, et laete crescunt; alii denique incuruantur, vel vario modo in se inuicem circumuoluuntur. Huius coalescentiae rationem Cl. Auctor ex gemmis, in bulbo et radice sibi inuicem arcte adpositis, et uno eodemque succo nutritis, deducit. Ipsam p. 249.
vero coalescentiam non adeo frequentem, uti OLAVS BORRICHIVS statuit, esse, nec ab intemperie loci, sed a nimia fertilitate et succi copiosi nutritii adfluxu

deducendam esse putat, et quatenus vel pauciores, vel copiosiores succos nutritios accipiant, ea tenus crescunt lætius, et plures flores seminaque proferunt. Ipsa figura caulium mutata et curuata, a causis externis et coeli plagis aliquo modo provenire videtur.

Quod vero etiam in nodis caules augeantur et sibi inuicem adcrecant, ex medulla in nodis collecta, unde caulium gemmae oriuntur, dependet, et quidem eo magis, quo copiosius adducitur nutrimentum. Acris succus, qui radices potius destrueret, hanc coalescentiam producere nequit.

p. 289. In eodem volumine, sectione eadem de *secali cornuto* et *adusto* observationes variae deprehenduntur. Harum prima est epistola, a quodam verbi diuini ministro, MONETA dicto, transmissa, in qua varia momenta, hanc rem concernentia, continentur. Grana cornuta in tritici, hordei, in primis vero secalis aristis deprehensa, coloris obscure bruni et diuersae magnitudinis obseruantur. Haec grana ne-tiquam pro morbosis naturae productis et a mellis rore ortis habenda sunt. Ex obseruationibus enim ruricularum constat, haec grana farinam optimam praebere et largiorem granorum cerealium prouentum promittere. Haec porro quando obseruantur, fertilem annum, messëmque uberiorem adnunciant; siquidem satis superque ostendunt, non solum in omnibus aristis ad grana nutrienda sufficientem succum adesse, sed eundem quoque abundare. Ab huius succi abundantia, qua turgent, multa rumpuntur grana, ipseque sub consistentia gelatinosa effluit, ab aere condensatur atque simul magis magisque augetur, unde secalis cornuti origo.

Quando ergo sterilis est annus, et cerealium grana multa inania sunt, succi nutritii sufficientes deficiunt aristis, adeoque nullum secale cornutum progignitur.

Vstilago in omnibus cerealibus, in primis vero in p. 292. tritico, inuenitur. Binae huius dantur species, Germanis dictae: *Gemeiner Schmutzbrand* et *Knoten oder Steinbrand*. A prima specie aristae nigrae, adustae, inanes, grana mollia, rupta, cum puluere nigro contento apparent; qui vero puluis innoxius est et ab aere facile dissipatur. Altera species maiorem grani adfert noxam, et difficilior est cognoscenda; loco enim grani in gluma corpusculum rotundum apparet, quod puluerem nigrum in se continet, a quo grana consperguntur et corrumpuntur.

Vtrum vero eius modi grana ex ipsa terrae differentia, an ex coeli aerisque temperie, an a fulgure, quando fecale floret, originem suam trahat, Auctor quaerit. Remedium ipse commendat, quo nempe femina, in terram spargenda, antea calce viua humida misceantur. Sed neque hoc semper auertit malum, ergo alia optat et desiderat meliora.

Ad hanc epistolam insertam legimus responsum, p. 294. a Cl. HANOVIO datum, in quo varias animaduersiones ab eo ipso, ab Ill. WOLFIO et Collectionibus Vratislauiensibus hac de re sumtas, adducit. Huius fecalis cornuti causam et originem superius prolatam adsumit creditque membranam, grana fecalis inuoluentem, eodem modo, uti ea, quae ossa animalium obducit, disrumpere, in quibus ossibus, ubi membrana non consolidatur, excrescentiae male formatae oriuntur. Dubiam vero rationem allegatam inde reddit, quoniam in granis sibi transmissis nullas excrescentias, ipsaque grana prae naturalibus minora obseruauerit, ideoque ad succi nutritii superflui adfluxum hic non certe esse concludendum argumentatur. Nec aliqua huius fecalis cornuti copia cum reliquis granis mixta, et in victu comesta, non tantas in corpore noxas producere videtur, uti a variis adnotatum fuit: interim tamen in corporibus diuersis
male

male dispositis tanquam occasionalis causa quosdam effectus peruersos excitare potest.

p. 300. Varias post haec differentias inter grana fecalis cornuti et ustilaginis denotat Cl. Auctor. Secalis cornuti granae externe plane nigricantia, interne vero grysea, et odore vappida sunt, et per microscopium considerata monstrosa oculis apparent; eorum farina albicans est, ipsa grana densa atque dura, et in aquam iniecta subsident. Grana frumenti ustilagine quoad faciem externam non mutata sunt, magnitudine minora quidem prae reliquis; interius vero nigra sunt, farinam corruptam aut facile dissipandam, aut induratum continent, nec in aqua fundum petunt, sed supernatant.

p. 306. Nunc additamentum ad epistolam superiorem insertam de fecali cornuto et ustilagine sequitur, in quo adnotatur in tritico interdum etiam aristas inueniri,

p. 310. quae grana bona et adusta simul contineant. Inde colligitur, hanc ipsam adustionem a fulgure, florendi tempore orto, prouenire, quod vero adsertum in animaduersionibus, huic additamento appositis, aliquo modo dubium redditur.

p. 313. In epistolae superioris MONETAE explicatione uberiori varia quoque adduntur. Odor granorum fecalis cornuti vappidus et ingratus non ab ipsa eorum natura, sed ab humiditate adhaerente in vase clauso potius ortus esse videtur. Nec malos effectus ab ipsorum usu prouenisse unquam obseruarunt ruricolae. Nec ustilaginis prouentus temperiei humidae adscribendus erit, siquidem etiam sub sicca anni temperie

p. 317. eadem obseruatur. Triticum ab adustione purgatur, dum cum niue gelida miscetur et agitatur, in qua mixtione niues omnes impuritates nigras attrahunt.

Et in hanc explicationem Cl. HANOVIVS suas animaduersiones addidit adseruitque, hoc frumentum comestum omnino noxium esse; et probabiliter a temperie humida aliquo modo dependere, in primis autem ab eadem causa, quae copiosum frumentorum

rum

rum prouentum largitur. Purgationem frumenti ab atro puluere, cum niue institutam, minus commodam censet, ideoque lotionem cum aqua ipsi praefendam suadet.

Additamentum aliud et ultimum varias adhuc observationes de fecali cornuto exhibet. Grana huius frumenti nigra eodem modo, ac alia, glumis adhaerent, incuruata tamen sunt et interius gryseo colore et odore nullo praedita. Aristae iusto minores sunt et quaelibet minora et macilentâ duo vel tria grana continent. Illa quoque membrana obducuntur, quae vero in variis disrupta est, nec ipsa maceratione cum aqua, uti sana, emolliuntur.

Ex his itaque intelligitur grana fecalis cornuti non p. 325. a succo nutritio superfluo, sed a corrupto originem suam trahere; alias enim non in aridis aristis deprehendenda forent. Ex substantia horum granorum densa et dura in maceratione cum aqua, per quinque septimanas instituta, non mutata, et ex materia nigra adhaeresciente non abstergenda iudicare licet, farinosam eorum materiam non perfectam et maturam, adeoque minus nutrientem, sanitatique minus conuenientem esse. En! itaque, lectores, habetis non nullarum tractationum momenta praecipua, ex quibus ad alias res, in hoc libro pertractatas, et Cl. TITII industriam adhibitam concludere poteritis.

XII.

Oeconomisch-physicalische Abhandlungen. Sechster Theil. Leipzig, bey C. L. Jacobi. 1753. 8. 16 Bogen.

Hoc est:

Oeconomico physicae dissertationes. Pars VI.

Sequentia a nobis aliquo modo diiudicanda sistit praesens volumen:

1) Dis-

- 1) *Disquisitionem de cancris.* Etsi quidem alios viros claros, SACHSIVM, CYPRIANVM et HOHBERGIVM olim iam multa de cancris protulisse, anony-
p. 261. nymus concedat auctor; sperat tamen se quaedam adhuc momenta adducturum esse, quae ab illis aut omissa, aut non observata fuerunt. Ante omnia cancri descriptionem eiusque varietates adducit, et post ea de cancris, in Germaniae aquis dulcibus re-
p. 269. periundis, fusius agit. In consideratione partium huius animalis a capite incipit, cuius oculos, antenas, pectoris crustam, os, dentes, linguam, barbam quoad structuram disquirat, et ad corpus ipsum con-
p. 278. siderandum se conuertit. In interna eius superficie a latere membrana flexilis elastica adnotanda est, quae loco diaphragmatis ad respirationem adiuuandam facta esse videtur. In media corporis parte in futura crustosa umbilicus, ut eminentia parua, attamen dura, cernitur. Chelae duae, pedes octo numerantur.
p. 296. Partes genitales externae, etsi quidem difficile detegantur in hoc animali, tamen in utroque sexu inveniuntur. Nunc structuram partium internarum examinat Cl. Auctor. Cerebrum atque cerebellum in occipite distincte cognoscuntur. Sub hoc ventriculus situs est, oesophago breui adhaeret et ex membrana densa firmaque factus est, in cuius fundo dentes tres acuti positi sunt, quibus relictæ alimentorum partes comminuuntur. Sub ventriculo cor situm est, quod motu suo se se manifestat. Cor ipsum circum cingitur ab hepate satis magno, infra quod intestina tenuia adfixa haerent. Partes genitales internae masculinae in eodem loco prostant, et vasa spermatica sub filamentoso illo contextu albo sistuntur; feminina vero, ut ovarium, uterus et vagina, duplicata apparent. Intestinum rectum a ventriculo per caudam in linea re-
p. 309. ctâ usque ad orificium excurrit. Sanguine, qui in vasis mouetur, non destituuntur, licet eiusdem color non rubi-

rubicundus inueniatur, ideoque a reliquis humoribus difficile distinguatur.

Partes carnosae omnes membrana molli inuoluuntur, quae suo tempore in crustam mutatur. Sub crusta in utroque sexu ad ventriculum lapides reperiuntur, qui ex succo lacteo coagulantur, concresecunt et obdurantur, suo autem tempore iterum consumuntur et soluantur; quorum particulae solutae, et digestionem per reliquas corporis partes transmissae nouae crustae formandae forte materiam duram praebent. Anima sensusque interni cancris non denegantur, et externi ex ipsorum exercitio cognoscuntur. Generationem illorum quod attinet, bis per annum, primo nempe vere et ultimo auctumno, coeunt, feminae grauidae fiunt, est post duos menses praeterlapsos primum circa finem maii, deinde circa initium decembris foecunda oua ex utero emittunt, quae sub cauda incuruata in uno quasi cumulo, ope glutinis visceris, cohererent, fouentur, et intra mensem excluduntur, atque ita intra annum incrementum perfectum consequuntur, quod per omnem vero vitam continuo augetur. Magnitudo maxima nostrorum in diametro est digitorum duorum cum semisse, longitudo vero digitorum septem et semis.

Praecipuum vero praee aliis animalibus id nostrum habent, ut ipsorum membra vel fracta vel amissa denovo crescant, quam facultatem Auctor in intima partium structura positam esse adfirmat. Singularis porro est crustae mutatio, nostrates vocant *Mausfern*, qua non solum crustam externam suo tempore deponunt, nouamque ex membrana densa factam induunt, sed etiam aliae partes, v. c. ventriculus, nouis membranis obducuntur; quo ipso tempore hoc animal quietum se seruat, et ne fame pereat, veteres ventriculi tunicas digerit sepositas, et inde nutritur. Haec mutatio, quae intra viginti octo dies circiter absoluitur, ideo fieri a natura videtur, ne animal a crustosis partibus

P. 345. tibus nimis induratis, in motu suo impediatur. Haec postquam pertractauit Auctor, de ipsorum motu locali agit, ostenditque non lunae influxum, sed varietatem alimentorum et tempestatis vicissitudinem ipso-

P. 361. rum nutritionem et incrementum mutare. Praeter haec de cancerorum viuendi modo, eos captandi artificiiis, conseruatione usque varia momenta adiecta leguntur.

P. 378. No. 2. *De mutatione telluris* differit Cl. GOTTFR. AVG. HOFFMANN, variisque argumentis hanc rem illustrat.

P. 428. No. 3. *Meditationes de piscium morbo Feig dicto.* In non nullis quarundam aquarum piscibus dissectis massa quaedam viscida, longa, alba, pellucida, circa intestina conuoluta deprehenditur, in qua separata motus vermiformis et vita obseruatur. Est vero haec ipsa materia, uti Auctor noster tum ex ipsa sectione piscium, tum ex variis in iisdem mutationibus didicit, nihil aliud, quam vermis et quidem ad teniarum genus referendus.

Hic vero vermis non in omnibus piscium speciebus inuenitur, nec in omni aqua generatur. Aquae purae, mobiles, quarum fundus sabulosus est, eundem non producunt, cum e contrario aquae stagnantes in fundo pingui putridoque, et impurae, huic malo producendo aptae sunt. Multum porro confert anni P. 433. tempus, quale est autumnale. Morbus hic verminosus in piscibus praesens ex variis signis cognoscitur. Abdomen enim est tumidum, reliquum corpus macilentum, oculi turbidi prominent; caro sicca, ingrati saporis; piscis ipse tristis, piger, tamen inquietus, deprehenditur. Eadem ratione, qua alii varii vermes in reliquis corporibus, in primis vero animalibus, generantur, variaque symptomata molesta efficiunt, in piscibus id fieri Auctor ostendit. Semen enim

enim verminosum, per alimenta in canalem intesti-
norum introductum, in impuritatibus a copiosis ali-
mentis ingestis et corruptis fouetur et euoluitur, id-
que eo magis, quoniam in eius modi piscibus, per
aetatem bene nutritis et obesis factis, maior materiae
viscidae copia ad intestina ex humoribus deponitur;
quae dispositio morbosa et corruptio eo maior fit in
iis, qui parum mouentur. Hi vero vermes non so-
lum ab ouulo deglutito excluduntur, sed etiam quan-
do plura eius infecti oua ingeruntur, noua generatio-
ne propagari possunt, ideoque eorum plures in pisci-
bus saepe inueniuntur. Ipse autem hic vermis, in p. 465.
intestinis nidulans, aut dum intestina corrodit, de-
struit et exulcerata reddit, simul perit, aut ipse vel
taedio, vel a natura interdum mortuus, interdum
uiuus eiicitur. Contra hoc vero malum nullum ad-
huc remedium inuentum esse, et si quod daretur, dif-
ficile tamen applicari posse, tandem Auctor conce-
dit.

No. 4. Ad illustrandum sextum septimumque ca. p. 470.
put tractationis de emendando thermometro florenti-
no supplementum addit Cl. ORTH, huiusque usum
variis adductis scriptorum testimoniis, pluribusque
euincere argumentis non sine fructu conatur, quae
tamen enarrare omnia diffusum nimis foret.



XIII.

CAROLI FRIDERICI HVNDERTMARK, Phil.
et Med. Doct. et P. P. Lips. Acad. Imp. Nat.
Cur. et Reg. Holm Coll. Inst. Scient. et Art.
Bonon. Acad. De mercurii viui et cum sa-
libus varie mixti summa in corpus humanum
vi atque efficacitate, eiusque cum sulphure
laxius vel arctius coniuncti virtute in idem
nulla, liber singularis, in quo simul varia che-
miae capita illustrantur. Lipsiae in off. I. F.
Gleditsch, 1754. 4. mai. pl. 10.

p. 3. Cum Cl. Auctor in dissertatione, pro loco in fa-
cultate medica Lipsiensi obtinendo proposita,
specimen academicum exhibendum susciperet, is in
rebus chemicis disquirendis semper occupatus, de
mercurio heroicorum medicamentorum facile princi-
pe et variis ex eo praeparatis remediis, speciatim de
cinnabari egit. *Mercurius* ei dicitur *corpus fossile, ar-
gentei coloris, maxime fluidum, nullum corpus, metal-
lis et semimetallis fere omnibus exceptis, madefaciens,
opacissimum, pondere ab auro proximum, in partes
infinite minimas, sui omnino similes diuidendum, nec
tamen in distincta quaedam resolucendum principia, fri-
gidissimum, sed nullo frigore noto congelandum, leniori
igni, quem citissime copiosius arripere animaduertitur,
in vapores extenuandum, et abigendum in aerem, ad
μεταλλογένεσιν quam maxime facere visum, eaque de
causa metallorum, perfectiorum in primis et puriorum,
menstruum omnino commodum.* Definitionem hanc,
quae omnes mercurii affectiones concinne proponit,
in additis notis erudite illustrat, praecipuas Auctorum
p. 16. de eo sententias enarrat et accurate diiudicat. Simili
quoque ratione varias veterum recentiorumque opi-
niones de usu mercurii viui externo et interno in exa-
men

men vocat, mercurium cum salibus tractatum, quatenus varia medicamenta officinalia exhibet, considerat, et ea, quae aptum praeparandi modum concernunt, abunde docet. Cum autem mercurius dulcis ipsi optimum, ex mercurio cum salibus tractato productum, esse videatur medicamentum, varias methodos, quibus mercurius varie cum salibus tractatus, in primis sublimatus corrosivus, dulcis redditur, exponit et diiudicat. Vehementissimam autem huius medica- p. 36.
menti acrimoniam non mercurius acido spiritui adiuncto inducit, *sed acidior et meracior illorum spirituum mineralium pars et a mercurio et a metallis quasi a magnete ferrum, quam avidissime et copiosissime alligitur et attrahitur, ideoque iisdem, coacta magis et coacerata quam firmissime agglutinatur.* Mercurius itaque acidis iunctus acrior vel cum aqua lavando, vel calcinando, vel spiritu vini superaffuso, vel ab eodem abstracto dulcis redditur, genuina vero methodus mercurium viuum mitigandi in trituratione cum mercurio viuo et sublimatione quinquies vel sexies repetita consistit, quam Cl. Auctor accurate describit.

Vti vero mercurius cum salibus tractatus insigni p. 41.
efficacia praeditus est, sic sulphuris accessus eius vim prorsus infringit. Aethiops itaque mineralis a multis in persanandis variis morbis laudatus, Cl. Auctori iners quoddam dicitur medicamentum, cum sulphur vel sub frigida trituratione, vel moderato caloris gradu applicato, mercurio iunctum huius effectus impediatur. Ex hoc asserto facile deducitur, cinnabari, in cuius praeparatione mercurius sulphuri mediante sublimatione iungitur, nullos prorsus effectus adscribendos esse, additur tamen cinnabari factitia tutius uti posse medentes, quam natiua, huic enim peregrinae et arsenicales saepe partes adhaerere solent. Vti vero variarum cinnabaris specierum praeparationes, accurate definiuntur, sic potissimum de colore eleganti

p. 56. huic producto naturali vel chemico conciliando non nulla proponuntur. Non solum vero aethiops iners medicamentum dicitur, sed non sine ratione ostenditur, eundem pondere suo debiles ventriculi fibras laedere posse. Vimanthelminthicam, ad quam non nulli, experientia edocti prouocant, a medicamento, per triturationem parato, ideo tantum obtineri ostendit Cl. Auctor, quoniam non nulli globuli mercurii viui se se extricant. Ipse vero vim diaphoreticam ab aliis laudatam non concedit, sed ad assertum BOERHAAVI prouocat, qui praeter anthelminthicam nullam eidem attribuit vim. Idem iudicium de cinnabari fertur, cuius inertia, non obstantibus vanis aliorum laudibus ostenditur, et variis Auctorum testimoniis declaratur.

p. 70. Subnectitur tandem tractatio de omnis huc usque examinati mercurii in corpus nostrum vi et efficacitate, et in genere ostenditur mercurii vires difficile explicari, cum ille in corpore ipso in varias formas mutari videatur. Halitus mercurii, quo subtilior, eo perniciosior deprehenditur, quod ii, qui mineras mercuriales tractant, vel metalla ignobiliora, mediante mercurio, auro obducunt, satis experiuntur, quorum itaque vitae incommoda succincte enarrantur. Hinc noster concludit, eos, qui mercurium, ex cinnabari per ignem sub forma fumi excitatum, aegroto corpori applicant, sanitati non consulere. Mercurius cum aqua coctus huic vim anthelminthicam tribuit, ipse vero ut fluidum densum per canalem alimentorum transit, faeces tenacissimas perrumpendo aluum soluit, et vermes delet. Idem cum terebinthina et axungia subactus, frictione calida in primis ad articulos applicatus, lymphae sanguinique admiscetur, ipse etiam crudus cum saccharo tritus, et ore assumptus eandem viam petit, stimulum cordi et vasis iniicit, eoque nec non pondere viscidos aliosque peruersos humores resoluit, et per varia colatoria in primis per vias saliuales educit.

ait. Licet itaque variis his modis applicatus corpori varia incommoda inducat, efficacissimum tamen et heroicum medicamentum omni iure appellari potest.

An vero mercurius pondere suo omnes hos effectus producat, merito dubitat Noster; cum enim mercurii, cum variis salibus coniuncti, non nulla grana, partitis vicibus propinata, tales effectus producant, qui a maiori dosi mercurii viui vix obtinentur, nec ex pondere minimae partis mercurialis, neque ex sale delenito parcius agglutinato eius vires aestimari posse Cl. Auctor monet, et cum Ill. VAN SWIETEN haec cuncta a singulari mercurio insita natura, per experimenta solum cognoscenda, proficisci assumit.

Quaestio etiam oritur, an mercurio viuo copiosiori, an pariori a chemicis varie tractato uti debeant medentes? Mercurium viuum praestare Cl. ASTRUC afferuit, Nostrum vero habet contradicentem, qui nimirum mercurium frequentiori circulo sanguinis circum actum, attenuari, nervis inimicissimum fieri, et ossa penetrare in iisque colligi declarat, ex quibus causis varias aerumnas eorum, qui mercurialem inunctionem passi fuerunt, deducit, et mercurium salibus iunctum reliquis medicinis mercurialibus praestare ostendit. Tandem argumenta, quibus vires cinnabaris potissimum adstrui solent, eneruat. Ex quibus omnibus patet Cl. Auctorem in erudito hoc libello historiam mercurii et mercurialium medicamentorum egregie declarasse.



XIV.

Kongl. Svenska Vetenskaps Academiens Handlingar för Or 1751. Vol. XII. Med. Kongl. Academiens Tillstånd. Tryckte i Stockholm hos *Lars Saluius* på des egen Koftnad. 8. mai. plag. 20. tab. åen 10.

Hoc est:

Academiae Regiae Suecicae Scientiarum Acta. Annus 1751. Vol. XII.

p. I. 1) **D**e *parallaxi et aberrationibus fixarum*, quae astronomi detexerint, Cl. VARGENTIN recenset.

p. II. 2) *De Salmonis proprietatibus et piscatura in fluviis norwegicis* observationes collegit NIC. GISLER. Prima, quam hic exhibet, particula fluuios describit quoad originem, cursum, ripas, cet. unde nos generalia quaedam (de singulis enim fluuiis agit) excerpemus. Lacus, quos flumina transeunt, latissime se extendunt, fluuiorum vero ripae, cum territorio adiacente humillimae, et aequabiliter maxime extensae sunt, quo propiores montibus locisque syluestribus reperiuntur. Decem vel duodecim miliaribus a mari, fluuii in canales angustiores coguntur, inter ripas altiores conclusi. Fluuii, ubi mari proximi sunt, a ripis suis plerumque plus auferunt, quam in locis remotioribus, cum ibi plus arenae et terrae minus cohaerentis sit. Similiter varia de incrementis fluuiorum, de congelatione illorum, cet. refert.

p. 31. 3) *Variolis confluentibus quo modo praecueniatur*, ut vel omnino euitentur, vel benigniores saltem habeantur, ostendit NIC. ROSEN. Cum ob viciniam aut consortium variolis decumbentium, euitari non possint, praescribit infantibus laxatiuum lene ex manna vel simile, aerem ab iis, quantum fieri potest, arcet, falsos cibos et aromaticos vetat, praeter ea
nullos

nullos, parcius tamen ut carnibus vescantur, iubet; plus, quam solent, ut bibant, permittit, pilulas praeservatrices quatuor vel quinque septimanis prioribus, bis singulis septimanis, adhibet, c. gr. diebus lunae et veneris vesperi, post ea semel singulis septimanis sumi sufficit. Dosis cuilibet definienda, unde mane sequenti bis circiter leniter purgetur. Biennibus plerumque pilulas tres exhibet, triennibus quatuor, quinquennibus sex. Quam primum infantes, quibus haec remedia adhibentur, signa variolarum monstrant, pilulas nullas amplius illis dat. Vnicus aliquando, inscio illo, secundo contagii die illas sumit, in cuius facie tertio die maculae nigrae apparuerunt, quae quarto die evanuerunt, infans bene se habuit, neque lectulo adfixus fuit, verasque variolas demum, quatuordecim post diebus, quinque saltem in facie ostendit, ita benignas, ut vix morbus viderentur. Remedia haec a biennibus infantibus ad pueros nouendecim annorum probata sunt, neque vel minimum incommodi contigit, per duos vel tres menses illis usis. Pilulae praeservantes hae sunt. *R.* Calomelan. rite ppti, camphorae, extracti aloes aquosi ana gr. XV. resinae Guaiaci gr. XXV. M. F. a. l. Pilulae pond. gr. ij. fol. *D* obduc. Maioribus natu granum calomelas additur, infantibus camphorae aliquid demitur, praecipue si pilulae recentes sunt.

4) *IUSTVS GODOFR. GVNZ cor et iecur partus p. 34. octimestris* describit. Dissecuit Cl. Vir in theatro anatomico lipsiensi, anno 1748, a femina, morbo venereo laborante, mortuum editum. Iecur maximum alias in partu, hic exiguum erat, ut totum interius ante costas iaceret. Decrat processus ille peritonaei, quem ligamentum hepatis suspenforium appellant; alter enim processus, qui venam umbilicalem sequitur, una cum hac vena ad ultimam fissuram hepatis desinebat, ut nihil eius esset supra marginem acutum hepatis usque ad eius superficiem conuexam. Hoc

exemplo WINSLOVII sententiam credit firmari posse. Noster, processum hunc neutiquam pondus hepatis suspendere, si illa novis argumentis indigeret. Canalis venosi loco ramum ipsius venae portae reperit, cuius origo loco consueto erat, sed utrinque per hepar in ramos varios diuidebatur, ut vix iudicari possit, quis eorum in venam cauam infereretur. Igitur falluntur, qui canalem eam ob causam a creatore factum credunt, ut sanguis a vena umbilicali veniens ei, qui a vena portae fluit, locum faciat, et hinc statim ad cauam pergat. Contra firmari existimat, quae olim in commentatiuncula in HIPPOCRATIS libellum de dissectione protulit, sanguinem, quem embryo a matre accipit, propter ea ad hepar duci, ut satis dissoluatur, et aptior reddatur, quo per angustissimos canales embryonis fluere possit, cum in pulmonibus mutationem nullam subeat. Eundem usum hepatis in adulto esse credit, praecipue cum pluribus observationibus conuictus sit, bilis secretionem potissimum ope arteriae hepaticae contingere. Iniectiones certe per arteriam hepaticam facilius in ductus biliares penetrant, quam per venam portae. Quod cor attinet, canalis arteriosus non ex ipso arteriae pulmonalis trunco, sed ex eius ramo sinistro oriebatur. Foramen autem ovale et membrana, ei versus auriculam dextram obtensa, minor multo erat, quam solet esse in foetu octimestri, totque foraminibus pertusa, ut reti esset similis; margo vero eius liber cornubus duobus claudebatur, quae parieti superiori et anteriori sinistro auriculae sinistrae laxae adhaerebant. Haec membranae conditio de sententia Cl. MERY dubium mouit. Licet enim sanguis per membranam perforatam ab inferiore auricula ad superiorem libere fluere posse videatur, credibile tamen est, eum, qui a venis pulmonalibus in auriculam inferiorem cadit, non resistere posse ei, qui est in auricula superiore, quia

quia prioris minor est et massa et velocitas, posito scilicet, utramque auriculam simul repleri.

5) *Hemicraniam, secta arteria temporali leuatam*, p. 37. narrat Cl. DANIEL NISSER. Dolorem grauissimum sentiebat aeger in regione partis squamosae ossis temporum. HESSELIi consilio chirurgus NISSER sanguinis uncias duodecim ex arteria temporali emisit, statim leuatus est dolor, qui viginti et tres septimanas, remediis pluribus frustra adhibitis, durauerat. Profluente sanguine adhuc calido, rubra pars a serosa statim separata est, serosa aquae impurae grumosae simili; statim vero coibat, et cum refriguisset, sanguis gelatinam ex gryseo coeruleam, tegmine crasso, mucoso, viscido, eiusdem coloris tectam, exhibebat.

6) *Constructionem aliquam geometricam optici pro-blematis*, quam Cl. KLINGENSTIERNA in actis 1749. dederat, demonstrat SAM. DVRAEVS.

7) *De venis quarzosis (Quarzgänge) inuestigandis*, p. 42. cum hiatibus (*Klüfte*) interuenientibus abruptae sunt, agit AND. SWAB et ad auri fodinas Aedelforsenses adplicat, eodemque pertinentia sub no. 8. DANIEL TILAS, et ANT. SWAB sub no. 9 exhibent. p. 48.

10) *Modum grana frugum bouum ope excutiendi, orientalibus usuatum, Suecis commendat* EDVARDVS CARLESON. Machinam negotio commodam et omnia eo pertinentia describit, ut illa, cum in Turcia quatuordecim annos degeret, vidit. Vrget vero minimarum impensarum esse hanc methodum, et cum regiones, in quibus adhibetur, ditiores multo hominibus sint, quam Suecia, tamen homines illi negotio non adhiberi. Ipse vero hac methodo iam cum fructu usus est. p. 49.

11) *Apis nigra abdomine fasciis sex flauis interme-* p. 56. *diis tribus interruptis, tribus anticis lamellis perforatis instructis, Suecis Sikt-Biet, describitur a* DANIELE ROLANDER.

- p. 60. 12) *Geometriam fodinis agendis (Grubenbau) applicat, usumque in auraria Aedelfors ostendit* AND. SWAB.
- p. 69. 13) *Herniam dorsalem, numquam adhuc descriptam, a CHRISTOPH. HEINR. PAPEN observatam, cum academia communicavit* Ill. DE HALLER. Legitur observatio haec germanice *im Hamburgischen Magazin*. Vol. VI. p. 524.
- p. 73. 14) *Ex diario Academiae edita sequentia huc pertinent: Ludi moderator Tornensis Vigelius inter alia loci sui remedia domestica, sequens, ad tumores mammarum sexus sequioris pertinens, exhibuit: Sumatur albi graeci nostratis copia, super asserem quodam in farinam comminuenda; crassiores particulae cribro separentur, et addito cremore lactis dulci in vase exiguo ad ignem lenem horam circiter coquatur; novus cremor addatur, rursusque coquatur, et dum coquitur, baculo perpetuo agitetur. Ita ad pulvis consistentiam cogatur, remotum ab igne, per linteum crassum exprimatur, in vase servandum. Eo mammae unguntur, calefacto leniter, si congelaverit. Ante quam ungendo adhibeatur, baculo agitari debet; si vulnera caua insint mammis, fundus eorum pluma unguento tincta inungitur, aut gossypium coctum inditur, superiores partes non inunguntur, ne coeat vulnus, interioribus nondum sanatis, adstringit enim unguentum.*
 Cl. ACREL. ovum gallinae alio factum ostendit. De insulis quibusdam natantibus, mox meris, mox emergentibus, Cll. LIVMGQVIST et IVSTELIUS Academiae retulerunt, et Cl. WASENIUS oeconomica de gallinis curandis. His primum trimestre absoluitur.
- p. 81. Secundum trimestre VARGENTIN *historia methodorum zoologicarum* orditur.
- p. 91. 2) *Trabium, quae in fodinis oblique adscendenti-
 bus adhibentur, ut super eas minerae commodius possint*

sint extrahi, positum optimum ex geometria definit

ANDR. SWAB.

3) *De Salmone observata sua* continuat Cl. GISLER, p. 95. etiam de natura et proprietatibus piscis agit uberius, quam ut sequi illum hic possimus.

4) *Molendina pneumatica ita construere docet*, ut p. 130. cessante vento ab equis possint agitari, CARL KNUTBERG.

5) *Plantas et folia, quibus vrogalli* (Tetrao cauda p. 132. bifurca Linn. Fl. Succ. 168. Birkbahn), quos mansuetos habere Suecos ex hoc scripto patet, nutriantur, recenset IO. OTTO HAGSTROEM.

6) *De positu fibrarum muscularium, ad costas pertinentium*, agit Cl. DE SAUVAGES statica nixus, et ad calculos quaestionem reuocans, ad HAMBERGERI autem partes accedens. Monet Academia litem illam suam se non facere.

7) *Saccharum, quo modo in America boreali ex arboribus et plantis variis praeparetur*, narrat PETR. KALM.

Trimestri tertio haec insunt:

1) *De ornithologia* VARGENTIN agit, nam ante p. 161. ad quadrupedia substituerat.

2) *De Salmone* pergit GISLER, *ad piscaturam pertinentia* explicans.

3) *Potum, qui in America septentrionali ex abiete piceae foliis breuibus, conis minimis, paratur*, describit Cl. KALM. Abietum rami in ahenis aeneis coquantur, additis granis tostis frugum, ubi hordeum secali et tritico praestat, mays vero omnibus; grana ad modum fabarum cafe torrentur. Adiiciunt etiam frusta panis tosti, colorem fusco flauum, saporem gratiorem et nutriendi quamdam vim potui conciliantia. Cum dimidium aquae in vapores abiit, eiiciuntur rami abietini et liquor filtratur, cui deinde syrupus additur, quo gustus, a ramis et resina in illis contenta oriundus, tollatur.

4) Fal-

P. 195. 4) Falconem capite nudo aegyptium, montanum, describit Cl. HASSELQVIST. Ex Aegypto descriptionem misit. Falcones hos illaesos colunt Aegyptii, usumque hunc aves illis adferunt, ut cadaueribus animalium, quae negligentissimi proiciunt, vescantur. DE MAILLET *Ibin* esse suspicatus est, Noster vero, quis avis Ibis fuerit, difficulter erui posse existimat.

P. 205. 5) GEORG. BRANDT *ferri ad alia corpora habitudinem, et unde variae eius conditiones oriuntur*, explicat. Ex insigni experimentorum memorabilium copia, pauca speciminis loco adducemus. Ferrum auro misceri potest, ignis vi liquatis metallis, oriturque massa grysea, non multum ductilitatis habens, si aquae partes fumantur, a magnete vero trahitur. Ferrum, argento aequis partibus commixtum, albedinem argenti imitatur, minus tamen flexile est, sed satis malleabile, a magnete trahitur. Vna pars ferri, duabus stanni commixta, mixtum efficit, in superficie, ubi partes diffractae cohaeserunt, obscure gryseum, quod malleo extenditur, et a magnete trahitur. Cuprum etiam ferro unitur, fitque hinc cuprum pro quantitate ferri admixti durius, gryseum, minus ductile, et difficilius in igne fluens. Superficies partium diffractarum similis est illi cupri generi, quod primum ex minera eliquatum *Robkupfer* (nostrates *Schwarzkupfer*) appellant, huic enim cupro plerumque ferri quidquam admixtum est, quod, dum igne perficitur, (*Gahrkupfer*) comburitur. A magnete vero mixtura illa trahitur, licet minor ferri quantitas maiori cupri commixta sit. Vna pars ferri commiscetur tribus plumbi, ope fluoris nigri et pulueris carbonum ad combustionem euitandam et liquationem facilius obtinendam. Prodit autem regulus, plumbi facie, malleabilis et magneti obediens. Ferri vitriolum commune cum mercurio in amalgama coit, si durante agitatione pauxillum aquae addatur, sed
cum

cum illud per aliquod dies stetit, compresso eo abit mercurius, ferrumque croci aut rubiginis specie relinquit, nulla amplius arte mercurio coniungendum. Similiter quo modo ad semimetalla se habeat, et quae ad ferrum facilius meliusque e mineris eliquandum faciant, ostendit.

6) Nouum inuentum cylindri, qualem glebis p. 214. comminuendis agricolae adhibent, (nostrates *Walze*, *Wallbreche* appellant), describit MAGNVS LAGERSTROEM.

7) Eleuationem castelli Oboensis in Fennia supra p. 219. mare definiit IACOB GADOLIN, quod facit ad quaestionem, num aquae copia minuatur.

8) Secale, quod alias autumnno circa diem Lau. p. 224. rentii (stilo antiquo) feri solet, hieme in niuem fere-re tentauit IOAN. ADELHEIM; res feliciter successit, maturitas vero autumnno proximo satis contigit.

10) Tentamina cum tribus minerae ferri specie- p. 226. bus, in Suecia erutis, instituta recenset A. F. CRONSTEDT.

11) GERH. WILLEMOT differit de cultura et usu p. 233. plantae cuiusdam cerealis, quam cum nec descripserit, nec botanicum eius nomen adiecerit, cum eo auenam albam anglicam appellabimus.

12) Ex diario academiae eduntur, quae in co- p. 236. ctura nitri, ad urbem Lindkoeping florente, instituta experimenta perscripsit C. FR. LVND. Primum adducemus: Ex 30 *tonnis* terrae, partim ex ruinis calcariis murorum antiquorum constantis, et parte cineris, in saponis coctura annum dimidium ante elixati, aliaque parte fimi equini semestris, coelo libero ante expositi, modo consueto, absque mixtura cinerum aut alius rei lixiuium obtentum est, quod coquendo inspissatum, neque filtratum, nitri crudi libras sex dedit.

STAKEL, chartae faciendae in Helsingia praepositus, chartam gryscam ex foliis arborum effecit, modum sibi seruat, Con-

- p. 241. Contenta trimestris ultimi:
 1) De sale ammoniaco C. LEYELL differit.
- p. 258. 2) Sal ammoniacum, ut in Aegypto praeparetur, oculatus testis HASSELQVIST descripsit. Materies est fuligo a combustis stercoribus quadrupedum domesticorum, quae plantis vescuntur, hominum quoque. Est vero Aegyptus sale plena et plantis falsis, unde sine dubio acidum salis communis in ammoniaco. Stercoribus vero illis ficcatis, ligni defectum diuites aequae ac pauperes supplent, fuliginem iis, qui sal praeparant, vendunt; neque enim agricolae fimo indigent, cum agri argilla Nili fecundentur. Camelorum stercoris nulla hic est praerogativa, neque urinae illorum ratio habetur; mallent tamen, qui sal coquunt, humanis excrementis, deinde ouinis et caprinis uti, si sola habere possent. Hanc materiam vasis vitreis loricatis indunt et post euaporationem spiritus acidi, orificium obturant, in suprema autem sal collectum obtinent.
- p. 265. 3) Additamentum huic relationi adiicit T. SCHEFFER, observans praecipue, salis communis in ammoniaco magnas esse partes, hinc meliora esse excrementa, de quibus diximus, animalium, quae sale communi utuntur. Praeter ea sal ammoniacum, ad *Puteolos* a natura sublimatum, a Cl. SWAB ibi collectum, possidere se narrat.
- p. 267. 4) Alia addit VLRICVS RVDENSCHILD, inter quae est, ex libris 26 fuliginis obtineri salis ammoniaci libras 6.
- p. 268. 5) *Rursus de salmonis piscatura* differit Cl. GISLER.
- p. 284. 6) *Formas navium minores (modelle) facile parare docet* G. SHELDON
- p. 287. 7) *Mineram aliquam, in Suecia erutam, examinat* AXEL F. CRONSTEDT.

8) *Locum quendam in mari Succico, ubi acus magnetica turbatur*, describit, suaque observata recenset CAROL. 10. GETE.

9) *Hyperbolam aequilateram cum circulo comparat* SAM. DVRAEVS.

10) *Zea (Mays) quo modo in America boreali colatur, et quam variis usibus adhibeatur*, describit Cl. KALM.

11) *Clima Scaniae* describit ERIC. GVST. LID-
BECK. Et si Scania 4. saltem gradibus australior sit Vplandia, temperies coeli tamen multo ei clementior est. Circa Londinum (*Lund*) *petum* colitur; *datura* (LINN. H. Vpf. 43.) ad altitudinem trium pedum excrescit, copiosis et crassis ramis, ornamentum hortorum futura, si perennis esset. Siberica et Europaea semina, quae Bar. BIELKE et LINNAEVS horto botanico donarunt, egregie proueniunt. Peregrina varia indigena fiunt, ut mali armeniacae, perficae, amygdala, vites, castaneae, mori, cet. *Mesembryanthemum crystallinum*, (LINN. H. Vpf. 27.) planta africana sub coelo libero creuit, et semina matura produxit, idque contingit plantis pluribus, *Vpsaliae* in hypocausto seruandis. Mori hiemem perfecerunt.

XV.

D. GEORGII RVDOLPHI BOEHMERI, Anat. et Bot. P. P. Diss. de vegetabilium celluloso contextu. Resp. Io. Christ. Rüffero, Wittebergae, 1753. 4. ap. E. G. Eichsfeld, 4 pl.

Albidas elasticasque nunc crassiores nunc subtiliores fibras atque fila, inter se nexa, variae figurae et magnitudinis caua, seu cellulas efformantia contextus cellulosi nomine insigniuit Cl. Auctor, atque ex hac descriptione eius in animalibus et vegetabilibus conue-

conuenientiam generatim primo declarauit, ostenditque a fluidis, ex terra ad semen ductis, condensatis, et perpiratione inspissatis illum eodem modo, ac in animali corpore a glutinoso liquore, produci et multiplicari, omnesque cellulas inter se communicare, et ex una in alias patulam esse viam. Hic vero cellulosus contextus ubique praesens, structura multum differt, ideoque, et in primis etiam pro diuersitate loci, ubi reperitur, diuersa accepisse nomina monet. Aliquando enim eius fibrae vincula praebent, quibus aliae fibrae atque vascula vel simplicia vel in fasciculum collecta, inter se uniuntur. Ita in stramonii fructu, cuticula detracta, virentique massa, sub eadem haerente caute separata, innumerabilia vasa, a nexu suo separata, simulque vacuas cellulas conspexit, atque continuata maceratione omnia vasa in villos atque cellulosam substantiam dilacerata quasi inuenit. Vasa haec, et illa in primis, quae succos continent, interius, ut CAESALPINVS iam docuit, singulari opere celluloso replentur, et obstruuntur, quod Cl. Auctor etiam in succulentis plantis, omniumque elegantissime in Blito rubro per microscopium obseruauit atque descripsit, simulque vidit, contextum cellulosum intra vascula antea contentum alio tempore deficere, atque vacua vasa esse, id quod in primis in marcescente, succisque exhausta planta deprehenditur. Ex quibus concludit Cl. Auctor, contextum illum pro diuersa plantae constitutione disparere sensum, vasorumque lateribus condensatum illum adhaerere, ideoque, quam diu planta viget, tamdiu quoque eius modi spongiarum vasorum caua replere, in marcescente vero atque mortua planta disparere, eaque vacua fieri. Ex hoc quoque fundamento valvulas in plantarum fistulis adesse negat, existimatque septa, quae pro illis assumpta fuerunt, esse tantum apophyses fibrosas a contextu celluloso, linteribus canalium adpresso superstitites, vel integram medullam,

vasa

vasa replentem. Porro etiam ex hac, antea declarata, spongiosi huius operis mutatione trachearum existentiam dubiam reddit. Omnes enim, qui eas defendunt, tracheas vasa esse reliquis maiora, densiora, certisque modo in locis praesentia statuunt, in parenchymate harum nullas, in libro vero plures adsumunt, ideoque vascula in parenchymate succis vehendis adaptata, nunc eodem in librum condensato, in tracheas mutata fuisse concludit. Teneriores etiam plantae partes illis carent, successiue vero, maiori facto incremento, eae tandem oriuntur; hinc vasa nunc exsucca reddita, cellulosoque contextu orbata, vacua fiunt, cumque succi in illis amplius moueri non possint, aer intrat eademque replet. Quam rem tandem, experimento, in cucurbitacearum plantarum foliis instituto, ulterius corroborat. Non modo autem contextus cellulosus intra vasa continetur, sed et externe illis adhaeret, et quidem vel eadem cingit atque ambit, vel eorundem orificiis adnectitur, vel denique in singulari loco, ut peculiare corpus, habitat. Prius in primis in parenchymate deprehenditur, quod rapae aliarumque plantarum radices in aere exsiccatae, iterumque in aquam immerfae docent, statuit etiam parenchyma hocce non modo externe plantas ambire, sed et diametrales, ut vocant, portiones efficere, quae interiora versus ducuntur, tandemque in medulla desinunt. Lignum enim non solidum est atque integrum, sed perforatum, transitumque celluloso contextui permittit. Hinc in plurimis plantis centrum occupant fibrae, vario modo inter se nexae, cellulasque efformantes, quae medullam constituunt. Et haec quidem ex duplici celluloso opere constat, alio, quod ex tenuissimis lamellis componitur, et minores cellulas sistit, et alio, quod fibras refert densiores, vario modo inter se nexas, quae maiores firmiterque consistentiae cellulas constituunt. Maximam itaque medullae partem utriculos siue cellulas

esse adsumsit, an vero etiam vascula ibi adsint, in dubio reliquit. Medullam cum contextu celluloso conuenire, probant etiam illae plantae, in quarum centro nulla medulla deprehenditur; non enim in his deficit illa, sed alium modo occupauit locum, atque lignosa fibrarum strata vesiculari eius modi medullari-que opere inter se cohaerent. In quibusdam cauis inuenitur caulis, credit vero Cl. Auctor illum non semper cauum fuisse, sed vegetatione protracta atque finita vacuum fieri, in senescente enim planta tomentosus contextus, qui antea explicatus erat, contractus, lateribusque cavitatis adpressus conspicitur. Considerat porro alias partes, quae contextum similem habent; folia et viridia et maceratione praeparata sub cuticula viridem exhibent massam, quae vasorum interstitia replet, et tota cellulosa est, petalorum quoque vascula utriculos includunt, et in seminibus, eorumque in primis cotyledonibus copiosissime illi adsunt. Commemorat etiam illas vesiculas, quae inter utriculos in foliis dispersae haerent, et a MALPIGHIO folliculi adpellatae fuerunt. Omnes vero has partes, diuersis nominibus insignitas, hos folliculos, utriculos, parenchyma, medullam et s. p. esse caua liquoribus repleta, ideoque omnes ad contextum cellulosum referendas monet atque urget. His nunc fusius descriptis ad usum contextus huius eruendum accedit, quem amplissimum esse, ex eo patet, quia ab eodem omnis solidarum partium cohaesio, omnis structurae differentia, omnisque fluidorum motus et praeparatio dependeat. Ostendit itaque primo humores in eodem contineri, licet aerem alii in eo habitare existimauerint, deinde humorum motum huius ipsius adminiculo accelerari plurimis docet argumentis. Cellulas inter se communicantes, ut tubos capillares considerat, similique modo fluidorum progressum iisdem fieri existimat; et quo maior necessaria est in plantis humorum quantitas, quo viuidius celeriusque illae crescunt,

crescunt; eo maiori quoque in copia adest haec spon-
giosa substantia, dum vero caulis vel folia vel per-
sistunt immutata, vel sensim contabescunt, eo parcio-
res inveniuntur cellulae. Vasa quoque medio reticu-
lo orbata minime denuo reuiuiscunt, dum e contra-
rio plantae flaccidae, cellulosae adhuc, aqua adpersa
iterum erigantur viuantque. Eodem terrae succo nu-
triuntur diuersissimae plantae, ideoque ille in singula
planta in propriam naturam debet mutari, dum vero
vasa in plantis cylindraceam, habent figuram, nullam
in mutandis fluidis virtutem exserunt, sed horum
praeparatio a contextu celluloso, veluti a glandulis
dependere adfirmat, atque ex vegetationis mutatio-
nibus declarat. Ultimo tandem utilitatem cellulosi
operis ratione solidorum explicat. Vinculum illud
praebet; quo simplicissimae fibrae inter se cohaerent,
simulque elasticitatis physicique roboris causam prae-
bet, ac omnis structurae differentia ab eodem depen-
det. Quo laxiores enim huius sunt cellulae, quo ma-
iora eius caua, eo mollior atque tenerior est planta,
et vice versa; in cuius rei demonstrationem vasorum
diuersorum contemplationem addit; plantarumque
iuniorum et arborum in primis in adultam plantam
mutationem considerat. Partium quoque plantae
specialem considerationem adnectit, ut usus contex-
tus cellulosi eo luculentius pateat. Ita motus, si quis
est, vasorum, et integrae plantae, staminum ab ar-
cuato situ in erectum mutatio, antherarum crepatur-
a, et euolutio, fructuum et capsularum in primis
dehiscencia, aristarum in graminibus et geranii semi-
nibus et forte foliorum mobilitas ab eodem dependet,
an non forte etiam ille causa sit, cur radices ex semi-
ne enatae deorsum, caulisque sursum tendant, ut
problema adponit.



XVI.

Noua physico-medica.

Doctores et Professores medicinam docentes

1) In uniuerſitate Baſileenſi:

IOH. RVDOLPHVS ZWINGERVS, Ph. et Med. D.
Pract. Prof.

DANIEL BERNOULLI, Ph. et Med. D. Phyſ. Theo-
ret. et Experiment. Prof. Ord. Med. Extraord.

FRIDERICVS ZWINGERVS, Ph. et Med. D. Theo-
riae Prof. Ord. Conſil. Aulic. Bado-Durlacenſis.

IO. RVDOLPHVS STEHELINVS, Phil. et Med. D.
Anat. et Botan. Prof. Ord.

His ex Philoſophis adiungendus eſt:

IACOBVS CHISTOPHORVS RAMSPECK, Phil. et
Med. D. Eloq. Prof.

2) In uniuerſitate Erlangenſi:

IOANNES FRIDERICVS WEISMANNVS, Med. D.
Sereniſſ. March. Brandenb. Culmb. Archiater et
Conſiliar. Aul. Med. Prof. Publ. Ord. Acad. Nat.
Cur. Sodal. et ciuitatis Erlangenſ. Poliater.

CASIMIRVS CHRISTOPHORVS SCHMIEDEL,
Med. D. Sereniſſ. March. Brandenb. Culmbac. Con-
ſil. Aul. Anatom. et Botan. Prof. Publ. Ord. Acad.
Nat. Cur. et Societat. Florent. Botan. Sodal.

CHRISTIAN SAMVEL GEBAYER, Med. D. Sereniſſ.
March. Brand. Culmbac. Archiater et Conſil. Aul.
Com. Palat. Caef. Med. Prof. Publ. Ord.

HENRICVS FRIDERICVS DELIUS, Med. D. Sere-
niſſ. March. Brand. Culmbac. Conſil. Aul. Med.
Prof. Publ. Ord. Acad. Imp. Nat. Cur. Sod. Soc.
Reg. Teuton. Gotting. Colleg. Honor.

Virum

Virum Cl. IO. GEORG ROEDERER, M. D. *Goettinga* ante paucos annos vocatum esse *Groeningam*, ut anatomen ibi doceret, nuper quidem retulimus*; tum tamen temporis adhuc dubii, num oblatum sibi munus accepturus esset? Qua vero de re nunc certiores facti commemoramus, eum de munere, quo huc usque cum laude functus est, non decessisse, sed a Pot. Magnae Britanniae Rege Professore Anatomiæ ordinariæ *Goettingae* constitutum esse, ibique nunc eam simul cum arte obstetricia, uti solet, cum applausu publice tradere.

Notum porro est, praeter hanc anatomen docendi prouinciam, in Cl. ROEDERER delatam, duabus adhuc aliis functum fuisse Ill. HALLERVM, dum viueret *Goettingae*; unam nempe docendae Chirurgiae; alteram Botanices, quarum illam publice posterum tradet vir Cl. IO. GODOFR. BRENDL, M. D. et P. P. O. hanc vero Vir Cl. IO. GODOFR. ZINN, M. D. et P. P. Extr qui horti simul botanici *Gottingensis* curam in se suscepit.

Ibidem etiam post Ill. HALLERI, perpetui societatis Scientiarum Praesidis, discessum, is nunc constitutus est ordo, ut inter socios illius societatis illustris seniores ab uno ad alterum per orbem eat praesidis officium, quo per sex menses quilibet defungatur, ita, ut post Cl. GESNERVM illud munus hucusque subierit Cl. HOLLMANNVS.

Neque silentio praeterire possumus, eundem Ill. HALLERVM anno adhuc superiore ab academia, quae *Florentiae* constituta incremento studet artis botanicae, receptum fuisse socium.

M m 3

Holmiae

* Comment. nostr. Vol. III. P. II. p. 355.

Holmiae a regia scientiarum academia Cl. CAROLVS BONNET, Geneuae degens, vir de indaganda rerum naturalium historia promeritus in conuentu, die vicefimo fexto menfis ianuarii huius, quem agimus, anni habito, in numerum extraneorum fociorum relatus fuit.

Ibidem a Ser. Suecorum Rege Virum Cl. IO. BERGSTRAHL, Med. D. Affefforem Regii Collegi Medici Holmienfis nuper mense maio nominatum effe accepimus.

Ibidem porro Cl. HERM. SCHÜTZER, cuius iam alibi memorandi habuimus occafionem, a Ser. Suec. Rege mandatum effe legimus, ut fupremam omnium rerum chirurgicarum, per totum Sueciae regnum occurrentium, gerat curam; titulo fupremi rerum chirurgicarum directoris fimul ipfi impertito.

Moscouiae, nuper etiam Cl. PAVLVS CONDOI-DI, quem a Ser. Imperatrice Rufforum collegiorum medicorum directorem, conftitutum fuiſſe iam adnotauimus, * nunc eiufdem Imperatricis archiatri et confiliarii intimi officiis decoratus eſt.

Lutetiis Pariſiorum, quae praefidis officio facultatis medicae fungeretur, praefecta fuit ſexus ſui aequae peculiare decus ac ſcientiarum ornamentum Ill. de VOISENON ex perilluſtri gente oriunda, quae per varia ingenii et doctrinae ſpecimina inclaruit.

Eblanae in Hibernia ante breue tempus obiit Vir, dum viueret, Clariffimus, et de arte medica, cuiusque in primis parte phyſiologica, egregie meritus, BRYAN ROBINSON, Med. D. eiufdemque in eadem academia Profeſſor; aetate valde prouectus.

Berolini

* vid. Comment. noſtr. Vol. III. P. I. p. 168.

Berolini die decimo aprilis obiit anno aetatis suae tricesimo quinto CHRISTOPH. HENRICVS KESSEL, Med. D. inter eruditos ideo potissimum clarus factus, quod opera chemica auunculi sui CASP. NEVMANNI, viri, cuius memoria inter chemicos nunquam peribit, hucusque ediderat.

Ibidem et eodem mensē, die scilicet aprilis vicesimo, aetatis suae anno octogesimo septimo, e viuis discessit. CHRISTOPH HORCH, Med. D. Ser. Boruff. Reg. Consiliarius intimus et Archiattrorum Senior, Caes. Acad. Nat. Cur. Supremi Collegii Medici et Collegii Sanitatis Berolinensis Socius.

Praematura Cl. Viri IO. BENI. BOEHMERI mors, quam nobis etiam lugendam esse profitemur, cum nostrorum, quantum per valetudinis rationem concessum erat, laborum industrius fuerit socius, supra a nobis indicata, * memoriam eius, quoties illius recordamur, resuscitando nunc certe a nobis exigit, ut quae vel praestiterit, vel sperare ab eo potuerit orbis literarius, patefeat. Natus autem erat ille anno huius seculi decimo nono, mensis martii die decimo quarto, Lignitii, haud incelebri Silesiae urbe, patre BENIAMIN, arti pharmaceuticae operam nauante, qui nihil quidem, quod ad acuendum, instruendumque ingenium filii pertinere videbatur, praetermisit; praecoci tamen morte ipsi eripiebatur. Nihilo tamen fecius, licet haec iactura, in primis, quod rerum gerendarum inopia accedebat, facile inconstantem depressisset animum, eo alacriorem eum et studiosiorem reddidit, ut variis, literarum in primis, quae ab humanitate dicuntur, locupletatus doctrinae thesauris, anno huius seculi tricesimo septimo nostram musarum sedem adire potuerit. A quo tempore suo feruore et singulari studio id effecit, ut omnes, quos diligenter

M m 4. audiuit,

* vid. Comment. nostr. Vol. III. P. II. p. 360.

audiuit, scientiae medicae antilites, WALTHER, PLATNER, HEBENSTREIT, HARTRAMFT, GÜNTZ, LUDWIG, sibi fauentes reddiderit, immo ad intimam eorum amicitiam fuerit admissus. Sed, cum praeter ea annuente fortuna, magnum SYLVERSTEINII stipendium forte consequeretur, in id omnes, nec sine prospero conaminum successu, intendit neruos, ut aliquando academiae utilis euadere possit. Recitauit itaque in honorem ante iam dicti Ill. SYLVERSTEINII 1742 orationem de incitamentis ad medicinae studium, et defendentis ac dissentientis officio saepissime cum doctorum suorum applausu et commilitonum admiratione functus est. Hinc 1738. sub praesidio IO. GEORGE HOFFMANNI dissertationem *de matricibus metallorum*, 1739 theses *de sanguinis circulo in foetu aduersus* Cl. MERY, 1740 quaestionem medicam, *an a nerui phrenici alterna compressione alternus thoracis motus*, 1743. aliam, *an musculi intercostales interni externorum antagonistae*, et tres illas, a se ipso confectas, moderante Cl. LUDWIGIO, proposuit. Ab illo autem tempore singularis, eum et Ill. PLATNERVM, cuius nunquam sine honoris titulo nomen adducimus, intercedebat familiaritas, et exquisitae illius bibliothecae usus, tum medicinae tum literarum cognitionem mirum in modum augebant, quod edita, qua philosophiae magistri iura sibi comparauit, *de Psyllorum, Marforum et Ophiogenum aduersus serpentes eorumque ictus virtute*, anno huius seculi quadragesimo quinto dissertatio testatur, quo ipso etiam anno sub praesidio modo nominati Ill. PLATNERI *de Hydrocele* publice disputauit, et summos in medicina honores capessuit. Nouo hoc incitatus quasi stimulo, cum ea, quae virum ingenuum decet, probitate atque prudentia artem nostram exercuit feliciter aequae ac aliis in ea docenda studiosissime praeiuit. Hinc breui post aliquot suae diligentiae reportauit praemia,

quae

quae sensim alia semperque maioris momenti consequuta sunt. Anno scilicet 1746 senatus huius urbis eam ipsi demandavit spartam, ut pauperum, quae extra nosocomia stipendia merentur, curam ipsi concederet, deinde 1748. ex Potentissimi Regis Nostri summa gratia munus professoris anatomiae et chirurgiae extraordinarii accepit, ad quod adeundum eleganter et docte conscriptam *de ossium callo* disquisitionem proposuit. Satis ita ad praestanda ea, quae ab ipso desiderari poterant, aptum fuisse eundem iudicandum inde erit, sibi tamen in difficilioribus potissimum rebus non soli confisus, ab Ill. PLATNERO sustentatus et consiliis adiutus fuit praestantissimis, cuius exinde inopinatam mortem, quae triste eius nobis usque reliquit desiderium, tam moesto tulit animo, ut eum panegyrico, post annum, die emortuali habito, demum publice declararet. Quo facto germanicam, quam imperfectam reliquerat Ill. PLATNERVS, chirurgiae, a se conscriptae, versionem tum ex schedis eiusdem edendam curavit, quod ad primum nempe tomum attinet, tum etiam ex latino idiomate secundum tomum transtulit, et variis, quae chirurgorum inscitiae succurrere possint, remediorum formulis additis adauxit, simulque, quam in hisce etiam doctrinis sibi comparauerit cognitionem, variis confirmavit documentis. Euenit autem non diu post 1750. ut Ill. olim GÜNZIVS noster ad tuendam Patriae Patris clementissimi valetudinem Dresdam euocaretur, in cuius locum, quem sufficeret, inuenire potuit peritiorem neminem. Sponte itaque eidem officium docendae anatomes et chirurgiae tradidit, cui etiam, sed nimis breuiter ita praefuit, ut spartam sibi datam exornaret optime, et quo ordini medicorum interesse posset, *de radicis rubiae tinctorum effectibus in corpore animali* 1751 conscripta dissertatione iura sibi comparauit. In quo sane specimine per numerosa aeque experimenta, ac dissectiones animalium

um nitide expressit mutationes obseruatas et in eruen-
dis phaenomenorum causis adhibendam esse solertiam
omnemque fugiendam negligentiam luculenter de-
monstrauit. Quid? quod iucundum tantum visum
experimentum explicandis etiam absconditis naturae
euentibus adaptatum esse ita comprobauit, ut 1752.
in prolusione anatomica *callum ossium, a rubiae tinctorum
radicis pastu infectorum* describeret. Sed, quem
stabilem ipsi exoptabant omnes et vegetam sanitatem,
variantem tamen sensit, eo quidem modo, ut paullo
post ab amicis sibi studiis recedendum ipsi esset. Tan-
ta enim sensim sensimque succos eiusdem occupauit
acrimonia, ut in faciei potissimum partibus variis ma-
ligna canerosaque ulcera exorta longe lateque serpen-
tia, vires vitae imminuerent multo et exhauriendo
eundem tandem misere ductae vitae praeteriti anni die
undecimo mensis martii finem facerent. Quae licet
iactura, a causis, remediis parere nesciis, producta,
Nostrum in tranquillum et exoptatum statum reduce-
ret, nobis tamen amicum integrum et infucatum,
academiae doctorem sedulum et doctum, aegrotis
medicum peritum et felicem, discipulis autem prae-
ceptorem dilectum ingenuumque eripuit.

Nec diu quidem post discessum nunc commemo-
rati Cl. BOEHMERI, nostra inconcussa stetit societas,
cum breui post alium nobis amicum et spei etiam ple-
nissimum virum, CHRISTIAN GOTTHELF KIES-
LING, die nempe nono maii perdiderimus. Is qui-
dem in oppido Werda, prope Cygneam sito, anno
huius seculi vicesimo quarto natus erat, patre GODO-
FREDO, qui pharmaceuticam exercebat artem. In
patriae vero aeque ac electorali, quae Grimmae flo-
ret, schola per plures annos in addiscendis literis
eum se gessit, qui conuenientibus instructus subsidiis
posset cum laude anno huius seculi quadragesimo
quinto ad nostram se conferre academiam. Iactis ita-
que

que ulterioribus in philosophia et mathesi fundamentis totus medicinae se se dicavit et praeceuntibus ipsi celeberrimis viris ita in ea profecit, ut summos, quos consecutus fuerat, in philosophia honores 1752 dissertatione *de succis plantarum* tueri publice posset. Animus etiam erat naturam succorum, qui in vegetabilibus sunt, pluribus et cum studio susceptis experimentis perscrutari, cuius rei causa varia ab ipso specimina iam elaborata et instituta fuisse scimus: in id tamen praecipue sibi enitendum esse putabat, ut per experientias collectas remediorum diiudicaret vires, quem quidem obtinendi finem largissimam inueniebat occasionem, dum nosocomii atque orphanotrophei aegrotos inuiseret, eorumque morborum decursus sedulo adnotaret. Laboris etiam huius indefessi praemium cum laude ex merito reportavit. Postquam enim eleganter, *de utero post partum inflammato* dissertationem a se conscriptam huius anni mensis martii die primo publice defenderat, summos in medicina honores capeffuit. Accingebat postmodum se se ad persequenda ea, quae sibi proposita fuisse diximus; a quibus quidem laboribus per varia, quae ab hypochondriis nomen habent, symptomata misere affectus breui arcebatur et praeter omnem spem adeo excruciabatur, ut redeunte, per has causas, iam aliquando excitata haemoptysi, nunc grauiori et subsequente febre lenta emaciatus obiret, sui nobis aliisque relinquens desiderium.

Londini sexto die martii ex hac etiam vita decessit, CHRISTLOB MYLIVS, quem naturalia disquirendi corpora cupiditas eo deduxerat, ut peregrinas, Americanas potissimum, inuisere regiones, penes se constitueret. * Natus ille huius seculi vicesimo altero anno Lusatiae superioris urbe Reichenbaci fuit, patre verbi diuini ministro. Elegantioribus literis, medicinae,

* vid. Comment. nostr. Vol. II. P. I. p. 178.

dicinae, mathesi, historiaeque naturali per aliquot annos hic Lipsiae operam nauauit, et his ultimis potissimum incumbens scientiis Berolinum abiit, ibidemque diuersas instituens de rebus naturalibus observationes per aliquot tempus vixit. Capto vero huius, in scientiarum incrementum directi, desiderii explendi causa consilio in exteras secedendi regiones, Ill. HALLERI, qui eo tempore adhuc Goettingensi praeerat academiae, fauore adiutus et suppeditatis a physicarum rerum amicis stipendiis sustentatus, iter in surinamenses meditabatur regiones, illudque cum magna de sanitate sua corporisque robore fiducia anno proxime elapso suscepit. Sed, cum per inferiorem Saxoniam illi abire animus esset, media hac via pristinum mutauit propositum eam, quae ditioni Anglorum subest, Americae partem praeferebat. Hinc Londinum venit et peripneumonia correptus fatis cessit. Dolent praematuram hanc mortem, qui non solum rerum naturalium cognitionem quotidie adauctam cupiunt, sed omnes etiam, quorum benivolentia promotum fuit consilium, quippe quibus ex naturae thesauris quaedam transmittere debebat Cl. MYLIUS specimina, et diligenter obseruata sedulo adnotare.

Hala et uniuerſa res literaria non minus singulari quodam decore priuata fuit morte Ill. CHRISTIANI, Liberi Baronis DE WOLFF, qui cum ob peculiare, quod in philosophicis, mathematicis, physicisque doctrinis exponendis adhibuit, studium nulli non cognitus esse debeat, et communis fere Germaniae doctor euaserit, nostram neque commemorationem satis dignam, nec commendationem ullam expectare poterit. Natus est Vratislaviae, Silesiae urbe, a parentibus honestis anno seculi praeter lapsi septuagesimo nono, ianuarii mensis die vicesimo quarto. Post vero quam in gymnasio patrio et deinde in Ienensi acade-

academia literas, quibus ab humanitate nomen est, atque theologiam excoluerat, ad nos se se conuertit, et in hac Lipsiensi academia ultiores in philosophicis studiis physicisque cum omnium, cum quibus familiaritas ipsi intercedebat, applausu progressus fecit, et ad summum, quod postea attigit, scientiarum culmen, primos quasi gressus perfecit. Hic enim 1703. philosophiae summos honores et magistri titulum indeptus, singulari dissertatione, quae *philosophiam practicam uniuersalem, mathematica methodo conscriptam* proponebat, eius honoris iura tuitus est, nec non variis aliis physicis mathematicisque speciminibus subtilem, qua pollebat et accuratam ratiocinandi methodum aliis comprobauit. Anno huius seculi sexto Gissam et Halam vocatus, in hanc posteriorem academiam, mathematicum docendi causa abiit, quam vero, vicesimo tertio dicti seculi anno, fatis sic volentibus iterum deferere coactus, Marburgum venit, ibidemque mathematicas proposuit disciplinas, ex quo loco cum magno sui honore literarumque gaudio Halam rediit, nuper nono mensis Aprilis die, retrocedentibus podagrae insultibus extinctus, diem suum obiit. Quamuis autem praecipuam sibi daret curam, ut philosophiam, mathesin physicumque studium in uniuersum perficeret, non possumus tamen non, quin notemus, neque medicos, quibus perscrutandi corporis humani prouincia data est, indolentes hanc iacturam ferre posse, cum in diuersis, a se compositis libris, ex quibus praeter physica scripta etiam horas subseciuas, Marburgi editas, excitamus, rerum medicarum expositiones dederit uberiores.

Dresdae pariter nuper demum, die nimirum vicesimo secundo iunii mensis febre inflammatoria maligna, cum qua per sex tantum conflictatus fuerat dies, extinctus fuit, vir de re literaria aequae ac medicinae clarus D. IVSTVS GODOFREDVS GÜNZ,
Regis

Regis et Electoris nostri Potentissimi Consiliarius aulae et Archiater, huiusque nostrae uniuerſitatis Prof. Anat. et Chirurgiae celeberrimus, cuius memoriam perpetuo colemus pectore, in poſterum etiam eius in ſcientias medicas merita, et ſingularis doctrinae ſpecimina adducturi.

Varia ſunt, quae, in utilitatem corporis humani, aliquam mutationem ac emendationem expoſcunt, tamen diu incognita remanent, et ex improuiſo quaſi ex tenebris in lucem trahuntur. Plures iam, cum ſtudio haud contemnendo, ut aquae marinae tetrum nauſeoſumque ſaporem corrigerent, et, quod eius cauſa exiſtit, principium abolerent, ſunt anniſi, ad finem vero ſibi praſcriptum deuenire vix potuerunt, nuper tamen IOSEPHVM APPELEY, qui Durhami in Anglia chymiae ſtudet, adeo felicem fuiſſe relatum accepimus, qui remedium quoddam inuenerit, quo aquam marinam dulcem reddere potuique adaptare poſſet. Inſtituta autem fuerunt huius rei cauſa et in mari et in terra tentamina, quae tum praeſtantiam, tum uniuerſalem huius inuenti utilitatem comproba-
runt. Conſiſtit autem in eo, ut lapis infernalis et oſſa, ad albedinem calcinata, inter ſe commixta, cum aqua marina deſtillantur. Hoc ſcilicet modo: Vigin-
ti menſurae maiores (*Gallons*), quarum una duabus vulgaribus noſtris (*Kannen*) aequalis eſt, utriuſque et lapidis et oſſium ſex uncias deſiderant. A qua quidem maſſa intra ſeſqui horam tres quartae partes dicti ponderis deſtillatione abſtrahi poſſunt, reſidua autem reiici debet, tanquam inutilis et noxia futura. Abſtinendum etiam ad haec perficienda eſſe a vasis cupreis, quibus in nauibus uſus eſt, ſimul ſuadet Cl. inuentor, ne, quae in fundum ſecedit maſſa, inſenſa ſit ſanitati. Cum tandem experientia conſtet, non unam eſſe eandemque marinae aquae ubique indolem, in mare ſeptentrionali quidem antea praſcriptam nor-
mam

mam adhibendam esse concedit, in mediterraneo vero vel indico tertia parte auctam deberi assumi, ut nimirum nouem unciae singuli indiuidui adiciantur. Praemia, quae adeo nobile et generi humano proficuum inuentum meretur, Cl. Auctori constituta fuerunt decentia.

XVII.

Continuatio indicis scriptorum physico - medicorum, quae anno 1753. prodierunt.

NICOLAUS GEORGE GEVE, *monatliche Belustigungen im Reiche der Natur, der hartschalichsten Thiere, Gehäuse und Seegewächse. Deutsch und Französisch. bis 8tes Blat; illuminirt. Hamburg, 4.*

IO. ERDFRIED MAVRIT. GILBERT, *Diff. inaug. de putredine in corpore animali. Lips. 4.*

IOH. GOTTLIEB GLEDITSCH, *methodus fungorum, exhibens genera, species et varietates, cum characteribus, differentia specifica, synonymis, solo, loco et observationibus. Berolin. 8. c. fig.*

IO. GEORGE GMELIN, *Diff. qua nouum febrium acutarum specificum Anglicanum proponit. Resp. Theoph. Benjamin Faber. Tubingae, 4.*

Eiusd. *Diff. de tactu pulsus, certo in morbis criterio. Resp. Io. Melch. Streiff. ibid. 4.*

Eiusd. *Diff. de viis urinae ordinariis et extraordinariis. Resp. Ioseph. Gartner. ibid. 4.*

Eiusd. *Diff. singulare anthropogeniae specimen. Resp. Lud. Henr. Riecke. ib. fol. min.*

PHIL. FRIDR. GMELIN, *Progr. Beschreibung eines neuen Lochs in dem innern Schlafbeine, welches vor dem, so Herr HEISTER das neunte, ALBINUS aber das achte nennet, so aus dem Cranio gehet, gantzlich unterschieden ist; bey Gelegenheit einer zweyköpfigen Geburt observiret.*

IOH. DE GORTER, *Formulae medicae cum indice virium, quo ad inuentas indicationes inueniuntur medicamina, in usum praxin inchoantium editae.* Harderovici. 8.

Eiusd. *Methodus dirigendi studium medicum.* ib. 4.

Eiusd. *Het regt Gebruik der Sluitband, benevens enige verbeeterde behandelingen in kraamvrouwen.* Amsterd. 8.

Eiusd. *Medicina Hippocratica.* Patavii, 4.

P. GORDONI *physicae experimentalis elementa, aucta et edita ab eiusdem in cathedra philosophica successore BERNARDO GRANT.* Tomus II. Erford. 8. c. fig.

Historia febris anomalae Batavae annorum 1746, 1747, 1748. etc. Accedunt monita siphylia. Auctore IACOBO GRAINGER. Edimburgi, 8. mai.

IOH. PHILIP GRAVEL, *Diss. Monumenta quaedam ex physices experimentalis capite de igne.* Resp. *Georg. Frid. Scheibel.* Argentor. 4.

The rudiments of physic clearly and accurately described and explained, in the most easy and familiar manner, by way of a dialogue between a physician and his pupil under the following heads, viz. 1) Physiology; or the nature and principles of physic in general. 2) Hygiæna; which treats of health and discovers proper means and remedies for the preservation of it. 3) Pathology; which considers the diseases of the body and mind, their causes, nature, symptoms etc. 4) Semeiotica; which treats of the signs and indications of health and disease. 5) Therapeutics, which is employed in finding out remedies for diseases and the method of applying them to perfect a cure. To which are added some methods of cure in most diseases, both acute and chronical, according to the
the

the practice of Dr. PITCAIRN, BOERHAAVE, MEAD and others. First collected from the instructions of a celebrated Professor of medicine in the royal academy at Paris, and since improved from the best authors, both antient and modern. By IOHN GROENVELT. Now first translated from the latin, revised and corrected in the most accurate manner. London, 8.

Raccolta di Opuscoli Filosofici del D. GIOV. GUALBERTO de Soria. Lucca, 8.

IVST. GODOFR. GÜNZ, Progr. de utero et naturalibus feminarum. Lipsi. 4.

Eiusd. Progr. quo lapillos glandulae pinealis in quinque mente alienatis proponit. ib. 4.

Eiusd. Progr. observationem ad ozaenam maxillarem ac dentium ulcus pertinentem proponens. ib. 4.

HAGVENOT, Diss. Monte Pessulano habita: Otia physiologica de circulatione, de pulsu arteriarum et de motu musculorum. Resp. Io. Brun. Avinionone, 4.

IO. DAVID HAHN, Sermo academicus de scientia naturali ab observationum et experimentorum sordibus repurganda. Traiect. ad Rhen. 4. mai.

Morbilli variolarum vindices, delineati a IO. GOTHOF. DE HAHN. Wratislaviae, 4.

HENR. IAN. HALFFMAN, Diss. inaug. de morbis virginum. Lugd. Bat. 4. mai.

ALB. DE HALLER, Iconum anatomicarum, quibus aliquae partes corporis humani delineatae traduntur, fasciculus sextus. Arteriae pectoris et brachii. Goetting. fol.

Eiusd. Enumeratio plantarum horti regii et agri Goettingensis. ibid. 8.

Eiusd. Progr. observationes nuperiores de calculis felleis continens. ib. 4.

- ALB. DE HALLER, Progr. Observationes de induratis corporis humani partibus continens. Goetting. 4.
 Eiusd. Progr. Herniarum aliquot observationes continens. ib. 4.
 Eiusd. Pr. aliqua de morbis uteri continens. ib. 4.
 Eiusd. Pr. de monstrosis fabricis observationes continens. ib. 4.
 Eiusd. Pr. de morbis colli observationes continens. ib. 4.
 Eiusd. Elemens de Physiologie, ou traité de la structure et des usages des différentes parties de corps humain, traduit du latin. à Paris, 8.
 GOTTLIEB EMANUEL V. HALLER, Dubiorum contra sectionem septimam fundamentorum botanicorum III. LINNAEI Manipulus I et II. Goettingae, 4.
 GEORGE ERH. HAMBERGER, Diss. inaug. de ulcerum pathologia. Resp. Paul. Lanyi Ienae, 4.
 Eiusd. Diss. inaug. de obstructione. Resp. Io. Bernh. Gottschalck Becker ib. 4.
 Eiusd. Diss. inaug. de suffocatione. Resp. Io. Sailer. ib. 4.
 Eiusd. Pr. VI. de peruersa valetudinis cura. ib. 4.
 DV HAMEL du Monceau Traité de la conservation des grains et en particulier du froment; avec figures en Taille douce. à Paris, 12. mai.
 IOH. ANDR. HAMMERSCHMID, Diss. inaug. de notabili discrimine inter sanguinem arteriosum et venosum. Goettingae, 4.
 MICH. CHRIST. HANOV, *Seltenheiten der Natur und Oeconomie, nebst deren kurzen Beschreibung und Erörterung, aus den Danziger Erfahrungen und Nachrichten ausgezogen, und herausgegeben von M. IOH. DANIEL TITIVS. Erster und Zweyter Band. Leipzig, 8.*
Nachricht aus St. Petersburg vom 3ten August, von dem betäubten und merkwürdigen Todesfall des Herrn Prof.

Prof. RICHMANNS, mit physischen Anmerkungen begleitet von H. (HANOW), aus den Danziger Erfahrungen. Leipzig und Danzig, 8.

IOH. HEINRICH HARNISCH, *medizinische Gedanken von der Säugung eines neugeborenen Kindes, worinnen erwiesen wird, daß es besser sey, ein Kind durch eine Säugamme, als durch eine Mutter zu stillen. Gera, 4.*

ARNOLD FRIEDR. VON HARTENFELS, *neuer Garten-Saal, oder vollständige Beschreibung aller einheimischen und ausländischen Blumen-Gewächse, wodurch deren Anbau auf eine leichte Art erkleret wird. Neue vielvermehrte Auflage. Franckf. 8.*

HENR. ARNOLD. HARTWECK, *Diss. inaug. de dysenteria. Lugd. Bat. 4. mai.*

ERNEST. HENRIC. HAVSDOERFFER, *Diss. inaug. de aeris in corpus humanum ingressu et morbosa in eo genesi. Lips. 4.*

IO. ERNEST. HEBENSTREIT, *De homine sano et aegroto Carmen sistens Physiologiam, Pathologiam, Hygienem, Therapiam, Materiam Medicam; praefatur de Antiqua medicina Carmen; subnectuntur similes Poetarum sententiae; accedunt singula quaedam Carmina. Lips. 8.*

Eiusd. *Anthropologia forensis, sistens medici circa rempublicam causasque dicendas officium cum rerum anatomicarum ac physicarum, quae illud attinent, expositionibus; editio altera ibid 8. c. fig.*

Eiusd. *Pr. παλαιολογίας Therapiae specimen 32. de fonte auxiliorum chirurgico. ib. 4.*

Eiusd. *Pr. παλαιολογίας Therapiae specimen 33. de chirurgia partium mollium. ib. 4.*

Eiusd. *Pr. παλαιολογίας Therapiae specimen 34. de ossium chirurgia. ib. 4.*

LAVR. HEISTERS, *medizinische, chirurgische und anatomische Wahrnehmungen. Rostock, 4. m. K.*

LAVR. HEISTERS *Chirurgie. Franckfurth*, 4.

Eiusd. Diss. recusa; partus tredecimestris pro legitimo habitus. Editio altera. Helmstadii, 4.

Eiusd. Diss. inaug. de inflammatione. Resp. *Christian. Aug. Foertsch* ib. 4.

Principia physico-medica in tironum medicinae gratiam conscripta a IO. CLAVDIO ADRIANO HELVETIO. Tom. I et II, iuxta exemplar parisinum recusi. Praefatus est IO. PHIL. BURGGRAVIUS. Francofurti ad Moenum, 4.

HENR. NICOL. HERBERT, Diss. inaug. de Cassiauae amarae Surinamensis radice. Marburg. 4.

GEORGE HEVERMANS *Physiologie dritter Theil, welcher eine Beschreibung derjenigen Wirkungen des menschlichen Körpers in sich halt, so man die natürlichen Verrichtungen zu nennen pfleget. Coppenbagen und Leipzig, 8. m. K.*

IO. HIDDINGA, Diss. inaug. de vi et effectu arteriarum in fluida contenta. Lugd. Bat. 4. mai.

VRBANI HIERNE Actorum chemicorum Holmiesium tomus primus; h. e. Parasceue siue praeparatio ad tentamina in regio laboratorio Holmiesi peracta, ut et compendiosa manu ductio ad elementa et principia chemica rite inuestiganda, cum annotationibus IOH. GOTTSCHALK WALLERII. Stockholmiae, 8 c. fig.

Eiusd. Tentaminum chemicorum in regio laboratorio Holmiesi peractorum, tomus secundus, nunc primum in lucem editorum cum annotationibus IO. GOTTSCHALK WALLERII. ib. 8.

A Complete Body of Natural History, elegantly printed, and adorned with several 100 Figures of Birds, Beasts, Fishes, and Insects, curiously engrav'd; by IOHN HILL. London. Fol. Voll. 3. *Primum volumen prodiit 1748. sub titulo: History of Fossils; secundum 1751. History of Plants; tertium denique 1752. sub titulo: History of Animals.*

Proeven

Proeven der Natuurlyke Historie en Wysbegeerte, behelzende ene reeks van nieuwe ontdekkingen, Gedaan met hehalp van het Microscoop, door IOAN HILL, M. D. etc. uit het Engels vertaalt door P. LE CLERCQ. Hailem, 8.

Remarks upon pestilence and pestilential diseases interspersed with some observations on the mortality amongst the horned cattle; wherein this heavy calamity, both from reason and analogy, is set in a new and clear light: and certain easy means of prevention and cure are recommended up experimental principles. By WILLIAM HIRD. London, 8.

CASPAR HÖFLERS *vollständige Anweisung zur Bienenzucht, nebst allen bieber gehörigen Kunstgriffen und Vortheilen Sechste und vermehrte Auflage mit Kupfern. Dieser ist vorher gesandt Herrn MORALDI Anmerkungen über die Bienen. Leipzig, 8.*

FRID. HOFFMANNI operum omnium physico-medicatorum supplementum secundum in tres partes distributum, quibus continentur opera varia, quae in magna operum collectione et primo supplemento desiderantur. Genevae, fol.

Eiusd. *politischer Medicus, oder Klugheits-Regeln, nach welchen ein junger Medicus seine Studia und Lebensart einrichten soll, wenn er sich will berühmt machen, auch geschwind eine glückliche Praxin zu erlangen und zu erhalten begehret. Ins Deutsche übersetzt von D. IOH. MORITZ AVERBACH. Zweyte vermehrte Auflage. Leipzig, 8.*

DAVID HOHEB Diss. inaug. de apoplexia. Lugd. Bat. 4 mai.

SAMUEL CHRISTIAN HOLLMANN philosophiae naturalis primae lineae. Editio auctior et emendatior. Gotting. 8.

Siphra en Pua: of onderwyzing in de vroedkunde, en denselver voornaamste Handgrepen, nevens 30.

gewichtigste Waarnemingen omtrend sware Verlofsingen door IOHANN VAN HOORN, vertaald en met Aanmerkingen vermeerderd door GERARDTEN HAAFF. Amsterd. 8.

NICL. HORREBOWS *zuverlässige Nachrichten von Island, nebst einer neuen Landkarte und zweyjaehrlich meteorologischen Anmerkungen. Aus dem Danischen übersetzt. Coppenhagen und Leipzig, 8.*

IO. GODOFR. IANCKE, Prog. de caernis quibusdam, quae ossibus capitis humani continentur. Lipsiae, 4.

Eiusd. Progr. Observationes quaedam anatomicae de capsis tendinum articularibus. Lips 4.

Tractatus de tumoribus humoralibus in uniuerſitate Medicinae Monspeliensis explicandus; ab Auctore FRANCISCO IMBERT. Monspeli, 8.

IO. DAN. ISAAC, Diss. inaug. sistens examen spirituum animalium. Halae, 4.

CARL CHRIST. WILHELM IVCHS *vollständige Abhandlung von dem Gebrauch seiner Medicamentorum specificorum, worinne derselben Nutzen in denen mehresten Kranckheiten des menschlichen Körpers aus langwieriger Erfahrung der geschicktesten Aerzte gezeigt wird. Erster Theil. Langensalza. 4.*

HERM. PAUL. IVCH, Diss. inaug. de febribus biliosis. Resp. Frider. Wilhelm. Foerstel. Erford. 4.

Eiusd. Diss. inaug. de radice chinae eiusque limitandis laudibus. Resp. Io. Frid. Ermel. ib. 4.

Eiusd. Diss. inaug. de animi pathematibus tanquam causis multorum morborum et mortis. Resp. Ferdinand. Engelhardt. ib. 4.

IOH. GOTTER. IVGELS *zweyter Theil, des mineralischen Hauptschlüssels, oder sonderbare Entdeckung aller seiner geheimen Röst- und Schmelz-Arbeiten, nebst Anzeige, wie Erzte in kleinen Feuer nach der geheimen Schmelzart zu probiren sind, samt einer besondern Scheidekunst, Gold und Silber von allen*

allen Metallen zu scheiden und zu praecipitiren, nebst andern raren Stücken zur Metallurgie gehörig. Zittau, 8. m. K.

FRIDER. CHRIST. IVNCKER, *Diss. de liberis ab haereditate morbosa parentum legitime excludendis. Resp. Henr. Paul. Oppermann. Halae, 4.*

IOH. AVGVST IVNCKER, *Diss. inaug. de cauto et sollicito carminatiuorum usu. ib. 4.*

IOH. IVNCKERS *kurzer Entwurf von der Hebammen-Pflicht. ib. 8.*

Eiusd. *Chymie ins Deutsche übersetzt. Drey Theile. ib. 4.*

D. D. K. *Destillierkunst, worinnen die raresten bereitesten künstlichen Stücke, nebst einem Anbange einiger chymischen approbirten Kunststücke, welche bisher sehr geheim gehalten worden. Franckfurth und Leipzig, 8.*

CAROL. FRID. KALTSCHMIED, *Diss. inaug. de ileo. Resp. Georg. Christian Haybach. Ien. 4.*

CHRISTOPH HEINRICH KEILS *medizinisch-chymisches Handbüchlein, worinnen die ganze materia medica enthalten, nebst den daraus verfertigten üblichsten und nöthigsten Productis, samt deren Nutzen und Gebrauch. Siebende und verbesserte Auflage. Königsberg, 8.*

IACOB THEODOR KLEIN, *Tentamen methodi ostracologicae s. dispositio naturalis cochlidum et concharum in suas classes, genera et species, iconibus singulorum generum aeri incisus illustrata. Accedit lucubratiuncula de formatione, cremento et coloribus testarum, quae sunt cochlidum et concharum. Tum commentariolum in locum PLINII Histor. natur. lib. IX. Cap. XXXIII. de concharum differentiis. Denique sciagraphia methodi ad genus serpentium ordinate digerendum. Lugd. Bat. 4. mai. c. fig.*

LV D. GOTTFR. KLEINII, *Interpres clinicus siue de morborum indole, exitu in sanitatem, metasche-*

matismo, successioneibus, euentu funesto, diiudicationes, praesagitiones medicae, pagellae in memoriae subsidium medicis iunioribus ad infirmos ingressuris fideliter communicatae. Cum praef. ALB. DE HALLER, Francofurt. et Lipsiae, 8.

CORN. ALB. KLOEKHOFF, de morbis animi ab infirmato tenore medullae cerebri dissertatio. Trai. ad Rhen. 8. mai.

IO. HIERONYM. KNIPHOF, Progr. de utili et iucundo in materia medica connexo. Erford. 4.

Eiusd. Diss. inaug. de nitro. Resp. Dietrich David. Becker. ib. 4.

Eiusd. Diss. inaug. de infania. Resp. Carl Gottlob Goerner. ib. 4.

Eiusd. *physicalische Untersuchung des Peltzes, welchen die Natur durch Fäulniß 1752 auf einigen Wiesen hervorgebracht.* ibid. 4.

Der bey Kinderkrankheiten vernünftig curirende Medicus, welcher alle Krankheiten, die diesen zarten Creaturen zustossen, deren Kennzeichen und Temperament richtig untersucht, und deren Curen nach Hofmann und Stablischen Sätzen sicher ausführet, herausgegeben von LVDW. WILHELM DE KNOER. Leipzig, 8.

LVDW. WILHELM DE KNOER, *die über den schädlichen Mercurium und Salivation triumphirende Venus, samt dem faulartigen Scharbock, nebst Unterricht, wie diese Seuchen zu unterscheiden und zu heben.* ib. 8.

IOH. CHRISTIAN GERHARD KNOLL, *Abhandlungen aus der Arzneywissenschaft.* Quealinburg, 8.

Regnum florum, das Reich der Blumen, mit allen seinen Schönheiten nach der Natur und ihren Farben vorgestellt, bis 167stes Blatt in Kupfer gestochen und illuminiret, von GEORG WOLFG. KNORR. Nürnberg, fol.

Lapides ex celeberrimorum virorum sententia diluvii
uniuersalis testes, etc: *Sammlung von Merkwür-*
digkeiten der Natur und den Alterthümern des Erd-
bodens, zum Beweis einer allgemeinen Sündfluth,
aus dem Reiche der Steine bewiesen, in Kupfer ge-
stochen und mit Farben ausgedruckt von ebendemsel-
ben; bis zu dem 36ten Blatt. ib. fol.

Deliciae naturae selectae, oder auserlesenes Naturalien-
Cabinet, welches aus den drey Reichen der Natur
zeigt, was behalten und gesammelt zu werden ver-
dienet; bis zu dem 8ten Blatt in Kupfer gestochen
und illuminiret, von ebendemselben. ib. fol.

GEORG. FRID. KORDENBVSCH, Diss. inaug. de po-
lyposiae noxis. Altorfii, 4.

GEORG. WOLFFGANG KRAFFT, Diss. de praeci-
puiis experimentorum physicorum scriptoribus.
Resp. Iac. Bernh. Schertlin, Dav. Fr. Schlegel, Lud.
Ad. Kolb. Tubingae, 4.

CHRISTIAN GOTTLIEB KRATZENSTEIN, Pr.
quo historiam restitutae loquelae per electrificatio-
nem recenset, simulque ad praelectiones suas aca-
demicas inuitat. Hauniae, 4.

CAROL. CHRISTIAN KRAVSE, Diss. inaug. de in-
uentione indicationum uniuersim. Lips. 4.

IO. GOTTLOB KRUGERI, elementa philosophiae
naturalis experimentis confirmatae. Halae, 8. c. f.

IO. CHRISTOPH. KUHLEMANN, Diss. inaug. Obser-
uationes circa negotium generationis in ouibus fa-
ctae. Goetting. 4.

Recueil d'Observations de Chirurgie; par Mr. de
LAISSE, à Paris, 12.

Instructions for using Mr. DARAN'S antivenereal
bougie. By F. LALLIER. London.

GEORG AVGVST LANGGVTH, Progr. de morbi
boum contagiosi causa et sanatione probabili. Vi-
tembergae, 4.

GEORG AVGVST LANGGVTH, Diff. inaug. de optima methodo sanandi ulcera C. H. per remedia potissimum interna. Resp. Carol. Christian. Acoluthus. Vitembergae, 4.

Eiusd Progr. de utilitate atque dignitate artis veterinariae ib. 4.

Ebendesselben gründliche Abhandlung von der Schädlichkeit der Budelköpfe bey dem schönen weiblichen Geschlechte. Jena, 8.

DANIEL LANGHANSENS Beschreibung verschiedener Merkwürdigkeiten des Simmenthals, nebst einem Berichte über eine neue ansteckende Krankheit, die in diesem Lande entstanden. Zürich, 8. mai.

IACOB. FRANCISC. LATIER, Quaest. med. An toti oeconomiae animali praesint mechanicae leges physicis experimentis detegendae? Resp. Io. Baptist. Halle. Paris, 4. mai.

Traitemens ou Curations de toutes les maladies, traduits du Latin de M. Lazerme, avec un Traité des Maladies Vénériennes. Par M. DEIDIER DESMARETS deux volumes. à Paris, 12.

IO. LECHE, Diff. Nouae insectorum species. Aboae, 4. c. fg.

Abhandlung von den Metallmüttern, und von Erzeugung der Metallen aus der Naturlehre und Bergwerks-Wissenschaft hergeleitet, und mit chymischen Versuchen erwiesen von D. IOH. GOTTL. LEHMANN. Berlin, 8 mit Kupfern.

LEVI LEO, Diff. inaug. de natura. Lugd. Bat. 4. mai.

PHILIP. CONRAD LEONHARD, Diff. inaug. de nouo aquae salsae fonte detecto et experimentis confirmato. Gottingae, 4.

IO. LVDOV. LEVCHSENRING, de fonte medicato Niederbronensi. Argentorati, 4. c. fig.

IOH. CHRISTIAN LEVSCHNER, Ad Cunradi Silesiam togatam spicilegium quintum. Hirschbergae, 4. (continet vitas medicorum sequentium:

PAVL AMMANN, IOH. GEORG. BRVNSCHWITZ,
IOH. EMERICVS, DAVID A GREBNER, IOH.
HENR. HELSCHERVS, GOTEFRIDVS HELD
AB HAGELSHEIM, MART. HOHBERG, IO.
IAENISIVS, IO. KANOLD, IOH. GEORG.
LANKISIVS, IO. DAN. MAIOR, IOH. FRIDER.
ORTLOB, DAVID VILELMVS, PAVLI. GODE-
FRIDVS, BENIAM. PREVSSIUS, SALOMO REI-
SELIVS, IOH. SCHEFFLERVS, CAROL. FRI-
DER. SWERDNERVS, CHRISTOPH SWESSEN-
BACHIVS, IOH. EHRENFRIED THEBESIVS,
IOH. PETRVS WAHRENDORFF.)

Traité de la Goutte, dans lequel après avoir fait con-
noître le caractère propre e les vraies causes de
cette maladie, on indique les moyens les plus
furs pour la bien traiter et la guérir radicalement;
par Mr. CHARLES-LOUIS LIGER. a Paris,
12. min.

CAR. LINNAEI species plantarum, exhibentes plan-
tas rite cognitatas, ad genera relatas, cum differen-
tiis specificis, nominibus triuialibus, synonymis
selectis, locis natalibus, secundum systema sexuale
digestas. Tom. I. et II. Holmiae, 8. mai.

Eiusd. Diff. Vernatio arborum. Resp. *Harald Bark.*
Vpsal. 4.

Eiusd. Diff. Incrementa Botanices. Resp. *Iacob. Binus,*
ib. 4.

MARTIN LISTERS *Reise nach Paris, wobey die aus-
erlesensten Merkwürdigkeiten dieser Stadt, welche
die Gelehrsamkeit, Kunst und Natur betreffen, zu
betrachten vorkommen. Aus der dritten Englischen
Ausgabe ins Deutsche übersetzt von IOH. GEORGE
MEINTEL. Schwabach, 8. mit Kupfern.*

Medical principles and cautions; founded on facts,
supported by reason, and confirmed by experien-
ce. Part. III. and last. Wherein the truth of them
is farther cleared and also defended from the obie-
ctions

ctions contained in a pamphlet intituled: A letter to Dr. LOBB etc. And in which that autor's other remarks are likewise considered. By THOPHILVS LOBB. London, 8.

Traité des Playes d'armes à feu; par I. A. LOVBERT. à Paris, 12.

HIERONYM. LVDOLF, Diff. inaug. generales de febribus epidemicis conceptus sistens. Resp. Io. Gottlieb Seidel. Erford. 4.

Eiusd. Diff. inaug. de menstruorum fluxu nimio. Resp. Io. Ioseph. Horn, ib. 4.

CARL GÜNTHER LVDOVICI *eröfnete Academie der Kaufleute. Zweyter Theil. Leipzig, 8. mai.*

CHRIST. GOTTL. LVDWIG, Pr. de Cortice dentium. Lips. 4.

IO. MELCHIOR LVTHER, Diff. inaug. de inflammatione tunicarum oculi. Erford. 4.

Formules medicinales de l'hotel-Dieu de Paris ou Pharmacopée contenant la composition et la dose des remedes les plus usités par M. M. Doct. en Med. à Paris, 12.

MACQVERS *Anfangs-Gründe der practischen Chymie. Zweyter Theil; aus dem Französischen übersetzt. Leipzig, 8.*

ARTHVR. MAYENIS, Diff. inaug. de urina. Lugd. Bat. 4. mai

MICHAEL IOSEPH. MAIAVLT, Quaest. med. An iunioribus, ex seniorum cohabitatione, detrimentum? Resp. IO. NICOL. MILLIN DE LA COVRVEAVLT. à Paris, 4. mai.

PAVLL. LVDOV. MALVIEVX, Diff. inaug. de metastasi morborum. Erlang. 4.

GOTTHELF BENIAMIN MARBACHS *Abhandlung der Frühlings-und Herbst Curen. Breslau, 8.*

Esperienze sopra la Electricita che chiamano celiſte, fatte in Bologna da D. TOMASO MARINI. In Bologna, 12.

10. FLORENT. MARTINET, Diff. inaug. de respiratione insectorum. Lugd. Bat. 4. mai.
- Della separazione degli umori nel corpo umano; Lettera di GASP. DESIDERIO MARTINETTI. Ravenna, 8.
10. MARTIN historia plantarum rariorum ob praestantiam denuo edita, studio atque opera 10. DANIELIS MEYERI.
- 10H. MARTINS *Beschreibung seltener Pflanzen ihrer Fürtrefflichkeit wegen, von neuem herausgegeben durch* 10H. DANIEL MEYERN. Dec. II. III. IV. et V. *Nürnberg*, fol. reg. c. figg.
10. DA FONSECA DE MATTOS, Diff. inaug. de fractura cranii. Lugd. Bat. 4. mai.
- ELKAN BENDICT MAYER, Diff. inaug. de signis ex sanguine per venae sectionem emissio petendis. Halae, 4.
- Racconto storico-filosofico del Vesuvio, e particolarmente di quanto e occorso in quest' ultima eruzione principiata il di 25 Ottob. 1751. e cessata il di 25 febbrajo 1752. al luogo detto l' Atrio del Cavallo, dell Abbate GIVS. MARIA MECATTI. Neapoli, 4. c. fig.
- P. W. VON MEERHEIM *glücklich vollführte Reisebeschreibung, nach denen unbekannten Ost- und Südwards gelegenen Indianischen Inseln. Erlangen.* (Scriptum est alchymisticum sub hoc titulo occlusum.)
- IOHANN GEORGE MEINTELS *natürliche und geistliche Feld- Garten- und Landbetrachtungen auf alle Tage, nach Anleitung so vieler Sprüche heil. Schrift, zur Beförderung des wahren Christenthums, sonderlich auf dem Lande.* 8. mai. mit Kupfern.
- Le Guide des Accoucheurs: ou le Maitre dans l'art d'accoucher les femmes et de les soulager dans les maladies et accidens, dont elles sont très souvent attaquées; ouvrage des plus utiles pour les personnes,

sonnes , qui veulent faire une pratique particulière de l' operation des Accoucheurs. Seconde edition, revue corrigée et augmentée par l' Auteur ; le tout en forme d' examen. Par I A Q V E S M E S N A R D. à Paris, 8.

10. H. DANIEL MEYERS *Vorstellung allerhand kriechender, fliegender und schwimmender Thiere, sowohl nach ihrer eusserlichen Beschaffenheit, als auch nach der Structur ihrer Scelette; bis 24tes Blat des zweyten Theils; illuminirt. Nürnberg, fol. mai.*

Methode aisée et peu coûteuse, de traiter avec succès plusieurs maladies épidémiques, comme la suette, la Fievre militaire, les Fievres pourprées, putrides, vermineuses et malignes, avec des moyens de s'en préserver, et sur beaucoup d' observations très interessantes pour le traitement de toutes les maladies. Nouvelle edition et fort augmentée par D E M E Y S E R E Y. 12.

10. IAC. MICHEL, *Diff. de febre hectica. Duisburg, 4.*

Oratio Harueana, habita in theatro collegii regalis medicorum Londinensium die 18 Octobris 1752. ab EDUARDO MILWARD. London, 4.

GEORGE FRIEDR. MÖLLERS *Anleitung, wie die Pferschigbaume zu schneiden, nebst einer Anwendung auf den Schnitt der Baume überhaupt. Franckf. 8.*

10. BAPTISTA MOLINARIUS, *de apoplexia specimen. Viennae, 4.*

Dissertation sur les maladies des Dents, avec les moyens d' y remédier et de les guerir. Par G. P. L E M O N N I E R. à Paris, 12.

Indices botanices et materiae medicae, quibus plantarum genera, simplicium nomina et facultates summam recensentur, edidit CAIETANVS MONTI. Bononiae, 4.

EDMUND. THOM. MOREAV, Quaest. med. An ex
urriusque sexus feminis miscela, foetus? Resp. Io.
Ludov. Maria Solier. Paris, 4 mai.

I. MORTIMERS ganze Wissenschaft des Feld- und
Ackerbaues, oder die Art und Weise das Land zu
bestellen und zu verbessern, nach der fünften Aus-
gabe Deutsch abgefasst von THEODOR ARNOLD.
Braunschweig, 4.

GERHARD ANDREAS MÜLLERS Betrachtung über
die Art und Weise der Mitwirkung derer Nerven
zu denen muskulösen Zusammenziehungen, bey Ge-
legenheit der Berlinischen Aufgabe kürzlich entwor-
fen. Franckfurt am Mayn. 8.

BARTHOLOM. MURRY, Quaest. med. An venatio
caeteris exercitationibus salubrior? Resp. Theophil.
de Bordeu. Paris, 4. mai.

Beschreibung einer neuen Grönländischen Thierpflanze.
In einem Sendschreiben an Sr. Hochwohlgebornen
Herrn ALBRECHT VON HALLER, von CHRIST-
LOB MYLIVS. London, 4.

Dissertation en forme de lettre sur plusieurs maladies
populaires, qui ont régné depuis quelques années
à Châlons sur Marne et dans une partie des Roy-
aume. Avec des reflexions physiques sur l'ope-
ration des remèdes, qui ont été employés pour les
guérir. Par M. NAVIER. à Paris, 12. mai.

An essay on government of children, under three
general heads, viz. health, manners, and educa-
tion. By JAMES NELSON. London, 8.

ROBERT NESBITTS Osteogenia, oder Abhandlung
von Erzeugung der Knochen im menschlichen Kör-
per, in zweoen Vorlesungen erkleret, aus dem Eng-
lischen übersetzt von IOH. ERNST GREDING,
nebst einer Vorrede D. CHRIST. GOTTL. LUD-
WIGS. Altenburg. gr. 8. mit Kupfern.

Reliqua proxime.

Conten-

Contenta in hac parte:

- I. TARIN Osteographie ou description des os
etc. p. 385
2. EIVSDEM Myographie ou description de mu-
scles p. 395
3. TREW Plantae selectae. Dec. IV. p. 396
4. POTT Zweyte Fortsetzung der chymischen Un-
tersuchungen von der Lithogeognosie. p. 399
5. Dissertation qui a remporté le prix sur le prin-
cipes de l'action des muscles p. 403
6. *Hamburgisches Magazin XI. Band* p. 432
7. SPROEGEL Diss. sistens experimenta circa va-
ria venena in viuis animalibus instituta p. 441
8. VAN DOEVEREN Diss. de vermibus intestina-
libus hominum p. 447
9. VAN SWIETEN Commentaria in BOERHAA-
VII aphorismos. Tom. III. p. 457
10. Hist. et mem. de l'academie royale des scien-
ces de Paris. an. 1749 p. 461
11. HANOVVS *Seltenheiten der Natur und Oecono-
mie I. und II. Band* p. 515
12. *Oeconomisch physicalische Abhandlungen VI. Theil* p. 523
13. HVNDERTMARK de mercurio viuo etc. p. 528
14. Kongl. Svenska Vetenskaps academiens hand-
lingar foer Aoer. 1751 p. 532
15. BOEHMERI Diss. de vegetabilium celluloso
contextu p. 541
16. Noua physico - medica p. 546
17. Continuatio indicis scriptorum physico - medi-
corum, quae anno 1753. prodierunt p. 557

